

## **Naqqiut**

Taarserpaa siunnersuut ulloq 11. februar 2022-imeersoq  
(Aaqqissuussinermi iluarsiiisutininik suliaqartoqarpoq Tusarniaanermut akissutininik allakkiami  
immikkoortuni 2, 6 aamma 7-milu. Kalaallisuuani oqaatsitigut kukkunerisiuinikkullu  
naqqiummi tamarmi atorneqartumik iluarsiiisoqarportaaq)

Siunnersuummut oqaaseqaatit

## **Oqaaseqaatit nalinginnaasut**

### **1. Aallaqqaasiut**

Suliffissarsiortunut ikiorsiissutininik aaqqissuusseqqinnermut siunnersuut, Naalakkersuisut inummik tamakkiisumik isiginneriaasiata ilaatut, isumaqarlunilu isumaginninnermut tunngassuteqartut, peqqinnissamut tunngassuteqartut, suliffeqarnermut ilinniartitaanermullu tunngassuteqartut imminnut atassuteqassasut, anguniagaallunilu immiut pilersorsinnaanerup annertusarneqarnissaa.

Inuiaqatigiit imminnut napatissinnaasut siunertarinerani pingaaruteqarpoq pisinnaatitaaffiit aamma pisussaaffiit erseqqissuunissaat, innuttaasullu tamarmik pisinnaasatik aallaavigalugit ataatsimoornermut tunniussaqaartarnissaat. Tassani suliffissarsiornermi ikiorsiissutininik aaqqissuusseqqinneq nipilersoqataavoq, aaqqissuusseqqinneq aqputissiuusseqataassammat amerlanerusut suliffeqalartarnissaannut, taamalu ataatsimoornermut tunniusseqataasassallutik. Aaqqissuusseqqinneq aamma peqataassaaq innuttaasut kaammattorneqarnerannut inuuniarnermi atukkanik nammineq pitsanngorsaasinnaanermut periarfissanik atuinissaannut, taamalu inuiaqatigiinni piitsuussutsip annikinnerulersinnissaanut.

Politikkikkut inuiaqatigiinnilu pingaartinneqarpoq kalaallit inuiaat aningaasatigut imminnut napatittunngornissaat.

Suliffissarsiortunut ikiorsiissutit maanna suliffeerunnermi ikiorsiissutit atuuttut taarsissavaat.

### **2. Siunnersuummi immikkoortut pingaarnertit**

Suliffissarsiornermi ikiorsiissutininik aaqqissuusseqqinnermi tunngaviulluinnartoq tassaavoq sulineq immiut akilersinnaassasoq. Aaqqissuusseqqinnermik suliaqarneq innuttaasut tamarmik imminnut pilersornissaminnik akisussaaffeqarnissamik kissaateqarnerannik naatsorsuutigisaqarnermik tunngaveqarpoq.

Suliffissarsiortoq nammineq piunassuserinngisamik suliffeerunnermi suliffissarsiornermi ikiorsiissutininik pisartagaqalissaaq, kisiannili suliffeqarfinit pissarsiarineqarsinnaassalluni: suliffissaq innersuunneqartoq, suliffeqalernissamut sungiusarnissamik neqeroort piginnaanngorsarnissaaq (assersuutigalugu PKU) akuerissallugu, atorfirmut naleqquttumut qinnuteqaateqassalluni kiisalu Majoriamit ataatsimiigiasussut eqqortissallugu il.il.

Suliffissarsiornermi ikiorsiissutit suliffeqarfinnit pissarsiarineqarsinnaanermik nassuiaasiinermut tunngaviupput.

Suliffissarsiornermi ikiorsiissutit isumannaallisaatit ikiorsiissutaapput isumaginninnermilu ikiorsiissutaanatik, tunngavisorlu tassaavoq innuttaasup inissisimanini pitsanngortinniarlugu iliuseqarnissamik pisussaaffeqarnera. Suliffissarsiornermi ikiorsiissutinik pisartagalik pisartagaqarnermi pisussaaffini eqqortinngippagit pineqartoq suliffissarsiornermi ikiorsiissutit pisartagai sapaatit akunnerini sisamani 50%-imik ikilineqassapput, tassunga ilanngullugu atorfinninit nammineq soraarniuteqarsimappat imaluunniit suliunnaarsineqarsimappat. Innuttaasup pisartagai sapaatit akunnerini sisamani appartinneqarpata inuk suliffeqarfinnit pissarsiarineqarsinnaasutut isigineqassanngilaq Isumaginnittoqarfimmiillu pisortat ikiorsiissutaannik pisartagaqalernissamik qinnuteqassalluni.

Suliffissaaleqisoq siullermeerluni saaffiginninnermi Majoriamut nammineerluni takkutissaq nalunaarsortillunilu, siusinnerpaamillu ullormi saaffiginniffimmi suliffissarsiornermi ikiorsiissutinik siullermik pisartagaqalersinnaalluni. Suliffissarsiornermi ikiorsiissutinik pisartagallip CV-ni suli.gl-imi nutartersimassavaa, minnerpaamillu sapaatip akunneranut ataasiarluni suliffissarsiortutut nalunaarsortassalluni NemID atorlugu.

Suliffissarsiornermi ikiorsiissutinik pisartagalimmut pisussaaffiliisumik iliuusissatut pilersaarusiortoqassaaq, aammalu suliffissarsiornermi ikiorsiissutinik pisartagallip minnerpaamik suliniuteqarnini taassumalu suunera iliuusissatut pilersaarummi allassimallugu. Iliuusissatut pilersaarut sapaatit akunnerisa sisamat iluanni suliarineqassaaq ingerlaavartumillu nalilersorneqaqqittassalluni.

Inuit sulinermik sivikitsumik utaqqiisaasumik unitsitsilluni angerlartinneqartut unitsitsigallarnermut pissutaasoq aamma inuussutissarsiutip immikkoortua suunersoq apeqqutaatinnagu suliffissarsiornermi ikiorsiissutinik aamma pisartagaqarsinnaapput. Iliuusissatut pilersaarusiortoqassanngilaq, angerlartinneqartulli sulliffimmik innersuunneqartunik akuersisussaataapput. Angerlartinneqartut ullormit suliffissaaleqiffiulersumit siullermit suliffissaaleqisutut angerlarsimaffimmit elektroniskiusumik nalunaarsortinnissamik periarfissaqarput.

Suliffissarsiornermi ikiorsiissutinik pisartagaqartut suliffissarsiornermi ilinniagaqarnermilu nunap iluani sumiiffinnut allanut nuussinnaanissamat kajumissuseqalersinneqassapput, ukiullu ataatsip qaangiunnerani suliffissarsiornermi ikiorsiissutit appartinneqassallutik pisortanit ikiorsiissutit 18-iniit 29-nut ukiulinnut atuuttut nalinginut, ukiullu marluk qaangiunneranni 30-nik ukiulinnut utoqqaanerusunullu. Illoqarfinnut allanut suliffissamik innersuussinermi inissaaleqisoqarsinnaanera il.il. mianerineqassapput.

Suliffissarsiortunut ikiorsiissutit tunngaviusumik annertussusiat SIK malillugu akissarsiat minnerpaaffigisaasa<sup>1</sup> sapaatit akunnerini 26-ni siullerni 90%-eraat, tamassumalu kingorna akunnermusiat annertussusiat 80%-iulluni. Akunnermusiat sapaatit akunnerini kingullerni 13-  
ini sapaatit akunneranut akunnerit suliffiit agguaqatigiissinnerannut sanilliullugit naatsorsorneqassapput – annerpaamik akunnerit 40-ut minnerpaamillu akunnerit 22-t. Ilinniarnermik naammasseqqammersut kiisalu innuttaasut tamassuma siorna akissarsiornikuunngitsut piffissami sapaatit akunnerini marlunni katersereernerup kingorna ullormi saaffiginniffimmit siullermit akunnernut 22-inut suliffissarsiornermi ikiorsiissutinik pisartaqalersinnaapput.

Suliffissarsiornermi ikiorsiissutit A-mik akileraaruserneqassapput, suliffissarsiornermilu ikiorsiissutinik pisartagalit inuttut sulisutut pisortat ikiorsiissutaannik (assersuutigalugu meeraqarnermut tapiissutinik) inatsisini allani malittarisassiuunneqartut assinginik pisartaqarsinnaapput.

Suliffissarsiornermut ikiorsiissutinik pisartagalik isumaqatigiissutit il.il. naapertorlugit napparsimanermi akissarsianik pisartagaqarsinnaanngitsut napparsimanermi piffissami utaqqiisaasumi suliffissarsiornermut ikiorsiissutinik pisartagaqarsinnaapput. Pinngortitami ajunaarnersuaqarnerani piffissami killilimmi aamma suliffissarsiornermi ikiorsiissutinik pisartaqartoqarsinnaavoq.

Piffissami killilimmi qaammatini arfinilinni sapaatit akunneri sisamat tikillugit piffissap ilaani sulisoqarsinnaavoq suliffissarsiornermilu ikiorsiissutinut ilassutinik pisartagaqartoqarsinnaalluni, taakkulu tiimini suliffiusumi innuttaasup suliffissarsiornermi ikiorsiissutaasa annertussusiannut (akunnerit 22-niit akunnerit 40-ut ) sanilliullugu 1-mit 1-imut akilerneqartassapput. Piffissap ilaannaani suliffeqartunut suliffissarsiornermut ikiorsiissutit piffissami suliffissarsiorfiusumi nalinginnaasumik naatsorsorneqartassapput piffissarlu sivitsorneqarsinnaanani.

Suliffissarsiornermut ikiorsiissutit ineriartortinneqarput pisortanit ikiorsiissutinik aaqqissuusseqqinneq ilutigalugu, pinngitsoorumallugit ataatsimut ajornartorsiutaalersinnaasut, Naalakkersuisooqatigiit tamanut atuuttunik anguniagaat aallaavigalugit, inuillu nammineq aallaavigisaat tunngavigalugit kikkut tamarmik peqataasarnissaat periarfissaqartikkumallugu.

### **3. Pisortanut aningaasatigut allaffissornikkullu kingunissai**

---

<sup>1</sup> Sulinermik inuussutissarsiuteqartunut ilinniarsimannngitsunut 18-it sinnerlugit ukiulinnut akunnermusiat minnerpaaffiat SIK-p aamma Naalakkersuisut akornanni isumaqatigiissutit malillugit 1. aprili 2021-mi akunnermut 100,47 kr-iupput.

Suliffissarsiortunut ikiorsiissutininik aaqqissuusseqqinerup saniatigut pisortanit ikiorsiissutininik aaqqissuusseqqittoqarpoq, aaqqissuusseqqinnerillu ataqatigiissillugit suliarineqarput. Nutaartaasoq tassaavoq inuit tulluarsaqatigiinni 1-imiittut tamarmik suliffissarsiortermermi ikiorsiissutininik pisartagaqassasut, taavalu tulluarsaqatigiit 2-miit aamma 3-miittut pisortaniit ikiorsiissutininik pisartagaqartassallutik. Naatsorsuutigineqarpoq tulluarsaqatigiit 1-imiittut kisimik suliffissarsiortermermi ikiorsiissutininik pisartagaqassasut, tassa piumasaqaataammat suliffissarsiortunut ikiorsiissutininik pisartagaqartussat sulileriaannaasassasut pisartaqalinnginnermermi. Tulluarsaqatigiinni 1-imiittut ilaat ullumikkut pisortat ikiorsiissutaannik pisartagaqarput, ilaatigut suliffeerunnermermi ikiorsiissutininik taamaallaat sapaatit akunnerini 13-ini pisartagaqartoqarsinnaanera pissutigalugu.

Pisortat ikiorsiissutaannik pisartagaqarnissamut aapparisaq isertitai apeqqutaapput, tamannalu suliffissarsiortunut ikiorsiissutini atuutinngilaq. Taamaammat ilimagineqarsinnaavoq ullumikkut pisortat ikiorsiissutaannik imaluunniit suliffeerunnermermi ikiorsiissutininik pisartagaqanngitsunik nutaanik suliffissarsiortunut ikiorsiissutininik pisartagaqartoqalissasoq.

Inuit 2018-imi imatut inissisimasut:

18-it 65-illu akornanni ukiullit	
Siusinaartumik soraarnerussutisiaqanngitsut	
Qaammammi aalajangersimasumi pisortat	
ikiorsiissutaannik pisartagaqanngitsut	
Ilinniagaqarnermermi ikiorsiissutininik	
pisartagaqanngitsut	
Suliffeerunnermermi ikiorsiissutininik	
pisartagaqanngitsut	
Ukiumut isertitaat	
akileraarutaasussaataasut 50.000 kr.-t	
ataakkaat	
Aappallit	
<b>Inuit amerlassusaat</b>	<b>785</b>
<b>Qaammatit amerlassusaat</b>	<b>8.941</b>

Ilimagineqartariaqarpoq inuit taakku amerlanerpaartaat tulluarsaqatigiinni siullerni inissisimannngitsut, naatsorsuutigisariaqarmat inuit taakku ilaat suliffeqannginnissamik nammineq piumassutsiminnik toqqaasimanissaat. Tamanna 2018-imi aningaasarsiortermerup qaffasissuuneraniit aamma ersersinneqarpoq, tassa tulluarsaqatigiit 1-imi suliffissaaleqisut aningaasarsiornikkut qaffasissuunerani appasissuuneranut sanilliullugu ikinnerummata. Naatsorsuutigineqarpoq sulilernissamut piareersimasussaaneq suliffissarsiortunut ikiorsiissutininik pisartagaqartut inissisimaffigisassaat kinguneqassasoq inuit pineqartut 785-it tamarmiunngitsoq suliffissarsiortunut ikiorsiissutininik pisartagaqannginnissaannut tunngaviussasoq. Kisitsisit paasissutissat siulianiittut erseqqissarpaat naammattunik paasissutissanik tunngavissaqanngimmat nalilersuinissamut, inuit qassit pisortanit ikiorsiissutini inissittassanersut, aammalu qassit suliffissarsiortunut ikiorsiissutini

inissittassanersut eqqarsaatigalugu. Tamatumani pissutaavoq aaqjissuussinerit malunnaatilimmik allannguuteqarnerat, atugassarititaasut tunngavigineqartut maanna aaqjissuussinermut sanilliullugit assignagit, taamaattumillu sanilliussinissamut tunngaviusinnaasut killeqarlutik. Tamanna isumaqarpoq naatsorsuutigisani nalornissutit annertunerinik. Imaattunik missiliuuteqartoqarpoq:

<b>Naatsorsuutigisat:</b>
Pisortanit ikiorsiissutinik pisartagallit 20 %-ii suliffissarsiornermi ikiorsiissutinik pisartagaqalissapput
Inuit 100-t (inuit aappallit) suliffissarsiornermi ikiorsiissutinik pisartagaqalissapput
Suliffeerunnermi ikiorsiissutinik pisartagallit tamarmik suliffissarsiortunut ikiorsiissutinik pisartagaqaannassapput

Tamanna ikiorsiissutit assigiinngitsut qaammatikkaartumik imatut agguarnerannik kinguneqassaaq.

<b>Inuit pisartaqalersut nutaat</b>	<b>Amerlassusaat</b>
Pisortanit ikiorsiissutit	1.906
Suliffissarsiornermi ikiorsiissutit	818

Naatsorsuutigineqarpoq suliffissarsiornermi ikiorsiissutinik pisartagaqalersut nutaat tamarmik ikinnerpaanik pisartagaqalissasut, tassa akunnerit 22-t 90%-i atorlugu. Akunnermut akimik qaffasinnerusumik pisartaqalissappata tamatuma siorna sapaatit akunnerini 13-ini akunnernit 22-nit amerlanerusunik sulisimassagaluarput. Pisortanit ikiorsiissutit inunnt meeraqanngitsunut qaammammut 4.200 kr.-nik annertussusilerneqarnikuupput. 4.200 kr.-inik taakkuninnga naatsorsuinerit VIVE-mit 2018-imi suliarineqartunik ilanngaasiinani naatsorsuinerupput.<sup>2</sup> Taanna 2021-imi akiusunut naatsorsoraanni aningaasanut inatsimmi pl-imik<sup>3</sup> aaqjissutaasoq tunngavigalugu qaammammut 4.500 kr.-it anguneqassapput hunnorujumut qaninnermut iluarsiissusiinermi.

### Suliffissarsiornermi ikiorsiissutinik pisartalinnut nutaanut akit

<sup>2</sup>Pisortat ikiorsiissutaannik misissueqqissaarney, VIVE 2018

<sup>3</sup>Pl- aaqjissutaasoq = akinut akissarsianullu naleqqussaaneq 2019-mi 2,22%-iuvoq, 2020-imi 1,86% aamma 2021-imi 1,8%.

	Amerlassusaat	Akit	Qaammammut akit	Ukiumut akit	Akileraarutit kingorna akit
Pisortat ikiorsiissutaannik pisartagaqarnermit	477	3.542	1.688.285	20.259.419	11.750.463
Pisartagaqannginnermit	100	8.042	804.235	9.650.822	5.597.477
Katillugit	577		2.492.520	29.910.242	17.347.940

Suliffissarsiortunut ikiorsiissutit meeraqanngitsunut pisortat ikiorsiissutaasa marloriaatingajaraat, taamalillunilu aningaasartuutit ilaat annertuut atorneqassapput inuit suliffissarsiornermi ikiorsiissutisiaqartitsilernermut. Suliffissarsiornermi ikiorsiissutit akileraarusi-gassaataammata taakku ilaat akileraarutitigut utertinneqassapput. Aaqqissuusseqqinnerli nunap karsianut naatsorsuutigineqarpoq ukiumut 17 mio. kr.-it missaanni akeqassaaq. Ilimaginartut ilaat, assersuutigalugu pisartagaqalersut nutaat tamarmik qaammat tamaat suliffissarsiornermi ikiorsiissutinik pisagaqalernissaannik ilimagisaqarneq oqallisigineqarsinnaapput. Tamatuma aningaasartuutissaq qaffasinnerulersissavaa, taakku ilaat qaammatip ingerlanerani suliffittaartussaammata. Taamaattoq qanoq amerlatigisut pineqassanerannik ilimagisagut tunngavilersorsinnaajumallugit paasisutissaateqanngilagut.

Piareersimasussaanermik pisussaaffeqarneq

Suliffissarsiornermi ikiorsiissutinik atuutilersitsinermi piareersimasussaanermik pisussaaffeqarneq sukateriffigineqassaaq. Suliffissarsiornermi ikiorsiissutinik pisartagaqalissagaanni suliffissaaleqisoq suliffeqarfinit pissarsiarineqarsinnaassaaq, tassa suliffik innersuunneqartoq naleqquttoq, suliffeqalernissamut sungiusarnissamut neqeroorut, piginnaanngorsarneq (assersuutigalugu PKU) akuerissavaa kiisalu Majoriamut ataatsimiigiaqqusinerni tamani takkuttassalluni.

Andersen-ip aamma Arendt-ip (2015) Europami nunani assigiinngitsuni misissuinerit qulit allaaseraat, ataatsimullu isigalu isumaqarlutik kinguneqartitsisarnerit suliffissaaleqisut procentinngorlugu amerlanerusut suliffeqalartarnerinut aqutissiuussisartut. Suliffissaaleqisut kinguneqartitsinermik aqquusaagaqaraangamik misissuinerne amerlanerani taamatut pisoqartarnera atuuppoq. Andersen aamma Arendt (2015) kingunerititaqarfiunngitsumik piareersimasussaanermik pisussaaffeqarnerup sunniutai misissunngilaat, kisiannili kinguneqartitsisoqarsinnaanera annilaangagineqarnera pissutigalugu pissusilersornermik suli allannguisarput. Taamaamat piareersimasussaanermik pisussaaffeqarnerup erseqqissumik sunniutai aalajangeruminaapput. Naatsorsuutigineqarpoq pisartagaqartut 5%-inik ikilissasut, taakkulu SIK malillugu "akissarsiat minnerpaaffissaat" maannakkut 100,47 kr.-iusoq (2021-mi qaffasissuseq) 90%-ia atorlugu agguaqatigiisillugu akunnerni 30-ni suliffissarsiornermi ikiorsiissutinik pisartagaqatuussasut. Pisortat ikiorsiissutaannik pisartagaqartut 20%-iisa suliffissarsiornermi ikiorsiissutinik pisartagaqalernissaat periarfissami aallaaviuvoq.

	Suliffissarsiornermi ikiorsiissutinik	Qaammammut aki	Ukiumut sipaarutit
--	---------------------------------------	----------------	--------------------

	<b>pisartagallit ikinnerulissutaat</b>		
Piareersimasussaanermik pisussaaffeqarneq	41	10.967	5.379.895

Taamaalilluni nalilerneqarpoq piareersimasussaanermik pisussaaffeqarneq piffissaq tamaat suliffissaaleqisut 40-nik ikinnerunerannik kinguneqassasoq, ukiumullu aningaasartuutitut 5 mio. kr.-inik sipaarutaassalluni.

Tamanna ataatsimut aningaasaqarnikkut naatsorsuutigineqarpoq kinguneqartussatut nunatta karsianut 12 mio. kr.-it missaannik.

<b>Suliniutit</b>	<b>Aningaasat mio. kr.</b>
Suliffissarsiornermi ikiorsiissutinik pisartagaqartartut amerlanerusut	17
Piareersimasussaanermik pisussaaffeqarneq	-5
<b>Katillugit</b>	12

Nalilerneqarpoq Inatsisartut inatsisissaannut siunnersuut tamatuma saniatigut kinguneqartussaassasoq IT-mik atortulersuutit malinnaatinnerinut ineriartortinneqarnerannullu aningaasartuutitik. Tamatumunnga aningaasartuutit missiliunneqarput ataasiartamik aningaasartuutaasussatut 500.000 kr.-it missaannut. Aningaasat IT-mik atortulersuutit ullutsinnut malinnaatinneqarnissaannut ineriartortinneqarnissaannullu atorineqartussat Isumaginninnermut, Suliffeqarnermut Nunamullu Namminermit Naalakkersuisoqarfimmut aningaasaasaliissutit iluanni akilerneqassapput.

#### **4. Inuussutissarsiortunut aningaasatigut allaffissornikkullu kingunissai**

Kalaallit Nunaanni suliffeqarfiit ilinniarsimasunik ilinniarsimangitsunillu sulisussaaleqipput. Suliffeqarfiit 157-it 31%-iisa 2018-imi oqaatigaat ilinniarsimangitsunik sulisussarsiniartarnermik ajornartorsiuteqarlutik.<sup>4</sup> Suliffissarsiornermi ikiorsiissutinik aaqqissusseqqinneq inuussutissarsiornermi sulisussat amerlinissaannut tapersiissaaq, taamaalilluni suliffeqarfiit najukkani nunalu tamakkerlugu sulisussarsiniartarnerat

<sup>4</sup>”Sulisitsisuni suliffeqarfiit sulisussaaleqinerat”, HS Analyse (Sulisitsisut suliakkiinerisigut), 2018, qupperneq 3.

ajornannginnerulissalluni. Aaqqissuusseqqinnermi pineqarpoq innuttaasut imminnut pilersornissamik akisussaaffeqassasut, taamaammallu ilimagineqarpoq aaqqissuusseqqinneq inuussutissarsiortunut pitsaasumik sunniuteqassasoq, tassa aaqqissuusseqqinnermi innuttaasut suliffissarsinissaannut suliffeqaannarnissamullu, piginnaanngorsarnissaannut ilinniagaqarnissaannullu aamma najukkanut suliffissaqarfiusunut nuunnissaannut kajumissuseqalersinneqassammata.

##### **5. Avatangiisinut, pinngortitamut innuttaasullu peqqissusiannut kingunissai**

Ilimagineqarpoq suliffissarsiornermi ikiorsiissutinik aaqqissuusseqqinnerup innuttaasut peqqissusiat pitsaasumik toqqaannartumik toqqaannanngitsumillu sunnissagaa. Imminut pilersornerup suliffeqarnerullu inuit uummaarinnerulersissaavaat, ulluinnarni patajaannerulersissavaat, inuunermi sapiissuseqarnerulersissavaat, annertunerusumik pisisinnaassuseqalersissavaat (taamaalillunilu kiffaanngissuseqarnerulersillugit) il.il. Peqatigitillugu pinngitsoorani, piviusorsiortumik pisussaaffiliisumillu iliuusissatut pilersaarut ingerlaavartumik suliarineqaqqittartussaq, suliffissaaleqisut suliffeqarfinit pissarsiarineqarsinnaasut Majoriap suliniuteqarnerata isumaqarneranik pitsaasumik misigisimatilissavai namminerlu pilersornissap qaninnerulernissaanut ikiorlugit.

Taamaammat ilimagineqarpoq, suliffissarsiornermi ikiorsiissutinik aaqqissuusseqqinneq inuit ataasiakkaat suliffissaaleqisut, taakku ilaquutaasa avatangiisaasalu pitsaanerusumik inooriaaseqalernerannik peqqinnerunerannillu siunissami kinguneqassasoq – innuttaasut nalinginnaasumik peqqissusiannut iluaqutaasumik. Peqatigitillugu sulliffissarsiornermi ikiorsiissutinik atuutilersitsineq napparsimallutik nalunaartut napparsimanermi akissarsiaqarsinnaatitaanngitsut napparsimaneranni maannakkut malittarisassat naapertorlugit pisortat ikiorsiissutaannik pisartagaqalersinnagit suliffissarsiornermi ikiorsiissutinik pisartagaqarsinnaatitaallissapput.

Ilimagineqarpoq suliffissarsiornermi ikiorsiissutinik aaqqissuusseqqinnerup innuttaasut namminneq inuunerminnik paarinnilersinnerisa kinguneranik inuummarinnerulersinnerisigut innuttaasut peqqissusiat toqqaannanngitsumik sunnissagaa.

Inuusuttut aaqqissuusseqqinnermi immikkut anguniagaapput, taamaalillunilu siusissukkut suliniuteqartarnek pingaartinneqarluni. Ilimagisaq tassaavoq suliffissarsiornermi ikiorsiissutinik aaqqissuusseqqineq inuusuttut ilinniarfimmiinngitsut suliffeqanngitsullu peqqinnerulernerannut tapersiissasoq. Inuusuttunut tunngatitamik suliniuteqarnerup annertusineratigut inuusuttut amerlanerusut ilinniagaqarnissaat suliffeqarnissaallu anguniagaavoq.

Ilimagineqanngilaq suliffissarsiornermi ikiorsiissutinik aaqqissuusseqqinneq pinngortitamut avatangiisinullu kinguneqassasoq.



## **6. Innuttaasunut kingunissai**

Aaqqissuusseqqinnermi imminut pilersornerunissaq pineqarpoq, taamaalillunilu imminut pilersorsinnaanermik nammineq akisussaaffeqarneq ilaalluni. Innuttaasup kommunip suliassanik suliarinnittarnerani ineriartornera siuarsarniarlugu innuttaasullu inuunermi inissisimanerat pitsangorsarniarlugu anguniagaqarnerulluni sulisutut misigissavaat, innuttaasorlu taamaalilluni suliffeqarnissamat qaninnerulissalluni.

Taaguutaata 'suliffeerunnermi ikiorsiissutit'-nit 'suliffissarsiortunut ikiorsiissutit'-nut allanngortinneranut pissutaavoq, suliffissaaleqisut suliffeqarfinnit pissarsiarineqarsinnaasut suliffissarsiordermi ikiorsiissutinik pisartagaqarsinnaatitaalerniarlutik suliffissarsiussasut, taamaalillutillu imminut pilersornissaq nammineq akisussaaffigissallugu. Tamassuma kinguneraa suliffissaaleqisoq suliffeqarfinnit pissarsiarineqarsinnaasoq imminut pilersornissamat imminut akisussaaffilngitsoq (assersuutigalugu Majoriamit neqeroorummi peqataajumanani suliffissatulluunniit innersuunneqartoq akueriumanagu) suliffissarsiordermut tapiissutimi 50%-iinik sapaatit akunneri sisamani ilanngaaffigineqassasoq. Suliffissarsiordermi ikiorsiissutinik pisartagaqartoq ukiumut sisamariarluni ilanngaaffigineqaruni pineqartoq sulileriaannaanngitsutut nalilerneqassaaq, aammalu suliffissarsiordermi ikiorsiissuteqarsinnaatitaaneq annaassallugu.

Ikiorsiissutit maannakkut aaqqissuusinnermi matumani piffissamat killiligaassanngillat, naak suliffissarsiordermut ikiorsiissutinik pisartagaqartut imminnut pilersornissamat isumassarsitinniarlugit piffissap ingerlanerani ikiliartussagaluartut. Iimagineqarpoq suliffissarsiortunut ikiorsiissutinik pisartagaqartut nukissaqarluassasut imminnullu akisussaaffeqarnissamik pisussaaffilerneqassasut.

Aaqqissuusseqqinneq taamatuttaaq iliuusissatut pilersaarutit suliarineqarnerannut kiisalu ingerlaavartumik nalilersornerannut taakkulu aaqqinneqartarnerannut atatillugu pisinnaatitaaffeqarnermit pisussaaffeqarnermut nuuttoqarneranik aamma kinguneqarpoq. Iliuusissatut pilersaarutit innuttaasoq suleqatigalugu suliarineqartassapput, suliniutinullu inunnut ataasiakkaanut naleqqussakkanut atassuteqartinneqassallutik. Iliuusissatut pilersaarutit pisussaaffiliissapput.

Iliuusissatut pilersaarutini pissutsit tamaasa isigineqartassapput inunnullu naleqqussakkanik suliniuteqartoqassalluni. Kommunalbestyrelse iliuusissatut pilersaarutit suliarineqarneranni innuttaasup suliffeqarfinnit pissarsiarineqarsinnaaneranut tunngatillugu innuttaasup inissisimanagera isiginiassavaa.

## **7. Kingunissai pingaaruteqartut allat**

Iimagineqarpoq siunnersuut allanik pingaaruteqartunik kinguneqassanngitsoq.

## **8. Oqartussanut kattuffinnullu il.il. tusarniaaneq**

Siunnersuut pisortat tusarniaasarnermut quppersagaanni [www.naalackersuisut.gl](http://www.naalackersuisut.gl) tamanut takusassiarineqarpoq 27. august 2021, tusarniaaneq killilerlugu 24. september 2021-imut, tusarniaassutigineqarlunilu tusarniaavigineqartartunut tulliuttunut: Avannaata Kommunia, Kommune Qeqertalik, Qeqqata Kommunia, Kommuneqarfik Sermersooq, Kommune Kujalleq, Atuisartoqarnermut Unammilleqatigiinnermullu Aqutsisoqarfik, Isumaginninnermut Aqutsisoqarfik, Sulinermik Inuussutissarsiuteqartut Kattuffiat, Sulisitsisut, KNAPK, NUSUKA, AK, NPK, IMAK, Sorlak, MIO, Peqatigiiffik Kalaallit Meerartaat, Tilioq aamma Kalaallit Nunaanni Pinerluttaalisitsinnermut Aqutsisoqarfik.

Tusarniaanermut akissutit tusarniaanermut atatillugu allakkiami sammineqarput. Innersuunneqassaaq ilanngussaq 1.

## **Siunnersuummi aalajangersakkanut ataasiakkaanut oqaaseqaatit**

### *§ 1-imut*

Imm. 1-2-mut

Suliffissarsiortunut ikiorsiissutinik pisartagaqarsinnaassagaanni suliffissaaleqisuusariaqarpoq, tassa imaappoq, tamakkiisumik imaluunniit ilaannakuusumik suliffeqarani. Tamatumani apeqqutaanngilaq suliffigisaq akissarsiaqarfiunersoq akissarsiaqarfiunnginnersorluunniit.

Kiisalu aamma piunasaqaataavoq suliffissaaleqisup sulilernissamut piareersimasuunissaa. Sulilernissamut piareersimasutut isigineqassaaq inuk suliffeqalernissamut suliartoqquneqaruni suliatoriaannaasoq, siumoortumillu immikkut suliniuteqarfigineqanngikkaluarluni atorfirmik tigussilluni ingerlatsisinnaasoq, atugassarititaasut nalinginnaasut iluanni, sap. ak. minnerpaamik akunnerni 20-ini. Atorfittut atugassarititaasut nalinginnaasut iluanni isigineqassaaq suliffissaq, inuup qassinik ukioqarnini apeqqutaatinnagu, misilittakkanik qanoq ittunik misilittagaqarnini apeqqutaatinnagu nalinginnaasumik suliarisinnaasaa. Tamatumani aamma ilaapput atorfiit imaluunniit suliffissat inuup ingerlassinnaasai, naak inuup pineqartup ilinniagaanut, sungiusarsimaneranut imaluunniit inuussutissarsiutigisimasaanut assingunngikkaluartut.

Pineqartumi namminermi naliliinernik tunngaveqassaaq inuup sulisinnaassusia sap. akunneranut akunnerit 20-it inorlugit imaluunniit sinnerlugit sivilissuseqarsinnaanersoq. Naliliineq kommunalbestyrelsimit isumagineqassaaq nalinginnaasumik tulluarsaqatigiinnut inisseereernikkut suliassanut immikkoortitserinermi, suliffissarsiortunut ikiorsiissutisinissamut imaluunniit pisortanit ikiorsiissutisinissamut.

Inuup sulileriaannaanerata kingunerissavaa inuup inatsisit iluanni suliassamik innersuunneqartumik tiguseriaannaanera. Nunamit allameersoq inuk, nunanit allamiunut inatsimmik allamilluunniit assigisaanik tunngaveqartumik Kalaallit Nunaanni suliassamik tigusisinnaanngitsoq, taamaasilluni sulileriaannaasutut isigineqarsinnaanngilaq.

Isiginiarneqassaaq naatsorsuinermi tunngaviusussat § 22 naapertorlugu ingerlanneqassammata, akunnermusiamilu apeqqutaassanani pineqartup sap. akunneranut akunnerni 20-ini sulisinnaasutut nalilerneqarnera. Siusinnerusukkulli suliffigisimasat kommunimit nalilersuinermi ilaatinneqartussaassapput ataatsimut qinnuteqartup sulisinnaassusianik nalilersuinermi.

Nalilersuinermi tunngavigineqassapput inuup ataatsimut qanoq inissisimanagera, tamatumani inuup pineqartup suliffeqarnermut qanoq ittunik attaveqartooreersimanagera, ilinniakkatigut

tunuliaqutarisai, ilaqutariinnikkut qanoq inissisimanera, ineqarnermigut qanoq inissisimanera, nappaatit, atonerluisuusinnaaneq, inooqataasutut piginnaaneri il.il.

Sulisinnaassutsimik nalilersuineq tunngaviusumik ilaatinneqassaaq §§ 10-11 naapertorlugit iliuusissanut pilersaarummik suliaqarnermi.

Imm. 3-mut

Aalajangersakkap erseqqissaatit ataasiakkaannguit eqqaassanngikkaanni maannamut Inatsisartut suliffissarsiornermut ikiorsiissutinut inatsisaanni atuuttuusoq § 5 assigaa.

Suliffissarsiortunut ikiorsiissutit sulineramik inuussutissarsiuteqartutut suliffeqarluni aningaasarsiaqannginnermut taartisiatut akilerneqartarput, nammineq piumassuserinngisamik suliffissaaruteqqanermi, tamatumani aamma angerlartitaagallarnermi, napparsimanermi aamma pinngortitami ajunaarnersuaqarnerani.

Nammineq pisuussutigisamik suliffissaaruteqqaneq pineqaatissiissutaasarpooq ikiorsiissutinik pisartagaqarsinnaajunnaarallarnertut sap. akunnerini 4-ani, § 17 naapertorlugu.

Suliffissarsiortunut ikiorsiissutit siunertaqanngillat suliffeqarnermik ingerlatsiviusuni ajornartorsiutinik allanik nassaassaasunik atorunnaarsitsiniarnernik. Assersuutigalugu inuk ajornartorsiuteqarpat oqimaatsunik kivitsisarnermigut imaluunniit sapigaqarnermigut, taava pissusissamisoornerussaaq tamakkua sullivinni avatangiisinik illersuiniarnikkut suliniutit aqputigalugit aaqqiissutissarsiniarneqarpata. Imaluunniit inuit sulisitsisuminnit suliffimmiit qimagutsinneqarpata soraarsinnagit, taamaattut aaqqiissutissarsisassaapput suliffeqarnermi illuatungeriit aqputigalugit eqqartuussivitsigulluunniit. Suliffissarsiortunut ikiorsiissutit taamaattumik atorneqarsinnaanngillat ikiorsiissutit sulisitsisup “kukkusumik” tunngavilimmik suliffimmiit qimagutitsineranut.

Imm. 4-mut.

Naalakkersuit piginnaatinneqarsinnaapput ersarinnerusunik malittarisassiornissanut, suliffissaaleqisunik tulluarsaqatigiinnut immikkoortitserisarnermi, siunnerfigalugu pisariaqartunik assigiiaartunillu kommunini suliassaqarfimmi tassani suleriaaseqartoqarnissaata aaqquissuunnissaa. Maannamut kommunini periaasiusut assigiinngitsorujussuusimapput, tamannalu eqqortumik ingerlatsisoqarnersoq pillugu nalorninernik pilersitsisarsimalluni.

Tulluarsaqatigiinnut immikkoortitserisarneq eqqarsaatigalugu inatsit una siunertaqarpoq inuit kikkut tulluarsaqatigiinni siullerni – sulileriaannartut - inissisimanissaannik aalajangiisarnissamik.

Naalakkersuisut taamaattumik killiligaapput aalajangersaasarnissanut atorneqarsinnaasunik tulluarsaqatigiinni 1 -imi inissisimasut kikkuunerinut, inatsisini allani aalajangersakkanik qanoq paasinninnermik tunngavilinnik.

## § 2-mut

Imm. 1-imut

Suliffissarsiornermi ikiorsiissutit suliffeqarnermi akissarsiaqartup akissarsianik isertitaqannginneranut taarsiutaapput. Inuit namminersorlutik suliffiuteqartut akissarsiaqartuunngillat, suliffinni suliffeqarfinit pissarsiarineqarsinnaanngillat taamaammallu suliffissarsiornermi ikiorsiissutinik pisartaqarsinnaatitaanatik.

Namminersorluni suliffiuteqarnermut nalinginnaasumik ilisarnaataavoq aningaasatigut pissarsiaqarnissaq siunertaralugu nammineq akilikkamik ajutooruteqarfiusinnaasumillu aningaasatigut suliffimmik ingerlatsineq. Aamma piumasaqaataavoq suliffeqarfik akuttunngitsumik piffissamilu sivikitsuaraanngitsumi ingerlanneqartassasoq, suliffeqarfillu mikisuararsuussanngitsoq.

Inuit sunngiffimmi sammisaqarnermit namminneq tunisassiaminnik sullississutiminnillu tuniniaasut, assersuutigalugu namminersorlutik inuussutissarsiortutut isigineqarsinnaanngillat. Sunngiffimi ingerlatsinertut isigineqarput ingerlatsinerit piffissami aningaasatigullu killeqartut, piffissap suliffiup nalinginnaasup avataani ingerlanneqartartut.

Inuit namminersorlutik suliffiuteqartut suliffissarsiornermi ikiorsiissutinik pisartagaqalerniarlutik suliffeqarfik unitsissavaat. Piffissap ilaani namminersorluni suliffiuteqarnermi suliffissarsiornermi saniatigut ikiorsiissutinik pisartagaqartoqarsinnaanngilaq. Inuit namminersorlutik suliffiuteqartut pissutsit malillugit pisortat ikiorsiissutaannik pisartagaqarsinnaatitaapput.

Namminersorlutik inuussutissarsiortutut isigineqarajupput piniartut, namminersorlutik aalisartut, savaatillit assigisaallu. Namminersorlutik inuussutissarsiortutut aamma isigineqarput sinniisut ilaat namminneq sulinermik ataatsimut isigalugu aaqqissuisartut, assersuutigalugu isiginnaartitsisartut, nipilersortartut il.il., taakku pisuni ataasiakkaani isiginnaartitsinermut kiisalu freelancetut oqaluttaanertut, siunnersortitut il.il. namminneq atertik atorlugu akissarsiaqartinneqarpata.

Inuit pisortani oqartussanit akuersissut tunngavigalugu namminersorlutik suliffiuteqartut namminersorlutik suliffimminnik taamaatitsisutut isigineqarsinnaajumallutik akuersissut utertissavaat suliffeqarfinnillu pissarsiarineqarsinnaassallutik.

## Imm. 2-mut

Aalajangersakkap Suliffeerunnermi ikiorsiissutit pillugit Inatsisartut inatsisaanni § 7 -imi oqaaseqatigiit aappaat assigaa.

Inuit isertitsivimmi, napparsimavimmi paaqqinnittarfimiluunniit allami inissinneqartussatut eqqartuussaaniqut imaluunniit paarineqartussatut eqqartuussaaniqut suliffissarsiornermit ikiorsiissutinik pisartaqarsinnaatitaanngillat. Inuit pisortani oqartussat aalajangiinerat tunngavigalugu paaqqinnittarfimmi inissinneqarnikut suliffissarsiornermi ikiorsiissutinik pisartaqarsinnaatitaanngillat.

Inuit pineqartut isertitsivimmi paaqqinnittarfimiluunniit ineqarnerminni pilersorneqarnissamik qulakkeerinniffigineqarnikuupput. Peqatigitillugu inuit pineqartut suliffeqarfinni piareersimasussaaneermik pisussaaffeqanngillat, tak. kapitali 4.

## § 3-mut

Nammineq pisuussutiginnisamik suliffissaaleqilernerme akissarsiaqartutut suliffimmi isertitaqannginneq assersuutigalugu sillimmasiinerit, angerlartinneqannginnermi pikkorissarnermi peqataanermut pikkorissarnermut akiliutit atorlugit matussuserneqarpat imaluunniit inuk allamik tunngaveqartumik akissarsianit isertitanut taarsiutaasumik akissarsianit isertitaqarpat allatulluunniit ikiorserneqarpat, suliffissarsiornermi ikiorsiissutinik pisartaqarsinnaatitaaneq atorunnaassaaq.

## § 4-mut

## Imm. 1-imut

Angerlartitaaneq imatut paasineqassaaq, sulisitsisup qaammatsiutit malillugit sivilunerpaamik ulluni 14-ini sulianik unitsitsigallarnera. Angerlartitsineq Inatsisartut inatsisaat malillugu pissaaq nioqqutissiornerup nammineq pisuussutiginnisamik uninnerani.

Sulisunik nioqqutissiornerup uninneranik peqquteqartumik angerlartitsineq nioqqutissiassanik amigaateqarnermik imaluunniit silap pissutaanik peqquteqanngitsoq pissusiusut tunngavigalugit Inatsisartut inatsisaat naapertorlugu angerlartitsinertut isigineqarsinnaanngilaq. Nioqqutissiornermik inititsineq assersuutigalugu eqqiaanermik, pilersaarutaareersunik aserfallatsaaliinikkut suliassanik peqquteqartoq imaluunniit sulisussanik amigaateqarnermik peqquteqartoq Inatsisartut inatsisaat naapertorlugu angerlartitsinertut isigineqassanngilaq.

#### Nr. 1-imut

Aalajangersagaq taanna sapinngisamik atoqqiineruvoq Inatsisartut suliffeerunnermi ikiorsiissutit pillugit inatsisaanni § 4-mik. Piumasaqaat “nunami nioqqutissiornermik” taamaattoq Inatsisartut inatsisaanni uani ingerlateqqinneqanngilaq.

#### Nr. 2-mut

Maanna piffissami nappaassuaq atuuttoq Covid-19, pilersitsisimavoq isumaliutersuutininik nappaarit matusigallartarnernut angerlartitsisarnernullu sunniutigisartagaannik. Qinnuteqartoq /pisartagaqartoq tunillanneqarsimappat § 15-imi pineqartunut ilaassaaq.

Suliassanik amigaateqarneq alla aamma isertitassanik annaasaqarneq aalajangersakkamut matumunnga ilaassapput, suliffissarsiornermut ikiorsiissutisisinnaajumalluni. Taamaattumik sulisitsisuusussavaoq angerlartitsinissamik aalajangiisussaaq, taamaattumillu angerlartitsineq malittarisassanut tamanut atuuttunut ilaasoq pineqassaaq, sulisitsisup aamma sulinermik inuussutissarsiuteqartup angerlartitsinerup saniatigut allanik periarfissaqarfingingsaa kisimi ilaassaaq.

Taamaattumik maliliisoqartariaqassaaq angerlartitsineq pisariaqarsimanersoq, pinngitsoorneqarsinnaannginnersoq pilersarusiornikkut / suliassanik aaqquissuussinikkut, angerlartitsisarnernullu allatut. Angerlartitsinerup piumasaqaatit pineqartut naammassisimappagit, tamanna isumaqassaaq suliffissarsiornermi ikiorsiissutit ullormut siullermiit tunniunneqarsinnaanerit, napparsimanertut tak. § 15-imi pineqartutut pinnani.

#### Imm. 2-mut

Sulisitsisup pisussaaffigaa kommunalbestyrelsimut nalunaaruteqarnermigut ilisimatitsissutigissallugu nioqqutissiornerup uninneranut suut pissutaaneri.

#### Imm. 2-mut

Sulisitsisup ingerlaannartumik kommunalbestyrelsimut ilisimatitsissutigissavaa angerlartitsisoqarpat, sulisullu kikkut angerlartitsinerumut ilaaneri, aammalu angerlartitsinerumut pissutaasut uppersaaserneqassallutik.

#### Imm. 3.

Naalackersuisut piginnaatinneqarput malittarisassiornissamut sulisitsisup angerlartitsisarnerit pillugit nalunaarusiortarnissai imm. 1 aamma 2-mi pineqartut pillugit. Tamatumalu saniatigut malittarisassiortoqarsinnaavoq digitaliusunik nalunaarusiortarnissanut, kiisalu nalunaaruteqartarnissanut uppersaasiisarnissanullu nioqqutissiornerup uninnera pissutaasullu pillugit.

## § 5-imut

### Imm. 1-imut

Suliffissarsiornermi ikiorsiissutit taamaallaat inunnut 18-inik ukioqalereersimasut atuupput. Inuit 18-it inorlugit ukiullit pilersuinermi pisussaaffeqartut pisortat ikiorsiissutaat pillugu Inatsisartut inatsisaat malillugu ikiorneqarsinnaatitaapput.

Suliffissarsiornermi ikiorsiissutinik pisartagaqarniarluni inuk Kalaallit Nunaanni aalajangersimasumik najugaqassaaq inuillu allattorsimaffianni najugaa nalunaarsorsimassalluni. Ineqarneq imatut paasineqassaaq sulinngiffeqanngikkaanni, niuernermit atatillugu angalanngikkaanni, napparsimanngikkaanni assigisaallu pissutigalugit najuutinngikkallaraanni sumiiffik akuttunngitsumik siniffigisartagaq pigisallu tassaniillutik.

Taamaasilluni inuk inatsisinik tunngavilimmik Kalaallit Nunaanni najugaqartariaqarpoq suliffissarsiortunut ikiorsiissutinik pisinnaatitaassaguni.

### Imm. 2-mut

Aalajangersakkami ilaapput inuit Kalaallit Nunaanni CPR-imik nalunaarsuiffimmi inunnik nalunaarsuivimmiittut angerlarsimaffeqanngitsut. Angerlarsimaffeqanngitsut Kalaallit Nunaanni inuiaqatigiinnut aalajangersimasumik atassuteqarunik suliffissarsiornermi ikiorsiissutinik pisartagaqarsinnaatitaapput. Inuk nammineq Kalaallit Nunaanni inuiaqatigiinnut annertuumik atassuteqarpat Kalaallit Nunaanni inuiaqatigiinnut aalajangersimasumik atassuteqassaaq.

Inuk Kalaallit Nunaanni inuiaqatigiinnut aalajangersimasumik atassuteqarnerseq pisuni ataasiakkaani nalilersuivinneq apeqqutaassaaq. Tassani assersuutigalugu ilaapput inuit Kalaallit Nunaanni inunngortut peroriartortullu aamma inuit Kalaallit Nunaanni aalajangersimasumik najugaqartunik qanimut qanigisaqartut.

Inuup Kalaallit Nunaata avataani najugaqarsimanera piffissami killimmi inuullu Kalaallit Nunaanni najugaqalinnginnermini inuiaqatigiinnut inuup najugaqarfigisaanut annertuumik atassuteqalersimannginnera nalilersuinermi ilaasinnaapput.

Aamma inuk Kalaallit Nunaanni najugaqalernermini nunamut inuup najugaqarfigisimasaminut peqatigitillugu atassuteqarunnaarsimanera nalilersuinermi ilaasinnaavoq.

Inuit inuusunnerit Kalaallit Nunaanni inunngortut peroriartortullu Kalaallit Nunaata avataani inuuneq misilinniarlugu Danmarkimi piffissap ilaani najugaqarnissamik toqqaasimasut Kalaallit Nunaannut angerlarnermi inissamik aalajangersimasumik nassaarniarnissaq



ajornartorsiutigisinnaavaat. Taamatut pisoqarnerani inuk Kalaallit Nunaanni inuiaqatigiinnut aalajangersimasumik atassuteqarnermigut suliffissarsiornermi ikiorsiissutinik pisartaqarsinnaavoq.

## § 6-imut

### Imm. 1-imut

Taaguut ‘piareersimasussaaneq’ imatut paasineqassaaq suliffissarsiornermi ikiorsiissutinik pisartagaqartoq suliffeqarfinit pissarsiarineqarsinnaassasoq. Taaguut piareersimasussaaneq aamma kinguneqarpoq suliffissarsiornermi ikiorsiissutinik pisartagaqartoq kommunalbestyrelsimit pissarsiarineqarsinnaassasoq kommunalbestyrelsimillu suleqateqarnermi peqataassasoq sulisinnaassutsinilu atussallugu imaluunniit sulisinnaassutsimi ineriartortinnissaannut pitsannortinnissaanullu peqataassalluni.

Piareersimasussaaneq ilaavoq suliffissarsiornermi ikiorsiissutinik pisartagaqartoq ullumik ataatsimik siumut nalunaarfigineqarluni atorfimmi neqeroorutigineqartumi innersuunneqartumiluunniit inuup sulisinnaassusianut naleqquttumi sulilersinnaassasoq. Piareersimasussaaneq aamma ilaavoq suliffissarsiornermi ikiorsiissutinik pisartagaqartoq ataatsimiinnerni ingerlatsinerniluunniit kommunalbestyrelsimit aallartinneqartuni peqataassasoq.

Suliffissarsiornermi ikiorsiissutinik pisartagaqartoq sulisinnaassutsiminut naleqquttumik tamassumalu kinguneranik suliffimmi innersuunneqartumi sulisinnaanersoq kommunalbestyrelsi naliliisuussaaq. Nalilersuineq taanna suliffissarsiornermi ikiorsiissutinik pisartagalip sumik suliaqarsinnaaneranik missingersuineq aallaavigalugu pissaaq.

Inuup suliffissarsiornermi ikiorsiissutinik pisartagaqartup taamaalilluni assersuutigalugu siusinerusukkut qanoq isertitaqarsimanermit tunngavilersuilluni, sulisitsisup isumaqatigiissusiorsimanginneranik imaluunniit neqeroorutigineqartoq siusinnerusukkut suliffigisimasamut, ilinniagaqarnermut assigisaannulluunniit naleqqutinnginneranik tunngavilersuilluni atorfimmi neqeroorutigineqartumi innersuunneqartumiluunniit sulilernissaq kinguneqanngitsumik itigartissinnaanngilaa.

Suliffissarsiornermi ikiorsiissutinik pisartagaqartup atorfik suliffigisinnaappagu, suliffissarsiornermi ikiorsiissutinik pisartagaqartoq atorfimmi sulilissaaq. Taamaattoqanngippat suliffissarsiornermi ikiorsiissutinik pisartagaqartoq suliffeqarfinit kommunalbestyrelsimilluunniit pissarsiarineqarsinnaanngilaq killilersuiffigineqarsinnaallunilu, tak. §§ 17-18.

Suliffissarsiornermi ikiorsiissutinik pisartagaqartoq illoqarfimmiinngikkuni nunaqarfimmiinngikkuniluunniit inuk piffissami peqanngiffimmini pissarsiarineqarsinnaanngilaq, kisiannili napparsimanerup kinguneranik peqannginneq pinnagu.

Peqannginneq assersuutigalugu tassaasinnaavoq sunngiffimmi piniariarnermut aallaaniarnermullu imaluunniit inuup nammineq illoqarfigisaata nunaqarfigisaataaluunniit avataani tikeraarnermut atatillugu. Suliffissarsiornermut taamaasilluni sulilernissamut piareersimasuunissaa oqaatigineqarpoq § 6, imm. 1-imi, erseqqissaataasumik oqaasertalerlugu “sukkulluunniit suliarloqquneqarnissamut piareersimasussaavoq”.

Suliffissarsiornermi ikiorsiissutit ikiorsiissutaasut akissarsiaqartup suliffeqarnermini akissarsianit isertitaqannginneranut taarsiutaanerat uani aamma pingaartinneqarpoq.

Suliffissamik innersuunneqartumik tiguisussaananermit atatillugu tamanna paasineqassaaq ulluklut piffissami nalinginnaasumi suliffissaq, unnuarsiornerunngitsoq.

Imm. 2-mut

Suliffissarsiornermi ikiorsiissutinik pisartaqartut najukkami Majoriami suliffissarsiornermut kommunalbestyrelsimit nalunaarsorneqarsimassapput.

Suliffissarsiornermi ikiorsiissutinik pisartagaqartut piareersimasussaananermit pisussaaffii ilaatut pineqartup suliffeqalersinnaanera siunertaralugu kommunalbestyrelsip ingerlatsinerani ataatsimiisitsineranilu peqataasassasut aalajangersakkami erseqqissarneqarpoq.

### *§ 7-imut*

Imm. 1-imut

Suli.gl tassaavoq nuna tamakkerlugu suliffeqarnermut nittartagaq Namminersorlutik Oqartussanit pilersinneqartoq. Suliffeqarnermut nittartagaq innuttaasunut suliffeqarfinnullu tamanut ammaavoq. Suliffissarsiornermi ikiorsiissutinik pisartagaqartut suli.gl-imi suliffissarsiornermut aamma CV-ertik nutarterlugu nalunaartussaataapput.

Suliffeqarfiit aalajangersimasunik misilittagalinnik piginnaasalinnillu suli.gl-imi ujarlernissamut suliffissaaleqisunullu suli.gl aqqutigalugu mailikkut/nalunaaruteqarnikkut attaveqarnissamut periarfissaqassapput. Suliffissaaleqisut taamatuttaaq atorfinnik inuttaqanngitsunik qinnuteqaateqarsinnaapput.

Imm. 2-mut

Suliffissarsiornermi ikiorsiissutininik pisartagaqartoq sapaatip akunneranut ataasiarluni suliffissarsiornermik suligl-imi nalunaarsuineramik nutarterisussaataivoq. Suliffissarsiornermi ikiorsiissutininik pisartaqartup suliffissarsiornermik nalunaarsuineq nutartinngippagu pineqartup piareersimasussaaneermik pisussaaffeqarneq eqqortissanngilaa killilersuiffigineqassallunilu, tak. kapitali 7.

### § 8-mut

#### Imm. 1-imut

Suliffissarsiornermi ikiorsiissutininik pisartagaqartut sulisinnaassutsiminut naleqquttumik ingerlaavartumik qinnuteqartassaaq. Suliffissarsiornermi ikiorsiissutininik pisartagaqartup assersuutigalugu suligl-imi, Facebook-imi aamma inuit internetimi attaveqatigiittarfianni allani imaluunniit nuna tamakkerlugu najukkanilu aviisini, tassunga ilanngullu [www.sermitsiaq.ag](http://www.sermitsiaq.ag) -mi sulisussarsiornermi immikkoortumi atorfinnik qinnuteqarnermigut sulisinnaassutsini atorniarsarissavaa. Suliffissarsiortunut ikiorsiissutininik pisartagaqartoq atorfinnik inuttaqanngitsunik sulisinnaassutsiminut naleqquttunik qinnuteqanngikkuni pineqartup suliffeqarfinnut piareersimasussaaneermik pisussaaffik eqqortissanngilaa.

Pisussaaffik akunnerit amerlassusaat sivilissuserluunniit apequtaatinnagit atuuppoq. Suliffissarsiornermi ikiorsiissutininik pisartagaqartoq suliffissarsiornermi ikiorsiissutinit akunnerni ikinerusuni sulisarluni suliffeqalerpat pineqartoq akunnerit amerlassusaat akissarsianit isertitat katersorneqartut ilanngaatalugit suliffissarsiornermi ikiorsiissutininik pisartaqassaaq, tak. § 24.

#### Imm. 2-mut

Suliffissarsiornermi ikiorsiissutininik pisartagaqartut suliffissaarusimasuupput suliffeqalernissamullu piareersimallutik. Taamaammatt ullumik ataatsimik siumut nalunaarfigineqarlutik suliffik inuttaqanngitsoq suliffigilersinnaavaat suliffigilissallugulu. Aalajangersakkami oqaaseqatigiinni siullermi ilaavoq atorfik najukkami Majoriaq aqqutigalugu suliffissaaleqisumut innersuunneqartoq. Aalajangersakkami oqaaseqatigiit aappaanni ilaapput atorfik sulisitsisup suliffissaaleqisup atorfigilersinnaasaatut neqeroorutigisaa.

Suliffissarsiornermi ikiorsiissutininik pisartagaqartup atorfik pineqartup sulisinnaassusianut naleqquttoq innersuunneqartoq neqeroorutigineqartorluunniit suliffigilinngippagu pineqartup piareersimasussaaneermik pisussaaffini eqqortissanngilaa.

## *§ 9-mut*

Suliffissarsiornermi ikiorsiissutinik pisartaqarnissamut piumasaqaataavoq suliffissaaleqisup siumut suliniuteqarani sapaatip akunneranut sivikinnerpaamik akunnerni 20-ni nalinginnaasumik suliffeqarsinnaanissaa, tak. § 1, imm. 2.

Atugassaritinneqartut nalinginnaasut atorlugit atorfittut isigineqarpoq atorfik inuup qinnuteqartup ukiui, sulinermik misilittagaqarfia, ilinniarsimanermilu tunuliaquteqartup suliffigisinnaasatut nalinginnaasumik ilimagineqartoq.

Inuup sulisinnaassusia sapaatit akunneranut akunnerit 20 qaangeneraat ataanneraaluunniit nalilersuinermi apeqqutaavoq. Kommunalbestyrelsi suliffissarsiornermi ikiorsiissutinut, suliffeqalernissamut piukkunnarsarnermut imaluunniit pisortat ikiorsiissutaannut nalinginnaasumik innersuussinerup ilaatut nalilersuissaaq.

Inuup inissisimanera tamarmiisoq nalilersuinermi apeqqutaavoq, tassunga ilanngullugit inuup maannamut suliffeqarsimanera, ilinniagaqarnermi tunuliaqutaa, ilaqutariinnermi pissutsit, ineqarnermi pissutsit, napparsimaneq, atornerluineq, inuit attaveqatigiittarneranni piginnaasat il.il.

§ 9 malillugu nalilersuineq § 10 malillugu iliuusissatut pilersaarusiamik aallarnisaataasumik suliaqarnerup ilagissavaa.

## *§ 10-mut*

Imm. 1 -imut

Kommunalbestyrelsi inunnut suliffissarsiornermi ikiorsiissutinik pisartagaqartunut tamanut iliuusissatut pilersaarusiornissamik inatsisit malillugit pisussaaffeqarpoq.

Iliuusissatut pilersaarut innuttaasup tunuliaqutaa nukissaalu tunngavigalugit suliarineqassaaq. Kommunalbestyrelsi inuup taassumalu nukissaasa iliuusissatut pilersaarummik suliaqarnermi ilanngunneqarnissaannik qulakkeerinnittumik aalajangersimasumik suleriaasiliorsinnaavoq. Tamanna suliniutissap eqqortup toqqarnissaanut tapersiisinnaavoq. Iliuusissatut pilersaarut tamassuma saniatigut suliffissaaleqinermi naammattunik paasissutissaateqarluni tamanillu isiginnilluni erseqqarissumik suleriaatsitut innuttaasup isiginninnissaanut tapersiissaaq.

Iliuusissatut pilersaarut innuttaasunut ataasiakkaanut anguniakkanik anguniakkallu anguneqarnissaanut suliniutissanik aallartinneqartussanik allaaserinninnermik imaqaassaaq. Iliuusissatut pilersaarut pineqartoq suleqatigalugu aamma pissutsinik tamanik isiginninneq aallaavigalugu suliarineqassaaq.

Suliffissarsiornermi ikiorsiissutininik pisartagaqartut suliniutissanik aalajangersimasunik sunik neqeroorfigineqassanersut malinneqartussanik inatsisitigut piumasaaqateqartoqanngilaq. Kommunalbestyrelsip tamanik isiginnilluni suliniutissanik neqerooruteqarnissaa inatsisitigut pisussaaffiussaaq.

Iliuusissatut pilersaarummi siunertaq tassaavoq suliniutinut suliffissarsiornermi ikiorsiissutininik pisartaqartumut suliffeqarfinnut qaninnerulersitsisussanut tunngatillugu innuttaasut ataasiakkaat qitiutinnissaat. Tamassumani suliniutit innuttaasunut ataasiakkaanut naleqqussarsinnaanissaat pisariaqarpoq, kommunalbestyrelsi taamaammat suliniutit suut inunnut ataasiakkaanut neqeroorutigineqarnerannut tunngatillugu tamatigoortuussaaq. Aamma siunissami suliniutissat ineriartortinnissaanut, suliniutit nutaaliorfiusut nutaat atornissaannut periarfissaqassaaq.

Kommunalbestyrelsi iliuusissatut pilersaarummi anguniakkanik suliniutissanillu inaarutaasumik aalajangiissaaq.

Imm. 2-mut

Suliffissarsiornermi ikiorsiissutininik pisartaqartoq sumi najugaqarnersoq apeqqutaalluni suliniutit suut iliuusissatut pilersaarummut ilanngunneqassanersut nalilerneqartussaavoq. Tassani najugaqarfiup angissusia aamma najukkami suliffeqarnissamut ilinniaqarnissamullu periarfissat immikkut apeqqutaassapput. Suliffissarsiornermi ikiorsiissutininik pisartagalik aappaqarpat angerlarsimasunillu meeraqarpat suliffeqarnissamik neqeroorutip atorneqarsinnaaneranut imaluunniit najugaqarfiup avataani suliamik ingerlatsinermi piginnaasaqalerfiusumik ingerlatsinissap naammassinissaanut periarfissanik nalilersuinermi ilanngunneqassapput.

Iliuusissatut pilersaarut piviusorsioruussaaq, aamma suliffissarsioruunut ikiorsiissutininik pisartagaqartup isaanit isigalugu. Iliuusissatut pilersaarut kommunalbestyrelsip suliffissarsiornermi ikiorsiissutininik pisartaqartumut nalinginnaasumik piumasaaqateqarneranik takutitsissanngilaq. Tamassuma iliuusissatut pilersaarut pappilissatigut pilersaarutaapput aammalu allannguisussamik pilersaarutaanngippat iliuusissatut pilersaarutip tatiginartuunera ajoqusersinnaavaa.

Siullermik annikinnerusunik piviusorsioruunillu suliffissarsiornermi ikiorsiissutininik pisartagaqartup naammassisinnaasaanik suliniuteqarnissaaq tunngaviusumik pitsaanerussaaq, taamaalillunilu iluatsitsinermik misigissalluni. Suliniutit iliuusissatut pilersaarummi allaaserineqartut naammassineqarpata iliuusissatut pilersaarut nutaaq ingerlatassanik anguniagassanillu nutaanik imaqartoq isummerfigineqassaaq. Taamaammat suliffissarsiornermi ikiorsiissutininik pisartagaqartup suliniutinik naammassinissinnaanera nalorninarpat suliniutinik piumasaaqateqarnissaaq pisariaqartinneqassanngilaq.

Pisortanit ikiorsiissutit pillugit inatsimmi aamma aalajangersarneqarpoq iliuusissanut pilersaarusiornissamut piumasaqaat. Taamaattoq inatsimmi matumani piareersimasussaanermut piumasaqaat annertuneruvoq, soorluttaaq inuit sulileriaannaasut suliassamik nutaamik tigusinissamut piareersimanerusutut pikkorissarumanerusutullu naatsorsuunneqartut il.il. taamaattumillu erseqqissarneqarluni inunnut sulileriaannaasunut iliuusissanut pilersaarussiaq piviusorsiortuussasoq.

Imm. 3-mut

Suliniutini tamani pissutsinik tamanik isiginnittoqassaaq. Kommunalbestyrelsip suliffissarsiornermi ikiorsiissutinik pisartagaqartumut iliuusissatut pilersaarummik suliaraqnermini pineqartup inissisimaneranik tamarmiusumik isiginninniarnissaa inatsimmi pituttuutaasumik piumasaqaataavoq: ilaqutariinnermi pissutsit, napparsimaneq, inuit attaveqaqatigiittarneranni piginnaasat, ineqarnermi pissutsit il.il, taakku pineqartup suliffeqalernissamut piareersimaneranut pingaaruteqarpata. Kommunalbestyrelsip suliffissarsiornermi ikiorsiissutinik pisartaqartup ajornartorsiutaanik nalilersuissaaq tamassumalu kingorna iliuusissatut pilersaarummi suliniutissat anguniagassallu sularissallugit.

Imm. 4-mut

Kommunalbestyrelsi ilinniagaqarneq isiginiarlugu inuusuttunut 18-it 29-illu akornanni ukioqartunut iliuusissatut pilersaarummi anguniagassat suliniutissallu suliniutiginnissaannik inatsisitigut pisussaaffeqarpoq. Taamaaliortoqarsinnaappat suliffissarsiornermi ikiorsiissutinik pisartagaqartup imminut isumagilersinnissaa suliffissarsiornermi ikiorsiissutini immikkut anguniagaavoq. Ilinniagaqarneq pissutsit taamaaginnartillugit suliffissarsiornermi ikiorsiissutinik pisartagaqartup sulisinnaassutsimik pitsaanagerusumik atuisinnaaneranut ineriartortitsisinnaanerannullu taamaalillunilu imminut pilersornissaanut tapersiissaaq. Peqatigitillugu suliffeqarnermi aalajaatsuuneq ilinniagaqarnerullu qaffasissusia imminnut atapput. Taamaammat inuusuttunut 18-it 29-llu akornanni ukiulinnut iliuusissatut pilersaarutini ilinniagaqarneq isiginiarneqassaaq.

### *§ 11-imut*

Imm. 1-imut

Iliuusissatut pilersaarut § 10 malillugu suliffissarsiornermi ikiorsiissutinik pisartagaqartoq suleqatigalugu sularineqassaaq. Kommunalbestyrelsip suliffissarsiornermi ikiorsiissutinik pisartagaqartup pisussaaffii aamma ikorsiinermi atugassaritinneqartut naggataatigut inaarutaasumik aalajangissavai.

Suliffissarsiornermi ikiorsiissutinik pisartaqartup qinnuteqartup piujuartumik suliffeqalernissamut periarfissaanik pitsannguinnissamik aamma qinnuteqartup suliffeqarnissaanut pitsannguinnisaaq taamaalillunilu imminut pilersornissaa siunertaralugit ingerlatsinerni peqataanissaannik pisussaaffiliinissamut kommunalbestyrelsi aalajangersakkami piginnaatinneqarpoq.

Kommunalbestyrelsip suliffissarsiornermi ikiorsiissutinik pisartaqartumut ingerlatsinernik sunik pisussaaffiliisinnaanerannik aalajangersagaq tamakkiisumik allaaserinninnerunngilaq. Ingerlatsinernik toqqaaneq piviusorsioratumik siunertanut ilaqutaassaaq. § 11-p kinguneranik anguniakkat ingerlatsinerillu piviusorsioratut iliuusissatut pilersaarummi allanneqassapput.

Suliffissarsiornermi ikiorsiissutinik pisartagaqartup assersuutigalugu atonerluinermik katsorsaanermi peqataanissaanik kommunalbestyrelsip peqqusinnaavaa. Periarfissarli taanna mianersorluni atorneqartariaqarpoq. Suliffissarsiornermi ikiorsiissutinik pisartagaqartoq aangajaarniutinik pinngitsuuisinnaanermik katsorsartinnissamut akerliuppat, anguniagaq piviusorsioratuunersoq tamannalu pillugu iliuusissatut pilersaarummi piumasaqaataassanersoq kommunalbestyrelsip nalilersortariaqarpaa. Inuit aangajaarniutinik pinngitsuuisinnaavinngitsut tulluarsaqatigiinni 1-imi ilaanersut ataatsimut isigalugu apeqquserneqarsinnaavoq.

Imm. 2-mut

Aallaavittut ajornarpoq pisartagaqartup iliuusissanut pilersaarusiamik naammagittaalliuteqarsinnaanera, taanna illugiilluni isumaqatigiissutaasussammaat aallaavittut, kommunalbestyrelsip pisartagaqartullu akornanni. Kommunalbestyrelsiilu taamaattoq iliuusissani pilersaarummi pisartagaqartumut piumasarisinnaavai iliuusissat ingerlanneqartussat, pisartagaqartup tamakkiisumik isumaqatiginngisai. Pisussaaffiliussinerit taamaattut pisortanit aalajangiinerussapput, Pisortat ingerlatsineranni suliassat sularineqartarnerat pillugu inatsit naapertorlugu. Taamaattoq tak. imm. 3, illuatungiusunik tusarniaasussaaneq pillugu.

Imm. 3-mut

Pisortat ingerlatsiviini aalajangiisarnernut atatillugu piumasaqaatit atortinneqassanngillat, isiginiarlugu tamanna killiliisuussammaat ullormiit ullormut suliffissamik innersuussisarnermut, pikkorissartitsisarnernut il.il.

Kommunalbestyrelsimut periarfissaassaaq innuttaasumut ingerlatsinernik pilersitsisinnaaneq, tassangaanaq periarfissanngortunik. Matumani aamma suliffissamik naleqquttumik peqaleriasaartarnera, pikkorissartitsivissani inissaqaleriasaarsinnaanera, imaluunniit nalileqqinnikkut aalajangiunneqarpat pineqartup ingerlatassani aalajangersimasuni peqataanissaa naleqquttuussasoq.

Taamaattoq aalajangiineq pisartagaqartup angerlarsimaffigisani qimallugu sumiiffimmut allamut suliartoqqusaasinnaaneranik pineqartumut akulerunnerussaaq annertoq, taamaattunillu illuatungeriinnik tusarniaasussaaneq saneqqutiinnarneqarsinnaanngilaq.

### *§ 12-imut*

#### Imm. 1-imut

Oqaaseqatigiinni siullerni aalajangiunneqarpoq suliffissarsiortunut ikiorsiissutinik pisartagaqartup Inatsisartut inatsisaat naapertorlugu iliussissanut pilersaarusiaq malittussaagaa.

Iliussissatut pilersaarut ingerlaavartumik nalilersorneqartassaaq, nalilersoqqinneqartassaaq aaqinneqartarlunilu. Suliffissarsiortunermi ikiorsiissutinik pisartagaqartup suliffeqartiinnarnissaata ukkatarineqartuartarnissaa qulakkeerniarlugu pineqartumut iliussissatut pilersaarut minnerpaamik qaammatit pingasukkaarlugit nalilersorneqartassaaq, nalilersoqqinneqartassaaq aaqinneqartassallunilu. Iliussissatut pilersaarummik nalilersuinnermi, nalilersueqqinnermi aaqiinnermilu suliffissarsiortunermi ikiorsiissutinik pisartagaqartup sulisinnaassusiata annertusarnissaa isiginiarneqassaaq, taamaalilluni pineqartoq siunissami suliffissarsiortunermi ikiorsiissutinik pisartagaqarani imminut pilersorsinnaaniassamat.

#### Imm. 2-mut

Ilimagineqarpoq inuit § 4 naapertorlugu angerlartinneqartut piffissap sivikitsup ingerlanerani suliffeqalissasut. Taamaammat pisortat suliffissaaleqisumut iliussissatut pilersaarusiortunermut atuinerat piffissaajaataassaaq.

Inuit § 4 naapertorlugu angerlartinneqartut soraarsinneqanngillat sulilu suliffeqarlutik, kisiannili piffissami angerlartitsiviusumi akissarsiaqartinneqanngikkunik suliffeqarfinnut piareersimasussaaneermik pisussaaffeqarput. Taamaammat angerlartinneqartut suliffissamik innersuunneqarsinnaapput, taakkuli piujuartumik suliffissamik innersuunneqarunik angerlartinneqarfigisaminni soraarniuteqarnissaaq eqqumaffigissavaat.

Inuit suliffissarsiortunut ikiorsiissutinik pisartagaqartut § 4 naapertorlugu angerlartinneqartut suliffeqarfinnut allanut piareersimasussaaneermik pisussaaffeqarput.

#### Imm. 3-mut

Naalakkersuisut kapitali 3-mut tungasunik malittarisassiornissamut piginnaatinneqarput.



Naalakkersuisut iliuusissatut pilersaarutit suliarineqarnerat piviusunngortinneqarnerallu pillugit malittarisassiornissamut piginnaatinneqarput. Naalakkersuisut ingerlatat iliuusissatut pilersaarutini ilaasut pillugit malittarisassiussapput, tassunga ilanngullugit malittarisassat suliffissarsiornermi ikiorsiissutinik pisartagaqartup napparsimanermi katsorsartinnissaannik pisussaaffiliisut. Napparsimanermi katsorsartinnissamik pisussaaffiliinermi qinnuteqartup taamaallaat piujuartumik suliffeqarnissamut periarfissaata pitsanngortinnissaanik aamma qinnuteqartup suliffeqarnissaata pitsanngortinnissaanik taamaalillunilu imminut pilersornissaanik siunertarineqassaaq.

### *§ 13-imut*

#### Imm. 1 -imut

Suliffissarsiornermi ikiorsiissutinik pisartagaqartut ukiuni arlalinni pisartagaqaannarsinnaanerat pinngitsoorniarlugu piareersimasussaanermik pisussaaffeqarnek suliffissaaleqisunut 18-it 29-llu akornanni ukiulinnut ukiup ataatsip qaangiunnerani aamma 30-t sinnerlugillu ukiulinnut sukateriffigineqarpoq. Nunami sumiiffinnut allanut nuussinnaaneq pillugu piumasaqaateqartoqarsinnaavoq, suliffissarsiortorlu suliffissat malersorlugit nuussinnaassalluni.

Angerlarsimaffittut isigineqassaaq inuup pineqartup aalajangersimasumik najugaqarfigisaa, imaluunniit najugaa. Angerlarsimaffigisap avataa, illoqarfik imaluunniit nunaqarfik qimallugu, pineqartup najugarisaa. Suliffissaq innersuunneqartoq aamma sulinermik sungiusarnek il.il. illoqarfigisami imaluunniit nunaqarfigisami itigartinneqarsinnaangilaq.

Sulileriaannaanissaq sukateriffigineqartumi aamma pineqarpoq suliffissarsiornermi ikiorsiissutinik pisartagaqartoq imminut pilersornissaminut piumassuseqarnermik takutitsissasoq. Suliffissarsiornermi ikiorsiissutinik pisartagaqartup angerlarsimaffiup avataani suliffittaarnissamik periarfissaqartillugu pisortanit pilersorneqarluni angerlarsimaffimmii ginnarnissani ilimagisinnaangilaa. Kalaallit Nunaata peqatigitillugu inuiaqatigiittut inuit pisortanit ikiorsiissutinik pisartagaqarlutik piffissami sivisuumi suliffissaarusimanissaat peqatigitillugulu allani atorfinnik inuttassaaleqisoqartillugu akissaqartinngilaa.

Suliffissarsiornermi ikiorsiissutinik pisartagaqartoq 18-it 29-llu akornanni ukioqartoq qaammatini aqqaneq-marlunni suliffissarsiornermi ikiorsiissutinik pisartagaqartoq angerlarsimaffiup avataani suliffimmik piffissaq tamaat neqeroorutigineqartoq innersuunneqartorluunniit akuerissallugu pisussaaffeqarpoq. Piffissaq tamaat suliffimmi ilaangillat ukiup ilaannaani suliffissat, ullup ilaannaani suliffissat, paarlatsitut suliffissat, sivikitsumi suliffissat il.il.

Suliffissarsiortup qanoq sivistigisumik suliffeqarsimaneranik aalajangiisarneq pillugu § 26-imut innersuussisoqassaaq.

Imm. 2-mut

Inuk 30-it sinnerlugillu ukioqartoq suliffissarsiortunut ikiorsiissutinik katillugit qaammatini 24-imi pisartagaqareeraangat malittarisassat inunnut 18-29-inut ukiulinnut atuuttut atuutilertassapput, tak. imm. 1.

Imm. 3-mut

Assigisaanik kommunalbestyrelsi suliffissarsiortunut ikiorsiissutinik pisartagaqartumik pisussaaffiliisinnaavoq illoqarfiup angerlarsimaffigisaata avataani aqqissuussinernut peqataanissamik.

Illoqarfiup /nunaqarfiup angerlarsimaffigisap avataani peqataanissaq piffissami killimmi pisussaasinnaavoq, kisiannili tamatigit siunnerfeqassalluni suliffissarsiortunermut ikiorsiissutinik pisartagaqartup suliffeqalernissamut periarfissaasa nukittorsarneqarnissaannik, taamalu imminut pilersortunngornissaanut.

Imm. 4-mut

Suliffissarsiortunermi ikiorsiissutinik pisartagaqartoq suliffimmi inissiamik naleqquttumik innersuussisoqarsinnaangippat angerlarsimaffiup avataani atorfiup neqeroorutigineqartup innersuunneqartulluunniit akuerinissaanut pisussaaffeqanngilaq. Inissiatut naleqquttut assersuutigalugu isigineqarpoq inissiaq attartortagaq taamatut angissuseqartoq pitsaassuseqartorlu nalinginnaasoq A/S Inissiaatileqatigiiffik INI imaluunniit Iserit A/S imaluunniit namminersortut aqutugalugit inissiaq innersuunneqartoq.

Nalinginnaasumik qinnuteqarnermi najukkami inissianik attartortitsisartoq aqutugalugu atorfimmi sulilinninnermi innersuussisoqarsinnaappat, suliffissarsiortunermi ikiorsiissutinik pisartagaqartup ilaqutaasalu inissiamik pissarsisinnaanerattut isigineqassaaq.

Suliffissarsiortunermi ikiorsiissutinik pisartagaqartoq taassumaluunniit aappaa angerlarsimaffimmi attartortitamik inissiaqarpat, andelsboligeqarpat imaluunniit inissiamik attartortitamik ineqarpat inissiamik tunisisariaqarsinnaappat attartortitsisariaqarpulluunniit. Suliffissarsiortunermi ikiorsiissutinik pisartagaqartup pineqartup angerlarsimaffimmi pigisamik inissiaateqarnini andelsboligiuteqarniniluunniit pissutigalugu angerlarsimaffiup avataani atorfik neqeroorutigineqartup innersuunneqartulluunniit akueriumanngissinnaanngilaa. Pineqartup taamaattoqassappat piareersimasussaannermik pisussaaffeqarnini eqqortissanngilaa.

Kommunalbestyrelsip suliffissarsiornermi ikiorsiissutininik pisartaqartoq angerlarsimaffiup avataani imm. 3 malillugu ingerlatsinerni peqataanissaanik peqquppagu, kommunalbestyrelsi piffissami ingerlatsisoqarnerani illusimavissamik innersuussissaaq.

Suliffissarsiornermut ikiorsiissutininik pisartaqartoq illusimavissamik innersuunneqarpat angerlarsimaffiup avataani ingerlatsinerni peqataajumanngissinnaanngilaq.

#### *§ 14-imut*

##### Imm. 1-imut

Aalajangersakkami suliffissarsiornermi ikiorsiissutininik pisartaqartoq qaammatini arfinilinni imminnut atasuni suliffissarsiornermi ikiorsiissutininik pisartaqarsimaguni suliffissarsiornermi ikiorsiissutininik pisartaqaarluni ulluni 14-ini isumaqatigiissutaasumik sulinngiffeqarnissamik periarfissinneqarpoq.

Sulinngiffeqarneq sulinngiffeqarnerup aallartinnginnerani sivikinnerpaamik sapaatit akunnerinik sisamanik sioqqutilluni kommunalbestyrelsimut isumaqatigiissutigineqassaaq aammalu suliffissarsiornermi ikiorsiissutininik pisartaqaqartup kissaatigisaatut ullumi ataatsimi ataatsikkulluunniit sulinngiffeqarnerusinnaalluni.

Suliffissarsiornermi ikiorsiissutininik pisartaqartoq sulinngiffeqarnermini suliffissarsiornermi ikiorsiissutininik pisartaqaqarnermut piunasaqaatit nalinginnaasut eqqortissavai. Suliffissarsiornermi ikiorsiissutininik pisartaqaqartup sulinngiffeqarnermini soorunami piareersimasussaanermut pisussaaffik atussanngilaa.

##### Imm. 2-mut

Suliffissarsiornermi ikiorsiissutininik pisartaqartoq siusinnerusukkut suliffimminut sulinngiffeqarnerisuteqarluni sulinngiffeqarsinnaatitaanermut katersisimappat, pineqartoq suliffissarsiornermi ikiorsiissutininik pisartaqarsinnaatitaannginnermini taamatut sulinngiffeqarnissamik pisussaaffeqarpoq. Aalajangersakkap § 3 tunngaviusumik assigaa, taannalu malillugu isertitaqannginneq akissarsianit isertitanut taarsiutaasumik allatut ikiorsiissutinit matussuseqarsinnaappat suliffissarsiornermi ikiorsiissutininik pisartaqarsinnaatitaasoqanngilaq. Inuk suliffissarsiornermi ikiorsiissutininik pisartaqartillugu sulinngiffeqarneq tamarmiusup sapaatit akunneri marluk qaangersinnaanngillat. Inuup sulinngiffeqarnerisutininik pissaqarluni sivilunerusumik sulinngiffeqarnissaaq kissaatigippagu inuup suliffissaaleqisuuneq Majoriami taamaatissavaa.

### Imm. 3-mut

Inuk sulinngiffeqarnermini suliffissarsiornermi ikiorsiissutinik pisartagaqarumalluni suli suliffissaaleqisuusaaq. Suliffissarsiornermi ikiorsiissutinik pisartagaqartoq sulinngiffeqarnermini suliffissarsiornermi ikiorsiissutinik pisartaqartilluni suliffeqarsinnaanngilaq.

Taamaammat aalajangersarneqarpoq suliffissarsiornermi ikiorsiissutinik pisartagaqartoq, isumaqatigiissutigisamik sulinngiffeqarnermi suliffissarsiortutut suli.gl-imi nalunaarsussanngitsoq. Taamaattoqanngippat inuk suliffissaaleqisutut suliffissiortutullu isigineqassanngilaq aammalu suliffissarsiornermi ikiorsiissutinik pisartaqarsinnaatitaaneq atorunnaassaaq. § 7 § 14, imm. 3 malillugu allannguutit ilanngullugit atuutissaaq. Sulinngiffeqarneq naammassineqariarpat suliffissarsiornermi ikiorsiissutinik pisartagaqartoq suli.gl-imi suliffissaaleqisutut nalunaaqqissaaq.

### *§ 15-imit*

#### Imm. 1-imit

§ 3-ip kinguneraa suliffissarsiortunut ikiorsiissutinik napparsimanerup nalaani taamaallaat pisartagaqartoqarsinnaasoq inuk pineqartoq atorfeqarnerminut atatillugu napparsimanerup nalaani akissarsiaqartinneqanngippat.

Aalajangersikkami taamaallaat napparsimaneq pineqarpoq, tassani suliffissarsiornermi ikiorsiissutinik pisartagaqartoq tamakkiisumik ilaannakortumilluunniit sulisinnaassuseqarani. Suliffissarsiornermi ikiorsiissutinik pisartagaqartoq ataavartumik sulisinnaassuseqarunnaarluni napparsimappat tamanna kinguneqassaaq inuk suliffissaqalernissamat piareersimanersoq pineqartorluunniit pisortat pilersuinerannut, tassunga ilanngullugu piujuartumik pisortat pilersuinerannut, nuussanersoq kommunalbestyrelsip nalilersoqqittariaqarpaa.

Ullut pisartagaqarfiunngitsut Suliffissaarunnermut ikiorsiissutit pillugu Inatsisartut inatsisaanni § 10, imm. 2, oqaaseqatigiit siulliit aqqissuusseqqinnermi allanngortinneqarnissaa kissaatigineqanngilaq, taamaattumillu suli aallaaviuvoq sulinermik inuussutissarsiuteqartup nammineq imaluunniit suliffeqarnermut isumaqatigiissut aqqutigalugu ullut napparsimaffiusut siulliit marluk akilertassagai.

Sulitilluni ajoqusernerit sulinnginnermik kinguneqartartut napparsimasumik oqaatsimut ilaapput, nalinginnaasumillu sulinermik inuussutissarsiuteqartoq pisuni taamaattuni Sulitilluni Ajoquserarneq pillugu Kalaallit Nunaanni inatsimmi aalajangersakkat naapertorlugit pineqartussaalluni, taamaammallu akissarsiatigut isertitaqannginneq sulitilluni

ajouqusernemiq pissuteqartoq sillimmasiinikkut imaluunniit akissarsiassaraluanut taartisiaqarnikkut matussuserneqartarlutik, taamaattumillu suliffissarsiortunut ikiorsiissutinik pisartagaqarsinnaaneq atorunnaartarluni, tak. § 3.

Napparsimanerni mattussaagallarnemiq piffissami aalajangersimasumi kinguneqartuni piffissaq taanna napparsimanerni taagukkanut ilaassaaq. Taamaattoq sulii taamaallaat inuup pineqartup napparsimaneq kapitalimi matumani pineqarpoq.

Imm. 2-mut

Suliffissarsiornemi ikiorsiissutinik pisartagaqartup napparsimanerni suliffissarsiornemi ikiorsiissutinik pisartagaqarnemut piimasaqaatit nalinginnaasut eqqortissavai.

Suliffissarsiornemi ikiorsiissutinik pisartaqartumut napparsimanerni pissarsiarineqarsinnaatitaaneq atuutissanngilaq.

Napparsimanerni sulisinnaassutsip apparnerani suliffissarsiornemi ikiorsiissutinik ilassutaasumiq ikiorsiissuteqartoqarsinnaavoq. Inuk suliffissarsiornemi ikiorsiissutinik ilassutaasumiq pisartagaqartoq napparsimanerup kinguneranik sulisinnaassusia apparpat, napparsimaneremut atatillugu suliffissarsiornemi ikiorsiissutinik ilassutaasumiq pisartagaqartoq napparsimanerni piareersimasussaaneq pisussaaffeqarneremut ilaanersoq kommunalbestyrelsiq isummerfigissavaa.

Imm. 3-mut

Aalajangersagaq imm. 1, oqaaseqatigiit aappaanni pineqartumik saneqqutsisinnaanermut atuuttuavoq, inullu pineqartoq piffissami siviisunerusumi napparsimasimappat piffissaq pisartagaqarfiusanngitsoq atorunnaartarluni. Napparsimanerup aallartinnerani ersarissippat napparsimaneq sap. ak. 2-t sinnerlugit siviisussuseqassasoq, taava sap. ak. marluk naanissaat utaqqisariaqanngilaq.

Imm. 4-mut

Suliffissarsiornemi ikiorsiissutinik pisartagaqarsinnaatitaaneq qaammatini imminnut atasuni arfinilinni napparsimanerni atorunnaassaaq. Piffissami siviisuumi napparsimaneq aallaaviisumiq kinguneqassaaq suliffissarsiornemi ikiorsiissutinik pisartagaqartoq suliffeqarfinit pissarsiarineqarsinnaanngitsoq aamma/imaluunniit suliffeqalernissamut piareersimanngitsoq.

Suliffissarsiornemi ikiorsiissutinik pisartagaqartoq qaammatit pisat iluanni ajorunnaarnissaata nalunaarutigineqarnissaa pissutissaqartumik ilimagineqarsinnaappat, suliffissarsiornemi ikiorsiissutinik pisartagaqarsinnaatitaaneq qaammatit arfinillit

qaangiunnerani pigiinnarneqassaaq. Suliffissarsiornermi ikiorsiissutinik pisartagaqarsinnaatitaaneq pigiinnarneqassanersoq kommunalbestyrelsi aalajangiissaaq. Kommunalbestyrelsi suliami paasissutissat tunngavigalugit aalajangiissaaq aamma ajorunnaartoqarsinnaanersoq pillugu oqaloqatigiinnissamut suliffissarsiornermi ikiorsiissutinik pisartagaqartoq aggersarneqassalluni. Pisariaqarpat nakorsamit napparsimanermut allagartaq pissarsiarineqarsinnaavoq, kommunalbestyrelsip akiligassaanik. Suliffissarsiornermi ikiorsiissutinik pisartagaqartoq qaammatit pingasut iluanni ajorunnaassanersoq, suliffissarsiornermi ikiorsiissutinik pisartagaqarsinnaassutsini pigiinnassaneraa tamanna tunngavigalugu nalilersorneqassaaq.

Suliffissarsiornermi ikiorsiissutinik pisartaqarsinnaatitaaneq annaaneqassanersoq pigiinnarneqarsinnaanersorluunniit siusinnerpaamik piffissap qaammatit arfinillit naaneranni aalajangerneqarsinnaavoq.

### *§ 16-imut*

Suliffissarsiornermi ikiorsiissutinik pisartagalik napparsimaguni kinguarsaanani kommunalbestyrelsimut nalunaaruteqassaaq. Kommunalbestyrelsip pisartagaqartup nappaataa suliamut nalunaassavaa, taannalu taamaattumik iliuusissamut pilersaarummiissaaq, pineqartullu sulisinnaassusianik naliliinermi ilaassalluni.

Aallaavittut napparsimanerit nalinginnaasut ajoqusernerilluunniit annikitsut nakorsamiit allagartamik pisariaqartitsiviussanngillat, taamaattumillu pineqarput nappaatit qassiiliuutaasut, eqqunngitsuliortoqarsinnaaneranik pasisat, atornerluinerit imaluunniit nalornissutaasut pisartagaqartup nakorsamiit allagartamik pisariaqartitsineranik.

Kommunalbestyrelsip naliliinerani aammattaaq isiginiarneqassaaq nakorsamiit allagartaq paasissutissanik nutaanik tunniussaqaassanersoq, allatut pineqarsinnaanngitsunik, aamma angerlarsimaffiusumi nakorsamiit misissorneqarnissamut periarfissaqarnersoq. Nakorsamiit allagartamik pisariaqartitsinermut ilanngullugu isiginiarneqassaaq pineqartup nakorsamiit /peqqinnissaqarfimmi sulisuniit misissorneqarsinnaanera, tamatumalu allaffissornikkut aningaasatigullu peqqinnissaqarfimmut kingunerisinnaasai.

Nalilerneqarpat nakorsamiit allagartaq pisariaqartoq, tassani ersittariaqarpoq qaqugu pineqartoq peqqissisutut nalunaarutigineqarsinnaasoq naatsorsuutaanersoq, nalinginnaasumillu sulilersinnaassanersoq.

Paasissutissat pingaartinneqarput, taamaalilluni tamanna pillugu paasissutissat iliuusissatut pilersaarummi suliffissarsiornermilu ikiorsiissutinik pisartagaqartup suliffeqarnissamut piareersimanersoq suliffeqarfinnullu piareersimasussaanermik pisussaaffeqarnersoq kommunalbestyrelsip naliliineranut ilanngunneqarniassammata. Naggasiullugu paasissutissat qaammatini arfinilinni imminnut atasuni napparsimanermik nalunaaruteqarnermi suliffissarsiornermi ikiorsiissutinik pisartaqarsinnaatitaaneq taamaatinneqassanersoq piginnarneqassanersorluunniit kommunalbestyrelsip naliliinerani ilaassapput, tak. § 15, imm. 4.

### *§ 17-imut*

#### Imm. 1-imut

Majoriaq piareersimasussaanermut pisussaaffeqarneq tamassumalu eqqortinneqannginnerani kingunissaanik suliffissarsiornermi ikiorsiissutinik pisartagaqartumut sukumiisumik ilitersuissaaq. Tamassumani ilaavoq suliffissarsiornermi ikiorsiissutinik pisartagaqartup piareersimasussaanermut pisussaaffeqarnermik eqqortinnissaanik akisussaaffeqarneranik erseqqissaaneq.

Suliffissarsiornermi ikiorsiissutinik pisartagaqartoq suliffeqarfinit pissarsiarineqarsinnaanngikkuni, atorfimminit soraarniuteqaruni imaluunniit atorfimminit peersitaaguni killilersuiffigineqassaaq. Soraarniuteqarnerup sulinngitsoorneq peersinneqarnerlu assigai.

Piareersimasussaanermut pisussaaffeqarneq pillugu kapitali 4-mi aalajangersakkat tassungalu oqaaseqaatit innersuussutigineqarput.

Suliffissarsiornermi ikiorsiissutinik pisartagaqartup suliffimminit soraarniuteqarneranut, sulinngitsoorneranut atorfimminilluunniit qimatsineranut pissutaasut pingaartinneqanngillat. Nammineerluni soraarniuteqarneq tassunga ilanngullugit sulinngitsoorneq peersitaanerlu nammineq soraarniuteqarnermut tassunga ilanngullugit sulinngitsoornermut peersitaanermullu tunngaviusut apeqqutaatinnagit killilersuisoqalissaaq.

Peersitaanermi sulisup sulinermik annertuumik eqqortitsinnginnerata kinguneranik sulisitsisup ingerlaannartumik nalunaaruteqarluni atorfeqarnermik taamaatitsinera ilaavoq. Aalajangersagaq taanna malillugu atorfeqarnerup taamaatinneqarneranut sulisitsisup tunngavilersuutaa kisimi pingaartinneqarpoq. Kommunalbestyrelsi peersitsineq tunngavissaqarnersoq tunngavissaqannginersorluunniit misissuissanngilaq.

## Imm. 2-mut

Aalajangersagaq taanna ilanngunneqarpoq pisuni pitsaanngitsuni immikkut tuttuni peqataaqusaajunnaarnissamik atuinngitsoqarsinnaaqullugu imm. 1-imi. Pisut immikkut ittut paasineqassapput assersuutigalugu sulisitsisup uteqqiasumik piumaffigineqartaraluarluni akissarsisitsisannginnerani, § 12 naapertorlugu, Kalaallit Nunaanni sullivinni isumannaallisaanermut inatsimmik tunngavilimmik, ulorianartut pinngitsoorneqannginnerini imaluunniit sulineramik inuussutissarsiuteqartut atugassarisaannik sumiginnaanerisigut.

Qinnuteqartumiit uppernarsaaserneqarsinnaassaaq taassuma atugarissaarnissaa ingasattumik sanioqqunneqarsimasoq.

Inuk peersitaasoq tamassuma kingorna eqqartuussinikkut imaluunniit sulisut kattuffiata pineqartup sulisitsisullu akornanni isumaqatigiinniarnep kingorna peersitsineq tunngavissaqanngitsoq taparserneqarpat, suliffissarsiornermi ikiorsiissutit kingumut atuuttumik tamakkiisumik akilerneqassapput. Killilersuiffiginnineq atorunnaartutut isigineqassaaq.

Pisumilu taamaattumi aammattaaq ilanngaassisoqassaaq § 3 naapertorlugu, piffissanut qinnuteqartup taartisiffigisimasaanut, soraarsitsinissamut ilisimatitsisimannginnermut assigisaanulluunniit akissarsianut taarsiullugit akilerneqartunut.

## Imm. 3-mut

Suliffissarsiornermi ikiorsiissutit piffissami killilersuiffiusumi 50%-imik appartinneqassapput. Suliffissarsiornermi ikiorsiissutit Inatsisartut inatsisaanni malittarisassat nalinginnaasut malillugit naatsorsorneqassapput.

Suliffissarsiornermi ikiorsiissutinik pisartagaqartoq Inatsisartut inatsisaanni aalajangersakkani allannguuteqanngitsumik ilaassaaq, tassunga ilanngullugit suliffeqarfinnit pissarsiarineqartussaataaneq suliffissarsiornerlu il.il. Piffissaq killilersuiffik suliffissarsiornerup sivisussusianik naatsorsuinerme sulinngiffeqarsinnaanerlu aamma ilanngunneqassapput.

## *§ 18-imut*

Suliffissarsiornermi ikiorsiissutinik pisartagaqartoq qaammatit aqqaneq-marluk iluanni sisamariarluni killilersuiffigineqarsimaguni ikiorsiissutinik pisinnaajunnaassaaq.



Suliffissarsiornermi ikiorsiissutinik pisartagaqartup piffissami qaammatit aqqaneq-marluk iluanni killilersuiffigitissimaneramik aalajangiinermi piffissap killilersuiffiusup kingulliup aallartinnera qaammatit aqqaneq-marluk iluanni naasimassaaq.

Oqaaseqatigiit aappaanni aalajangersarneqarpoq oqaaseqatigiit siulliit naapertorlugit ikiorsiissutinik annikillisitsineq atuutissasoq qaammatini 3-ni, pisarsagaqarsinnaajunnaarnermiit kingullermit § 17, imm. 1 naapertorlugu.

### *§ 19-imut*

Inuit aallaavittut aatsaat suliffissarsiortunut ikiorsiissutinik pisartagaqarsinnaalersarput qitiusumik ingerlatsivimmut Majoriamut saaffiginnereeraangamik.

Ullormit saaffiginniffiusumiit misissorneqassapput tamanna sioqqullugu sap. ak. 13-it kingullermit akissarsiaqarluni sulinerusimasinnaasut, tak. § 22, imm. 1.

Imm. 2-mut

Aallaavisoq ersarisoq tassaavoq inuit akissarsiaqarlutik sulinerminnik annaasaqartut sapinngisamik sukkanerpaamik qitiusumik ingerlatsivimmut Majoriamut saaffiginnittussaasut, nammineerlutik suliffissarsisinnaangikkunik.

Qitiusumik ingerlatsivimmi Majoriami siunnersorneqarlutillu ilitersorneqarsinnaapput, nutaamik suliffissarsiniarnerminnut il.il. Taamaattumik kissaatiginassaaq kaammattuisoqartassasoq sapinngisamik sukkaasumik Majoriamut saaffiginnittoqarnissaanik.

Naapertuilluartumik periaaseqarnissamiit isigalugu qinnuteqartumut akornutaasariaqanngilaq ingerlaannartumik Majoriamut saaffiginninnginneq. Soorlutaaq inuk ilimagisatut nammineq ingerlaannaq suliffissarsisinnaangippat, suliffissarsioraluareernikkullu aatsaat Majoriamut suliffissarsiorluni saaffiginnippat.

Imm. 3-mut

Inuit ilinniagaqarnermi naammasseqqammersut inuillu siusinnerusukut akissarsianit isertitaqarnikuunngitsut piffissap katersuiffiusup sapaatit akunnerisa marluk kingorna suliffissarsiornermi ikiorsiissutinik pisartagaqarsinnaatitaapput. Pineqartoq piffissap katersuiffiusup sapaatit akunnerisa marluk kingorna sapaatit akunnerini 22-ni akunnermut akissarsiaq § 22-mi aalajangerneqartoq atorlugu suliffissarsiornermi ikiorsiissutinik akilerneqarsinnaatitaavoq.

## § 20-mut

### Imm. 1-imut

Suliffissarsiornermi ikiorsiissutit SIK-p aamma Naalakkersuisut akunnermusiallit pillugit isumaqatigiissutaanni ilinniarsimangitsunut 18-it sinnerlugit ukiulinnut aki (§ 4, imm. 2, qaffasissuseq 1) appasinnerpaaq aallaavigalugu naatsorsorneqassapput, 01/04-2020-mi akunnermut 100,47 kr.-p assinga – massuma kingorna taaneqartoq SIK-mi akissarsiat minnerpaaffissaat.

### Imm. 2-mut

Suliffissarsiornermi ikiorsiissutit sapaatit akunnerini 26-ni siullerni SIK-mi akissarsiat minnerpaaffissaat procentinngorlugu 90%-iinik annertussuseqassapput, maannakkut assigalugu akunnermut 90,42 kr. Tamassuma kingorna SIK-mi akissarsiat minnerpaaffissaat procentinngorlugu 80%-inik annertussuseqassapput, maannakkut assigalugu akunnermut 80,38 kr.

### Imm. 3-mut

Inuusuttunut 18-it 29-llu akornanni ukiulinnut katillugit qaammatini aqqaneq-marlunni suliffissarsiornermi ikiorsiissutinik pisartagaqarsimasunut SIK-mi akissarsiat minnerpaaffissaat procentinngorlugu 65%-iinik annertussuseqassapput, maannakkut assigalugu akunnermut 65,31 kr.

Aalajangersagaq § 13-imut atatillugu isigineqassaaq aammalu suliffissarsiornermi ikiorsiissutinik pisartagaqartut ukiuni arlalinni piffissami sivisuumi suliffissaaleqinissaasa pinngitsoornissaanut tapersiissalluni.

Qaammatini 12-ini ataannartuni suliffissarsiornermut ikiorsiissutinik pisartagaqartoqarsimanissaa isumaqarpoq, pisartagaqartoq qaammatit 12-it iluanni akissarsiaqarluni suliffeqarsimassanngitsoq.

### Imm. 4-mut

Inuusuttunut 30-nik sinnerlugillu ukiulinnut katillugit qaammatini 24-ni suliffissarsiornermi ikiorsiissutinik pisartagaqarsimasunut SIK-mi akissarsiat minnerpaaffissaat procentinngorlugu 65%-iinik annertussuseqarput, maannakkut assigalugu akunnermut 65,31 kr. Piffissap qaammatit 24-t naatsorsorneranni aamma suliffissarsiornermi ikiorsiissutit inuup 30-nik ukioqalinnginnerani pisartagarineqarsimasut ilanngunneqassapput.

Aalajangersagaq § 13-imut atatillugu isigineqassaaq aammalu suliffissarsiornermi ikiorsiissutinik pisartagaqartut ukiuni arlalinni piffissami sivisuumi suliffissaaleqinissaasa pinngitsoornissaanut tapersiissalluni.

Qaammatini 24-ini imminnut ataannartuni suliffissarsiortunut ikiorsiissutinik pisartagaqarsimaneq isumaqarpoq piffissami qaammatinik 24-inik sivisussusilimmi akunneqanngitsumik ikiorsiissutinik pisartagaqarsimanissaq.

#### *§ 21-mut*

Naalackersuisut akit atuuttut naatsorsussavaat. Akit ilaatigut isumaqatigiissutit nutaamik isumaqatigiissutiginiarneqarneranni ilaatigullu ukiumut aaqqiissutit isumaqatigiissutini isumaqatigiissutigineqartut kingunerisaannik allannngortinneqartassapput. Akit [www.naalackersuisut.gl](http://www.naalackersuisut.gl) -mi avammut saqqummiunneqartassapput aammalu Inatsisartut inatsisaannik allaffissornikkut aqutsinermi atugassatut IT-mi ataatsimut aaqqiissutini nalunaarutigineqartassallutik.

#### *§ 22-mut*

##### Imm. 1-imut

Suliffissarsiornermi ikiorsiissutinik qinnuteqarnermi qinnuteqartumut akunnermut aki aalajangerneqassaaq. Akunnermut akip sapaatit akunneranut akunnerit amerlassusaat takutippai, taannalu suliffissarsiornermi ikiorsiissutinik naatsorsuinermi tunngaviusaaq. Akunnermut aki qinnuteqartup sapaatit akunnerini 13-ini siuliini agguaqatigiissillugu akunnerit akissarsiaqarfialugit suliffigisimasai tunngavigalugit naatsorsorneqassaaq.

Inuk pineqartoq ilaappat § 19, imm. 2-mi sanioqqutsisinnaanermut, ulloq taanna atorneqassaaq aningaasarsianik annaasaqarnerup naatsorsorneqartup aallartiffiatut. Taamaattumillu ullormiit tassanngaaniit piffissaq siuleqassaaq sap. ak. 13-inik.

##### Imm. 2-mut

Piffissat inuup pineqartup angerlartitaaffigisimasai, tak. § 4, kiisalu piffissat sulinngiffeqarfiusut, akissarsiaqarluni napparsimaffiusut il.il. imm. 1 naapertorlugu naatsorsuinermi ilaassapput.

Qinnuteqartoq aalajangersimasunik akissarsiaqarsimappat, assersuutigalugu qaammammusiaqarluni, taava kommunalbestyrelsip naatsorsuutigisinnaavaa qinnuteqartoq

akissarsisarsimassasoq, immikkut sap. ak. 13-it peqanngiffigisimasai il.il.  
uppernarsartinnngikkaluarlugit.

Pikkorissarnerni peqataanerit ilaatigut tassaasarput AMA aamma PKU, pikkorissarnerit tamarmik sulisinnaassutsimik siuarsaaviusut. Sunngiffimmi sammisassanut atatillugu pikkorissarnerit sulinermut namminerit isumaqanngitsut ilaanngillat. Assersuutigalugu nerisassiornermut pikkorissarnerit igasuunngitsunut.

”Imaluunniit assigisaat” tassani ilaatigut ilaasinnaapput piffissat inuup pineqartup meerartaarnermut atatillugu sulinngiffeqarfisimasai, tassanili meerartaarnermut atatillugu sulinngiffeqarnermi akunnermusiaq pineqassaaq, taamaattoq sap. ak. minnerpaamik 22 tiiminut.

Imm. 3-mut

Inuit ilinniagaqarnerminnik naammasseqqammersut inuillu sionatigut akissarsianit isertitaqarsimanngitsut allat sapaatip akunneranut akunnerit 22-t amerlaqataannik akunnermut akip minnerpaaffissaanik qulakkeerinniffigineqarput.

#### § 23-mut

Piffissami qaammatini arfinilinni piffissami killilikkami sapaatit akunneri sisamat tikillugit piffissap ilaani sulisoqarsinnaavoq pineqartumullu akunnermut aki tikillugu suliffissarsiornermi ikiorsiissutinik ilassutaasunik pisartagaqartoqarsinnaalluni. Piffissap ilaani sulinermi siunertaq tassaassaaq suliffissarsiortup 100%-imik imminut pilersornissaminut qanillisinneqarnissaa. Pineqartup piareersimasussaananermik pisussaaffeqarneq suli eqqortissavaa. Inuup piffissap ilaani sulinissaq kissaatigippagu piareersimasussaananermik pisussaaffeqarnerlu inatsimmi paasinnineq naapertorlugu kissaatiginagu, pineqartoq suliffissarsiornermi ikiorsiissutinik ilassutaasumik pisartagaqarsinnaanngilaq.

Taamaammat piffissap ilaani sulinissamik periarfissaqarneq iliuusissatut pilersaaruttip ilaatut ilanngunneqassaaq aammalu inuk pisortanit pilersorneqarani 100%-imik imminut pilersorsinnaanerata qanillisinneqarsinnaaneranut qanoq tapersiisinnaanersoq allaaserineqassalluni.

§ 23 malillugu suliffissarsiornermi ikiorsiissutinut tapiliussat § 22 malillugu akunnermut akip naatsorsorneranut pingaaruteqanngillat.

#### § 24-mut

Aalajangersagaq atorfiup suulluunniit suliffissarsiornermi ikiorsiissutinik pisartagaqartup suliffigisassatut piginnaasaqarfigisaanik qinnuteqartussaataaneq pillugu § 8-mut atatillugu isigineqassaaq. Suliffissarsiornermi ikiorsiissutinik pisartagaqartoq piffissami sivikitsumi suliffeqarnermigut imaluunniit piffissami sivikillisami suliffeqarnermigut ajornerusumik inissinneqassanngilaq.

Pisussaaffeqarneq akunnerit amerlassusaat sivilissusialuunniit apeqqutaatinnagit atuuppoq. Suliffissarsiornermi ikiorsiissutinik pisartagaqartoq suliffissarsiornermi ikiorsiissutini akunnermut akimit appasinnerusunik akunnerni ikinnerusuni suliffeqalerpat suliffissarsiornermi ikiorsiissutinik pisartagaqartumut § 22 naapertorlugu akunnerit akissarsianik isertaqarfiusut ilanngaatilugit pineqartoq suliffissarsiornermi ikiorsiissutinik pisartaqassaaq.

§ 23 malillugu suliffissarsiornermi ikiorsiissutinut tapiliussat § 22 malillugu akunnermut akip naatsorsorneranut pingaaruteqanngillat.

#### *§ 25-imut*

Suliffissarsiornermi ikiorsiissutit nammineq pisuussutiginnngisamik pissuteqartumik akissarsianit isertaqannginnermut taartisiatut ikiorsiissutaapput, tassunga ilanngullugit, angerlartitaaneq, napparsimaneq imaluunniit pinngortitami ajunaarnersuaqarneq. Taamaammat suliffissarsiornermi ikiorsiissutit ullunut 14- ikkaarlugit akissarsialinnut akissarsianit isertitatut nalinginnaasutut akilerneqartariaqarput.

Inunnut suliffigisimasaminni qaammammusiaqarsimasunut ullut 14-ikkaartunik pisartagaqarneq annertuumik ajoqutaanaviannngilaq, soorluttaaq ullut 14-ikkaartunik akiliisarnermi qularnaarneqassasoq kommunalbestyrelsip ataatsikkoortissinnaassagai akissarsisitsisarnermut aaqqissuussinernut, taamalu Inatsisartut inatsisaat naapertorlugu allaffissorneq oqilisaanneqarluni.

Suliffissarsiornermi ikiorsiissutit pisartagallip NemKonto -anut akilerneqartassapput, tak. pisortat akilissaneraat il.il. Inatsisartut inatsisaat. Akiliineq aamma akiliisarfik Ilanngaassivik aqutugalugu pisinnaavoq, tak. Akiliisarfik Ilanngaassivik pillugit Inatsisartut inatsisaat.

## § 26-mut

### Imm. 1-imut

Suliffissarsiornerup sivilissusia inuup suliffissarsiornermi ikiorsiissutinik qanoq sivilutigisumik pisartagaqarsimaneramik takutitsivoq.

Suliffissarsiornerup sivilissusia ullormit siullermiit qinnuteqartup suliffissaaleqisutut Majoriamut saaffiginninneranit naatsorsorneqassaaq.

Inuit ilinniaqarnerminnik naammasseqqammersut inuillu siornatigut akissarsianit isertitaqarsimanngitsut allat piffissami sapaatit akunnerini marlunni katersereernerup kingorna suliffissarsiornermi ikiorsiissutinik pisartagaqarsinnaatitaapput. Pineqartoq sapaatit akunneri marluk qaangiuteqqinnerini sapaatit akunnerinut marlunni taakkununga suliffissarsiornermi ikiorsiissutinik akilerneqarsinnaatitaavoq. Piffissaq katersuiffiusoq piffissap sapaatit akunneri marluk ullormi siullermi suliffissarsiornermi ikiorsiissutinik akiliisarnermi ilaasumi aallartissaaq.

Ulloq assersuutigalugu oktobarip aallaqqaataani nalunaarnermi piffissaq katersuiffiusoq ulloq 15. oktobari naassaaq. Tamassuma kingorna piffissami 16. oktobarimit akiliiffissallu tulluuttup tungaanut suliffissarsiornermi ikiorsiissutinik akiliisoqarsinnaavoq. Suliffissarsiornerup sivilissusia ullormit oktobarip aallaqqaataanit atuuttumik naatsorsorneqassaaq.

Suliffissaaleqisup akissarsiaqaataasumik sulilenera pissutigalugu suliffissarsiornermi ikiorsiissutinik pisartagaqarunnaarpat, suliffissarsiornerup sivilissusia pingaarnertut taamaatissaaq.

Suliffissarsiornermi ilassutaasunik ikiorsiissutinik pisartagaqarani ataavartumik suliffeqareernerup kingorna kingusinnerusukkut nalunaaqqinnermi inuk pingaarnertut malitassatut suliffissarsiorneq sivilissuseqarani nutaamik nalunaartutut isigineqassaaq.

### Imm. 2-mut

Suliffissarsiornerup sivilissusianik naatsorsuinermi piffissat suliffissarsiornermi ikiorsiissutinik ilassutaasumik tapiissuteqarsimaneri ilanngunneqassapput. Taamaamat ullut pissalluunniit suliffissarsiornermi ikiorsiissutinik pisartagalimmut piffissami tassani suliffissarsiornermi ikiorsiissutinik ilassutaasumik akiliisoqarpat, sivikillisamik sulineramik ilanngaasoqassanngilaq.

### Imm. 3-mut

Inuit suliffissarsiornermi ikiorsiissutinik pisartagaqartut suliffissarsiortullu sivisussusianut qaammatinut aqqaneq-marlunnut (18-iniit 29-nut ukiullit) imaluuniit qaammatinut 24-nut (30-t sinnerlugit ukiullit) qanilliarortut suliffissarsiorunnaarnermik nalunaaruteqarnissamik kingusinnerusukkullu suliffissarsiortutut nalunaarissamik taamaalillutik suliffissaaleqisut nutaamik nalunaaruteqarnissamik soqutigisaqarsinnaapput.

Inuit suliffissarsiorunnaartutut nalunaaruteqarnissaat sapaatillu aqqaneq-marluk iluanni suliffissarsiortut nalunaaruteqaaqqinnissaat pinngitsoorniarlugu nutaamik nalunaartutut isigineqassanngillat. Maannamut suliffissarsiornerup sivisussusia atoqqilissavaat.

#### *§ 27-mut*

Aalajangersakkap suliffeerunnermi ikiorsiissutit pillugit Inatsisartut inatsisaanni § 15, imm. 1 atuuttoq assigaa. Inuk suliffissarsiornermi ikiorsiissutinik pisartagaqartoq aningaasaqarnermi, inuttut inuttullu atukkatigut pissutsinik inuup suliffissarsiornermi ikiorsiissutinik suli pisartagaqarsinnaatitaaneramik pingaaruteqartunik kommunalbestyrelsimut paasissutissiisussaataavoq. Paasissutissiisussaataanerme taamaallaat paasissutissanut kommunalbestyrelsip pigeriigaanut tunngatillugu allannguutit pineqarput.

Paasissutissat suliamut attuumassuteqartut assersuutigalugu tassaasinnaapput suliffissarsisimaneq, napparsimalernej, attaveqarfissatut paasissutissat, najugaq imaluunnit piareersimasussaaneermik pisussaaffeqarunnaarnej.

#### *§ 28-mut*

Imm. 1-4-mut

Qularnaarumallugu kommunalbestyrelsip inummut tunngasunik paasissutissanik atuisinnaanera, kiisalu sapinngisamik aalajangersakkat assigiissut tunngavigineqarnissaat, tamatumunngalu akuersisoqarnissaa, Pisortanit ikiorsiissutit pillugit Inatsisartut inatsisaanni aalajangersakkat nuunneqarput, atortuulersinneqarlutillu Inatsisartut inatsisaanni uani.

Taamaattoq suliffissarsiortunut ikiorsiissutinik suliaqarnerni pisariaqartussaangilaq apparisap aningaasaqarneranut paasissutissanik piniartarnej.

Tamatumalu saniatigut innersuussisoqassaaq Pisortanit ikiorsiissutit pillugit Inatsisartut inatsisaanni § 43-mut, tassungalu oqaaseqaatinut.

## § 29-mut

Aalajangersakkap suliffeerunnermi ikiorsiissutit pillugit Inatsisartut inatsisaanni § 17 atuuttoq pingaarnertigut assigaa. Aalajangersagarli imatut sukaterneqarpoq kommunalbestyrelsi pisuni taaneqartuni utertitsilluni akiliisoqarnissaa piumasarissagaa.

Aalajangersakkami suliffissarsiornermi ikiorsiissutit utertillugit akilerneqarnissaat pillugu aalajangiisussaattillugu tamakkiisumik allaqqasoqarpoq. Tamassuma kinguneraa kommunalbestyrelsi pisuni taaneqartuni suliffissarsiornermi ikiorsiissutit utertillugit akilerneqarnissaannik piumasaqarnissamut pisussaaffeqartoq. Tamannalu ilaatigut isumaqarpoq kommunalbestyrelsi aningaasanik utertitsisoqarnissaa piumasarisinnaanngikkaa, uani aalajangersakkami pineqartoq eqqaassanngikkaanni.

### Nr. 1-imut

Kommunalbestyrelsi suliffissarsiornermi ikiorsiissutini pisartagaqartup § 27 naapertorlugu paasissutissiisussaataaneq eqqortinngippagu imaluunniit pisortat ikiorsiissutaannik pissarsiaqarsimappat pineqartullu tamatuminnga pisinnaatitaaffeqannginnini ilisimasimappagu suliffissarsiornermi ikiorsiissutit utertillugit akilernissaat piumasarissavaa.

Suliffissarsiornermi ikiorsiissutini pisartaqartup aningaasatigut, inuttut inuttullu atukkatigut pissutsit inuup suliffissarsiornermi ikiorsiissutini suli pisartagaqarsinnaatitaaneranut pingaaruteqartut pillugit kommunalbestyrelsimut paasissutissiisussaataaavoq. Paasissutissiisussaataanermi taamaallaat paasissutissanut kommunalbestyrelsi pigeriigaanut tunngatillugu allannguutit pineqarput.

Paasissutissiisussaataanermi aamma taarsiissutit assigisaalluunnit akilerneqartut suliffissarsiornermi ikiorsiissutini pisartagaqartup § 27 malillugu kommunalbestyrelsimut paasissutissiisutissai ilaapput.

### Nr. 2-mut

Oqaatsimi nalunngikkaluarlugu pineqarpoq, pineqartup suliffissarsiornermi ikiorsiissutini pisartagaqarsinnaatitaannginnerminik ilisimanninnera. Suliffissarsiornermi ikiorsiissutini pisartagaqartup pissutsit pineqartup suliffissarsiornermi ikiorsiissutini pisartaqarsinnaatitaanngitsut aamma pissutsit pineqartumik suliffissarsiornermi ikiorsiissutini pisartagaqarsinnaannginneranik kinguneqartut kommunalbestyrelsi nalilersussavai.

### Nr. 3-mut



Suliffissasiornermi ikiorsiissutit akilerneqartut pineqartoq piffissami tassani aamma suliffissarsiornermi ikiorsiissutinik akiliinermi siunertat pillugit akissarsianit isertitaqannginnermut taarsiissutitut ikiuutinik akiliiffigineqarpat utertillugit akilerneqarnissaat aamma piumasarineqassaaq.

### *§ 30-mut*

Imm. 1-2-mut

Kommuni Inatsisartut inatsisaanik allaffissornikkut aqutsissaaq.

Suliffissarsiornermi ikiorsiissutinik kommunimi qinnuteqartup aalajangersimasumik ineqarfigisaani imaluunnit aalajangersimasumik najugaqarfigisaani kommunalbestyrelsimut qinnuteqartoqassaaq. Namminersorlutik Oqartussat inuit kommunit agguarnerisa avataanni aalajangersimasumik ineqartut imaluunniit aalajangersimasumik najugaqartut qinnuteqaataat suliarisassavaat.

Imm. 3-mut

Suliffissaarunnermut ikiorsiissutit maanna atuuttut naapertorlugit qinnuteqaatinik suliaqartarnek innuttaasut siulersuisuinit assigisaannilluunniit suliarineqartarput, aningaasartuutillu Namminersorlutik Oqartussaniit taarserneqartarlutik, taamaattumillu Naalakkersuisut oqartussaasunik allanik piginnaatitsisinnaallutik sulianik ingerlatsisuunissaannut.

### *§ 31-mut*

Imm. 1-imut

Kalaallit Nunaanni kommunit suliffissarsiornermi ikiorsiissutinut aningaasartuutit akilissavaat. Aningaasartuutit Kommunit akunnerminni akileeqatigiiffiqatigiittarnissamut pisussaaffii pillugit Inatsisartut peqqussutaanni malittarisassat malillugit kommunit akornanni agguanneqassapput.

Namminersorlutik Oqartussat Kommunit akunnerminni akileeqatigiiffiqatigiittarnissamut pisussaaffii pillugit Inatsisartut peqqussutaanni malittarisassat malillugit kommunitut akiliisussatut isigineqarpata Naalakkersuisut suliffissarsiornermi ikiorsiissutinut aningaasartut akilissavaat.

Imm. 2-mut

Suliffissarsiornermi ikiorsiissutinik pisartaqartumut namminermut tunngasumik iliuusissatut pilersaarummik kommunimi ataatsimi suliaqartoqarsimappat, pineqartorlu kommunimut allamut nuuppat, kommunip nuuffigineqartup kommunimit nuuffigisamit pineqartumut iliuusissatut pilersaarut pissarsiarissavaa pisariaqassappallu naleqqussarlugu.

Tamanna inunntut ataasiakkaanut iliuusissatut pilersaarutit sulineqarnerannut aningaasartuutit ikilisinniarlugit aamma suliffissarsiornermi ikiorsiissutinik pisartagaqartup kommunimut nutaamut nuunnermini imminut tunngasumik iliuusissatut pilersaarutip aallaqqaataanit suliarineqannginniassammat pissaaq.

Ilimagineqarpoq suliffissarsiornermi ikiorsiissutit pillugit Inatsisartut inatsisaannik allaffissornikkut aqutsinermut IT-mi ataatsimut aaqquissuussinerit ineriartortinneqarneranni assersuutigalugu Piginnaanngorsaqquinnissamut ikiorsiisarneq pillugu Inatsisartut inatsisaat, Suliffissarsiornermi ikiorsiissutit pillugit Inatsisartut inatsisaat aamma pisortat ikiorsiissutaat pillugit Inatsisartut inatsisaat naapertorlugit iliuusissatut pilersaarutit suliarineqarnerannut atorneqartussanik iliuusissatut pilersaarutinut elektroniskinnorlugu ataqatigiissitsisussanik suliaqartoqassaaq. Ataqatigiissitsisussat paasissutissanik tamanut tunngasunik immersuiffimmi inatsisit akornanni atorneqarsinnaasunik immersuiffissatut aamma inatsimmik pineqartumik allaffissornikkut aqutsinermut atugassatut immersuiffissatut suliarineqassapput.

Taamaaliornikkut inuk pisortanit ikiorsiissutinik pisartaqarpat ataatsimut ilisimasat pigineqarnissaat qulakkeerneqassaaq. IT-mi ataatsimut aaqquissutinik suliaqarnermi aqutsiviup sullissanillu suliarinnittut ataasiakkat paasissutissanik inatsimmik pineqartumik allaffissornermut aqutsinermut tunngassuteqartunik kisimik pissarsisinaanissaat qulakkeerneqassaaq.

Qanoq sivisutigisumik suliffissarsiortuusimanerup § 26 naapertorlugu naatsorsorneqartarnera siullermeersumik kommunimut saaffiginninnermiit pisarpoq, apeqquataatinnagu kommunimut sorlermut saaffiginnittoqarnera.

#### *§ 32-mut*

Kommunit aamma Namminersorlutik Oqartussat suliffissarsiornermi ikiorsiissutit pillugit Inatsisartut inatsisaannik allaffissornikkut aqutsinermut atorneqartussanik pisortat IT-mi ataatsimut aaqquissutaannik atuisussaataapput. Elektroniskinnorlugu iliuusissatut pilersaarutit pillugit § 31-mut oqaaseqaatit takukkit.

Pisortat IT-mi ataatsimut aaqquissutaat pillugit aalajangiineq Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut

inatsisaanni § 46 a-mi malittarisassiuunneqarput. Ilimagineqarpoq pisortat IT-mi ataatsimut aaqqiissutaat Namminersorlutik Oqartussani kommuninilu IT-mi pisortat ataatsimut nalunaarsuiviinut atuuttunut ilassutitut suliarineqassasut.

### *§ 33-mut*

Imm. 1-imut

Suliffissarsiornermi ikiorsiissutit pillugit Inatsisartut inatsisaat naapertorlugu kommunit aalajangiineri tamarmik Isumaginninnermi Maalaartarfimmut maalaarutigineqarsinnaapput. Isumaginninnermi Maalaartarfimmut Isumaginnittoqarfiup aqunneqarnera aaqqissugaaneralu pillugit Inatsisartut peqqussutaat naapertorlugu naammagittaalliorqartassaaq.

Isumaginnittoqarfiup aqunneqarnera aaqqissugaaneralu pillugit Inatsisartut peqqussutaanni malittarisassat maannakkut atuuttut naapertorlugit aalajangiinnermit sapaatit akunneri arfinillit iluanni Isumaginninnermi Maalaartarfimmut naammagittaalliorqartassaaq.

Imm. 2-mut

Naalakkersuisut imaluunniit pisortatut oqartussaasut piginnaatinneqartut, tak. § 30, imm. 3, aalajangiigaangata, aalajangiineq taanna aamma Isumaginninnermut Maalaaruteqartarfimmut maalaarutigineqarsinnaavoq.

### *§ 34-mut*

Imm. 1-imut

Siunnersuutigineqarpoq Inatsisartut inatsisaat ulloq 1. Januar 2023 atuutilersinneqassasoq.

Imm. 2-mut

Inatsisartut inatsisaata atuutilersinneqarneratigut Suliffeerunnermi ikiorsiissutit pillugit Inatsisartut inatsisaat atorunnaarsinneqassaaq.

### *§ 35-mut*

Imm. 1- imut

Suliffeerunnermi ikiorsiissutinit suliffissarsiornermi ikiorsiissutitut allaffissornikut ikaarsaariarneq ajornannginnerulersinniarlugu suliffeerunnermi ikiorsiissutitik maannakkut pisartaqartut suliffissarsiornermi ikiorsiissutitik pisartagaqartutut ingerlaannassapput.

Suliffissarsiornermi ikiorsiissutitut ikaarsaariarnermi suliffeerunnermi ikiorsiissutitini tiimimut akit katersorneqartut ingerlatiinnarneqassapput.

Imm. 2-mut

Suliffeerunnermi ikiorsiissutinit suliffissarsiornermi ikiorsiissutitut allaffissornikkut ikaarsaariarneq ajornannginnerulersinniarlugu iliuusissatut pilersaarutit atuuttut pisariaqartumik aaqqiissutit ilanngullugit ingerlatiinnarneqassapput. Kommunalbestyrelsip atuutilersitsinerup kingorna ukioq ataaseq qaangiutsinnagu iliuusissatut pilersaarutit nutarterneqartut suliarissavai.

**Suliffissarsiornermi ikiorsiissutit pillugit Inatsisartut inatsisaanut atatillugu tusarniaanermi akissuteqaatit pillugit allakkiaq.**

Siunnersuut piffissami 27. august – 24. september 2021-imi tusarniaassutigineqarpoq. Tamatumani saniatigut piffissami tassani siunnersuut [www.naalackersuisut.gl](http://www.naalackersuisut.gl) aqqutigalugu saqqumitinneqarpoq.

**Aallarniut:**

Tusarniaanermi akissutit nalinginnaasumik oqaaseqaatinik imaqartut aammalu qisuariaatit ilanngunneqanngillat. Tusarniaanermi akissuteqaatit tiguneqartut siunnersuutip imarisaanut ataasiakkaanut oqaaseqaatitaqartut tamakkiisumik issuarneqarput, aammalu pisortaqaarfiup oqaaseqaatai naqinnernik orlingasunik allanneqarput.

**Siunnersuut ukununga tusarniaassutigineqarpoq:**

Avannaata Kommunia, Kommune Qeqertalik, Qeqqata Kommunia, Kommuneqarfik Sermer-sooq, Kommune Kujalleq, Atuisartunut Unammilleqatigiinnermullu Aqutsisoqarfik, Isumaginninnermut Aqutsisoqarfik, SIK (Sulineramik Inuusutissarsiuteqartut Kattuffiat), Sulisitsisut, KNAPK (Kalaallit Nunaanni Aalisartut Piniartullu Kattuffiat), NUSUKA (Nunaqavissut Suliffiutillit Kattuffiat), AK (Atorfillit Kattuffiat), NPK (Nunatsinni Perorsaasut Kattuffiat), IMAK (Ilinniartitsisut Meeqqat Atuarfianneersut Kattuffiat), Sorlak (Kalaallit Nunaanni Meeqqat Inuusuttullu Siunnersuisoqatigiiffiat), MIO (Meeqqat Illersuisuat), Foreningen Grønlandske Børn, Tilioq (Innarluutillit Illersuisuat) aamma Kalaallit Nunaanni Pinerluuteqarsimasunik Isumaginnittoqarfik

**Uku tusarniaanermi akissuteqarput:**

Avannaata Kommunia, Kommune Qeqertalik, Qeqqata Kommunia, Kommuneqarfik Sermer-sooq, Kommune Kujalleq, Atuisartunut Unammilleqatigiinnermullu Aqutsisoqarfik, SIK, Sulisitsisut, Tilioq aamma Inussuk IT.

**Tusarniaanermi akissuteqaat:**

**1. Avannaata Kommunia**

”§ 1, imm. 3-mi:

Nappaatini nutaani angerlarsimaannarnissamut piumasaqaatitalinni. Tassani Covid-19 assersuutigineqarluni.”

*Akissuteqaat: Ilaannakutortumik ilanngunneqarpoq. COVID-19-mut killiffimmut tunngatillugu aallarniutigalugu oqaatigineqassaaq, inuk nappaammik tunillanneqarsimasooq, napparsimasutut isigineqassammat, taamaattumik inuup taassuma mattusimatinneqarnerani*

*imaluun-niit inunnut akulerusimaqqusaannginnerani, tamanna napparsimanertut aamma isigineqartussaammat. Nappaat taassumalu kingorna mattusimatinneqarneq sivikinnerusimappat, taava ullut pingajuanni inuk suliffissarsiornermi ikiorsiissutinik tunineqarsinnaalissaaq.*

*Inuit tunillatsissimanermik ersiuteqanngitsut, napparsimasutut nalilerneqarnaviangillat, kisiannili pissutsit ersarinnerusut aallaavigalugit angerlartinneqarsinnaallutik. Pisorli apeqqutaassaaq, tamatumanissaaq peqqinnissamut oqartussat tamatigoortumik imaluunniit aalajangersimasumik sulisitsisup sulisuminik angerlartitsinissaanik inassuteqartoqarsimappat.*

*Aatsaat suliffeqarfik/sulisitsisoq eqqortumik oqartussaniit piumaffigineqarsimappat sulisuminik angerlartitsinissaminik peqquneqarsimappat. Tassunga atatillugu oqaatigineqassaaq, sulisitsisoq § 4 naapertorlugu angerlartitsinerminik nalunaaruteqartussaammat.*

*Siunertaanngilaq suliffissarsiornermi ikiorsiissutit inunnik suliffimmut ornigullutik takkukkusunnigitsunut tunniunneqartarnissaat, taamaattumik angerlartitsinermut peqqutissaqavissimanersoq pillugu paasissutissaqassaaq, aammalu angerlarsimaffimmiit imaluunniit assingusumik sulisoqarsinnaanera periarfissaqanngitsoq ilanngullugu.*

*Tassunga atatillugu naqissuserneqassaaq sulisoq nammineeerluni angerlartitaasimalluni nalunaaruteqarsinnaanngimmat. Tamanna § 4-mi oqaaseqaatini erseqqissarneqassaaq.*

”§ 12, imm. 4-imi, oqaatsip allanngornissaanut siunnersuut. Qallunaatut matchgruppering, inatsit nr. 28, 2015-imeereersumi, § 2 qulequtaq nr. 8-imi atorneqartoq atorneqarnissaa inassutigineqarpoq:

*Innuttaasunik suliffeqanngitsunik tulluarsaqatigiiaanun immikkoortitserisassallutik.*

*“Innuttaasut suliffeqanngitsut assigiissuteqarnermut atatillugu immikkoortiterinermut...” tulluannngimmat.”*

*Akissut: Oqaasertat allanngortinneqassapput, taamaasilluni suliffissanun, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaanni oqaasertaliussat malinneqassapput.*

## **2. Kommune Qeqertalik**

### **§ 10 pillugu:**

imm. 2:

Aalajangersakkami ersippoq *piviusorsiortumik* anguniakkanik ingerlatanillu suliaqartoqassasoq. Pisortat ikiorsiissuteqartarnerat pillugu Inatsisartut inatsisaanni § 17, imm. 2-mut siunnersuummi aalajangersagaq assinguvoq. Tassani oqaaseq *”piviusorsiortumik”* ilaanngilaq. Aalajangersakkat taakku marluk imarisaanni piumasaqaatit assigiittariaqarput, aamma oqaaseq *”piviusorsiortumik”* aalajangersakkani tamani ilaasariaqarpoq imaluunniit

peerneqartariaqarpoq, taamaattumik iliuuseqarnissamut pilersaarutini piunasaqaatinut assigiinngisitsisoqassanngilaq.

*Akissut: Ilanngunneqanngilaq. Suliffissarsiornermi ikiorsiissutinut atatillugu sulilernissamut piunasaqaat annertunerusoq atuutilissaaq, taamatullu inuk sulilernissaminut piareeqqanerussaaq, sulinissamut piareersimalerluni. Taamaattumik iliuuseqarnissamut pilersaarutini pingaaruteqarpoq, suliffissaaleqinermi ikiorsiissutinik tiguisussap neqeroorutiniq tiguisinissamut pisussaaffeqarnera, taamaasilluni tiguisoq suliffeqarnermut utertittussanngorlugu. Taamaattumik assigiinngitsuunissaat pisariaqarpoq.*

### **§ 11 pillugu:**

Aalajangersakkami ersippoq kommunalbestyrelsi iliuusissamut pilersaarusionermut atatillugu ingerlatanut qinnuteqartumut *piunasaqarsinnaasoq* tassungalu ilaapput oqaloqatigiinnerit, iliuuseqarnerit, suliffimmi sungiusarnerit, inuttut ineriartornermut pikkorissarnerit, sulianut pikkorissarnerit aammalu suliffimmik innersuussutigineqartumik tiguisinissamut.

Pisortat ikiorsiisarnerat pillugu Inatsisartut inatsisaannut siunnersuummi § 18-mi aalajangersagaq assingusoq ersippoq. Tassani ersippoq kommunalbestyrelsi iliuuseqarnissamut pilersaarummut atatillugu *aalajangersaasinnaasoq* qinnuteqartup ingerlatanut peqataanissaanut, tassunga ilaallutik oqaloqatigiinnerit, iliuuseqarnerit, suliffimmi sungiusarnerit, inuttut ineriartornermut pikkorissarnerit, suliamut pikkorissarnerit aammalu sulilernissamut neqeroorutip innersuussutigineqartup tigunissaa.

Aalajangersakkat taakku marluk ima iluarsineqartariaqarput, taamaasillutik assigiilersillugit oqaatsinut "pisussaaffilerneqarnissaat"-nut imaluunniit "aalajangiisoqarsinnaavoq"-mut naleqqiullugit.

*Akissut: Ilanngunneqanngilaq. Suliffissarsiornermut ikiorsiissutinut atatillugu pingaartinneqarpoq, qinnuteqartup suliffissarsiorneranut, piginnaanngorsarneranut il.il. eqeersimaarluni akuunissaanut annertunerusumik naatsorsuuteqartoqalernissaa piunasaqartoqalernissaalu. Taamaattumik Inatsisartut inatsisaanni uani oqaaseqatigiit allaanerusut atornerqarput.*

### **§ 13 pillugu:**

Imm. 1:

Aalajangersakkami ersarissarneqartariaqarpoq kommunip kommunimi allami suliffimmik innersuussilinnginnerani kommunimit nuuffiginiarneqartumit akuersisoqaaqartoqartassanersoq, kiisalu kommuni sorleq kingorna akiliisusaanersoq.

Imm. 4:

Uniffimmi siullermi oqaaseq "inissamik naleqquttumik" aammalu "taassuma aappaanut aamma meeraanut 18-it inorlugit ukiulinnut"

Uniffiup tulliani "aamma taassuma aappaanut aammalu meeraanut 18-it inorlugit ukiulinnut angerlarsimaannartunut" ilanngunneqarsimanngilaq. Taarsiullugu "inissamik naleqquttumik" annertusiallatsinneqarsimavoq "inissamik imaluunniit najugaqarfimmik naleqquttumik" Imm. 1-mi 2-milu inuit pineqartut taakku marluk immikkoortikkusunnagit imm. 4 imatukanneq allanngortinneqartariaqaralarpoq:

Imm. 1 aamma imm. 2 atorineqassanngilaq, suliffissarsiortunut ikiorsiissummik pisartagaqartoq taassumalu aappaa aammalu meeraat 18-it inorlugit ukiullit angerlarsimaannartut najukkami pineqartumi naammaginartumik inissamik imaluunniit najugaqarfimmik pissarsisinaanngippat.

*Akissut: Ilanngunneqassaaq. Imm. 1-mi oqaaseqatigiit pingajuanni iliuitsit, utaqqiisaagallartumik inissiigallartarnermi najugaqarfinnut nuukkallarsinnaaneq pineqarpoq, tassani siunertaanngilaq inuit 30-it ataallugit ukioqartut aammalu utoqqaanerusut, inissiat eqqarsaatigalugit, immikkoortinneqarnissaat. Taamaattumik aalajangersakkap paasineqarnissaa qulakkeerniarlugu oqaaseqatigiit paasiuminarsarneqarput.*

### **§ 15 pillugu**

Suliffeerunnermi ikiorsiissutit pillugit Inatsisartut inatsisaanni nr. 2, 15. maj 2014-imeersumi § 10-mi erserpoq, ikiorsiissutit ullut pingajuanni napparsimanermi imaluunniit ulloq siullermi napparsimanermi akiliutigineqartassasut nappaatip qanoq sivisutiginera apeqqutaatillugu. Inatsimmut siunnersuummi erseqqarilluartariaqarpoq qaqugukkut napparsimaneq naatsorsuutigineqalertarnersoq. Ullormi saaffiginninnermi, ulloq siulleg napparsimalernermi imaluunniit ullut pingajuanni?

*Akissut: Ilanngunneqassaaq. Inatsisissatut siunnersuummi siunertaanngilaq napparsimanermut atatillugu inatsisitigut pisinnaatitaaffiup allanngortinneqarnissaa, aamma aatsaat ullut pingajuanni napparsimanermi suliffissarsiortutut ikiorsiissutinik pisartagaqalersinnaanermut naatsorsuineq atuutilertarpoq.*

### **§ 17 pillugu**

Aalajangersakkamut oqaaseqaatini ersippoq inuk, eqqartuussaannermi kingorna peersitaasimasoq imaluunniit sulisartut kattuffiisa akornanni isumaqatigiinniarnit kingorna sulisitsisoq ilalerneqarsimappat peersitsinermut tunngavissaqanngitsoq, taava suliffissarsiortutut ikiorsiis-sutit tamakkiisut kingumoortumik akiliutigineqassapput.

Tunniussinngikkallarnissamik aalajangerneq atorunnaartutut isigineqalissaaq.

Siuliani taaneqartut aalajangersakkani ersittariaqarput oqaaseqaatiniinnaanngitsoq, taamaasilluni erseqqarissumik ersersinneqartariaqarpoq suliffissarsiortutut ikiorsiissutit aatsaat tamakkiisut kingumoortumik akiliutigineqarsinnaanerat kingorna erserpat, peersitsinermut tunngavissaqarsimanngitsoq.

*Akissut: Ilanngunneqassaaq. Kingumoortumik suliffissarsiortunut ikiorsiissutinik pisartagaqarsinnaaneq inatsimmiitinneqarnissaa pisariaqarpoq aammalu oqaaseqaatini kisimi*



*ilanngunnagu. Inuup soraarsitaanissamut ilimasaarfigineqarsimanninnerani taarsiissuteqarnerup aamma kingunerisussaavaa inuup piffissami tassani suliffissarsiortunut ikiorsiissutinik pisartagaqarsinnaannginnera, takuuk § 3.*

### **§ 20 pillugu**

Aalajangersakkami ersittariaqarpoq qaqugumiit suliffissarsiortunut ikiorsiissutinik pisartagaqartarnissamut tunngaviusut naatsorsorneqartarnissaat. (Taamatut aamma inatsisissatut siun-nersuummi § 19, imm. 2-ani erserpoq inuit akissarsiaqarlutik suliffeqareersimannngitsut suliffissarsiortut pineqartut.)

*Akissut: Ilanngunneqassaaq. Taamaattoq § 19-ip allannguutaa aalajangiusimaneqassaaq.*

### **§ 22 pillugu**

Aalajangersakkami erseqqarissumik allassimannigilaq namminersortuusimasoq, suliffissarsiortunut ikiorsiissutinik pisartagaqalernissaminut qinnuteqaat sioqqullugu suliffeqarfimminik unitsitsisimasumut, qanoq naatsorsuisoqartassanersoq. Qinnuteqartoq namminersortutut suliffeqarfiuteqarsimaguni (soorlu assersuutigalugu aalisartutut/piniartutut) taava suliffissarsiortutut ikiorsiissutinik pisartagaqalernissamut qinnuteqaat sioqqullugu sapaatip akunneri 13-it kingulliit aammalu qinnuteqarneq pisimappat suliffeqarfiutiminik matusinissaq ullormik sioqqullugu, taava qinnuteqartoq akissarsiaqarluni suliffeqareersimannngitsutut naatsorsuutigineqalissaaq siunnersuutip § 19-ia naapertorlugu, imaluunniit namminersortutut isertitarisimasat aallaavigalugit akunnerit naatsorsorneqartussaappat?

*Akissut: Inatsisartut inatsisaanni § 1, imm. 3, § 2, imm. 1 aamma § 22, imm. 3 innersuussuutigineqarpoq. Suliffissarsiortutut ikiorsiissutit inunnut nammineq pisuussutiginnngisaminnik **akissarsiaminnik** annaasaqartunut aallaaviattut naatsorsuutigineqartarput, namminersorlutik inuussutissarsiortut akissarsiaqarluni suliffeqarneq ajorput, taakkumi § 22, imm. 3-mi inunnut pineqartunut ilaammata.*

### **§ 25 pillugu**

Aalajangersakkap imm. 2-anut oqaaseqaatit ilaanngillat.

*Akissut: Ilanngunneqassanngilaq. § 25, imm. 2-p oqaaseqarfiginissaa pisariaqartutut isigineqanngilaq.*

### **§ 28 pillugu**

Aalajangersakkamut oqaaseqaatit naapertuutinngitsumik inissinneqarsimappasipput, tassami imm. 1-2-mut oqaaseqaatit aammalu kingorna imm. 2-mut kisimi tunngasut pineqarpassimmata. Ilanngullugu akuersissuteqartarnermut tunngatillugu oqaaseqaatit aalajangersakkap oqaasertaanut sanilliullugu paasinanngimmata, tassani akuersisarnermut periutsit marluk assigiinngilluinnartut pineqarmata. Imm. 1-2-mi oqaaseqaatini erserpoq

akuersineq allakkatigut pisartooq aammalu aalajangersakkap imm. 2-ani ersilluni nipaatumik akuersissuteqarneq pisassasoq. Inunnt paasisutissanik noqqaanermi akuersineq nipaatumik pisartussaangikkaluarpooq.

*Akissut: Ilanngunneqassaaq. Inatsisissatut siunnersuut aammalu oqaaseqaatit imminnut naapertuutinngillat. Taamatuttaaq pissusissamisoornerusutut isikkoqarpoq akuersissummik qulakkeerisoqaaqartarnissaa, aammalu pineqartoq akuersissummik tunniusserusunngippat tamanna suliaq ingerlanneqarneranut ajoqusiinnaasariaqarpoq.*

### **§ 32 pillugu**

Naalackersuisut ataatsimoorussamik IT-mi aqqissuussineranni kommunit akulerutsinnagit maleruagassanik aalajangersaasinnaanerat pissusissamisoortutut isigineqanngilaq. Taamaattumik Naalackersuisut aalajangersagaq malillugu maleruagassanik suliaqarneranni kommuninik akulerutsitsisussaataitanerat ilanngunneqartariaqarpoq. Inatsisissatut siunnersuut kommuninut ineriartortitsinermut, piviusunngortitsinermut systemillu ingerlanneqarneranut aningaasartuuteqarnerulernermik kinguneqassappat, taava tamanna inatsisissatut siunnersuummi ilanngunneqartariaqarpoq aningaasartuutit tamakkiisut oqimaaqatigiinnissaanik najoqqutassaq (DUT) naapertorlugu taarsiissuteqartoqartarniassammat.

*Akissut: Ilanngunneqanngilaq. Aalajangersakkap oqaasertai innersuussutigineqarput aammalu Inatsisartut inatsisaat nr. 6, 3. juni 2015-imeersoq (suliffinnut nittartakkap atornerarnera) aamma suliffissanut, ilitersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 8. Naalackersuisut Majoriami sullissiviit aammalu kommunit qanoq nalunaaruteqartarnissaat pillugu maleruagassanik aalajangersaasareerput, aammalu suut qarasaasiatigut aqutsinermit systemit suut atornerqassanersut, taamaattumik allannguut nutaajunngilaq, kommuninut nutaamik aningaasartuutinik malitseqartoq.*

### **§ 33 pillugu**

Imm. 2-mi aalajangersakkanut oqaaseqataatit amigaataapput.

*Akissut: Ilanngunneqassaaq. Namminerisamik oqaaseqaammik suliaqartoqarpoq § 33, imm. 2-mut.*

## **3. Qeqqata Kommunia**

Kommunip inatsisissatut siunnersuutip kapitali 7-a itinerusumik nassuiaqquaa, taamaasilluni suliffissarsiortunut erseqqarinnerulerniassammat, suliffissarsiortoq suliffeqarnermi piareersimanngikkuni tamanna sunik kinguneqarsinnaanersoq paasineqarsinnaaniassammat. Pingaaruteqarpoq inatsimmi erseqqarissumik allassimasoqassasoq suliffissarsiortoq, iliuuseqarnissamut pilersaarummi tassunga tunngasumi, oqaloqatigiinnernut imaluunniit iliuutsinut peqataangippat, tamanna sunik malitseqassanersoq.

*Akissut: Ilanngunneqanngilaq. § 17-imut taamaattoq annikitsumik allannguisoqarpoq.*

Pingajuattut kaammattuutigerusupparput maannakkut kommunip ullut 14-ikkaarlugit akisarsianik akiliuteqareernerisa kingorna suliffissarsiornermi ikiorsiissutinik akiliuteqartoqartarnissaa. Tassami suliffissarsiortunut ikiorsiissutit amerlasuutigut allaffissornikkut suliassanik amerlanerusunik malitseqartarmata, assersuutigalugu pineqartoq piffissap ilaani suliffeqarsimappat il.il. naatsorsuisoqartussaammat. Sulisutta suliassaasa sapinngisamik oqilisarnissaat soqutigisaraarput, taamaattumik maannakkut kommunip akissarsialerisarnerata kingorna aatsaat ikiorsiissutit akiliutigineqartarnissaat kaammattuutigaarput.

*Akissut: Ilanngunneqarpoq. Kommunip akissarsititsisarneratut, ullut 14-ikkaarlugit pisalis-saaq.*

#### **4. Kommuneqarfik Sermersooq**

§ 4. Angerlartitsineq imatut paasineqassaaq:

1) Angerlartitsinertut isigineqassaaq sulisitsisup atorfeqartitsinermik atorunnaarsitsigallarnerat ullut 14-it angullugit sivilissusilimmik, nioqqutissiornerup uninnerani, nioqqutissiassaarunnermik imaluunniit silamik peqquteqartumik.

§ 4-mut atatillugu Kommuneqarfik Sermersuup angerlartitsinermut tunngatillugu erseqqissaatigissavaa nioqqutissiassaaleqinerup imaluunniit silamik peqquteqarnerup saniatigut pissutsinik allanik siumut oqaatigineqareersinnaanngitsunik pisoqarsinnaammat, nioqqutissiornermut unitsitsisinnaasunik. Assersuutigalugu Kuummiuni aalisakkerivik 2021-mi aasaanerani nioqqutissiornerminik unitsitsivoq fabrikkip inallaagissamik pilersorneqarnera naatsorsuutigineqanngitsumik ajutoormat. Kommuneqarfik Sermersuup taamaattumik siunnersuutigaa § 4 imatut oqaasertalerneqassasoq nioqqutissiorneq pissutsit allat ilanngullugit unitsinneqarsinnaasoq, sulisitsisup sulisullu sunniuteqarfigisinnaasaasa avataatigut soorlu nioqqutissiassanik amigaateqarneq aammalu silamik peqquteqarneq, taamatullu pilersuinerup unittoorneranik.

*Akissut: Ilanngunneqarpoq. Siunertaanngilaq suliffissarsiornermi ikiorsiissutinik pisartagaqartut qaqugukkut angerlartinneqarneranni maleruagassanik allannguisoqarnissaa. Siunnersuut allatut oqaasertalerneqarpoq, taamaasilluni erseqqissarneqarluni angerlartitsinerup qaqugukkut pisarnissaanik paasinnitarneq allanngortinniarneqanngimmat. Taamaattoq COVID-19-mut killiffik allallu angerlartitsinermi peqqutaasinnaasut eqqarsaatigalugit periarfissaqalerpoq nutaamik oqaasertaliinissaaq.*

**§ 7, imm. 2.** Suliffissarsiortunut ikiorsiissutinik pisartagaqartut minnerpaamik sapaatip akunneranut ataasiarlutik nalunaarsortittassapput suliffissarsiortutut [www.suli.gl](http://www.suli.gl)-imi NemID atorlugu, imaluunniit qitiusumik ingerlatsivimmi Majoriami nalunaarsortinnermikkut.

§ 14, imm. 3. Inuk suliffissarsiortutut sulinngiffeqartutut nalunaarsortissaaq [www.suli.gl](http://www.suli.gl)-imi NemID atorlugu, imaluunniit qitiusumik ingerlatsivimmi Majoriami nalunaarsortissalluni. Inuk pineqartoq suliffissarsiortutut sulinngiffeqartutut nalunaarsorsimangikkuni sulilernissamut piareersimasutut isigineqassanngilaq.

§ 7, imm. 2-mi oqaaseq "nalunaarsortittassapput", taarserneqassasoq oqaatsimit "nalunaarsortissapput"-mik taarserneqassasoq.

Kommuneqarfik Sermersuup siunnersuutigerusuppaa qarasaasiatigut systemi NemID aalajangersimasorujussuaq inatsisip oqaasertaaniit peerneqassasoq, qarasaasiatigut systemi siunis-sami allanngortinneqarsinnaammat. Assersuutigalugu NemID atorunnaarsikkiartorneqarpoq. Kommuneqarfik Sermersuup taamaattumik siunnersuutigerusuppaa oqaaseqatigiit aalajangersimarपालाङ्गinnerusut, assersuutigalugu "...digitalimik nalunaarsuinikkut imaluunniit inuttut ornigunnikkut" atorneqassasut.

*Akissut: Ilanngunneqassaaq. Oqaaseqatigiit allanngortinneqassapput tamanut ammasumik digitaliusumik atsiorninngorlugu.*

§ 8. Suliffissarsiortunut ikiorsiissutinik pisartagaqartut suliffissanut inuttaqanngitsunut suliffigissallugu periarfissaqarfigisaminnut qinnuteqartarnissamut pisussaaffeqarput.

Imm. 2. Suliffissarsiortunut ikiorsiissutinik pisartagaqartut pisussaapput suliffissami innersuuneqartumi sulilernissamut, ullormit ataatsimik siumut nalunaarfigineqarnermikkut.

Imm. 1 aamma atuuppoq suliffissarsiortunut ikiorsiissutinik pisartagaqartunut sulisitsisumiit suliffissamik inuttaqanngitsumik neqeroorfigineqartunut.

Kommuneqarfik Sermersuumiit tupigusuutigineqarpoq § 8, imm. 2-mi "imm. 1" innersuussutigineqarmat, tassami oqaaseqatigiit oqaaseqatigiinnut imm. 1-miittunut innersuussutigineqanngimmat, kisiannili oqaaseqatigiit siulii pineqarlutik. Taamaattumik "imm. 1" taarsertariaqarpoq "Tamanna"-mik.

*Akissut: Ilanngunneqarpoq. Oqaasertaa allanngortinneqassaaq.*

§ 10, imm. 2, suliatigut/suliamut tunngasutigut

Kommuneqarfik Sermersuumiit naapertuutinngitsutut isigineqarpoq iliiusissatut pilersaarut aalajangiisuutinneqassappat, soorlu § 10, imm. 5-mi tamanna ersertoq. Iliiusissatut pilersaarut innuttaasup kommunillu akornanni suleqatigiinnissamut isumaqatigiissutaavoq, nukissat, iliiusissat piumasaqaatillu qulaajarlugit.

Iliiusissatut pilersaarut suliarineqartarpoq ikiorsiissutinik pisartagaqartoq atsioqatigalugu aammalu atsiortillugu, taamaattumik tunngavilersuutitut maleruagassat aammalu § 10, imm. 6-mi maalaaruteqarnissamut ilitsersuut pisariaarupput. Ilanngullugu iliiusissanut

pilersaarutip aqqittaqattaartuarnissaanut § 12-mi ikkussa qarpoq, tassanilu ingerlaavartumik naammagittaalliutit naammagittaalliutaasinnaasullu ilanngunneqarsinnaallutik.

Kommuneqarfik Sermersuumiit aamma ernumassutigineqarpoq sulisunut nukiiit kommuni- miit atorineqartariaqartussat, soorlu ikiorsiissutinik pisartagaqartoq Isumaginninnermut Maalaartarfimmu iliuusissatut pilersaarutit assigiinngitsut sisamat maalaarutigisinnaalissammagit. Tamanna aamma suliffissaaleqisup sulilersinniarnernut kinguarsaataassaaq.

Kommuneqarfik Sermersuumiit sakkortunerpaamik kaammattuutigineqarpoq inatsisissatut siunnersuummi § 10, imm. 5 aamma 6 peerneqassasoq.

*Akissut: Ilangunneqarpoq. Allatut oqaasertalerneqassaaq kommunip tikkuagaatut aalaja- ngiinerunngimmat, susassaqtup tusarniarnissaa pisariaqanngimmat qinnuteqartoq iliuu- sissatut pilersaarutip naammassillugu suliarinissaanut peqataasussaammat. Taamatuttaaq tunngavilersuut qangalu tamakkiisumik ilaliisoqarsimanera ajornakusuussasoq erseqqissassallugu. Taamaattumik toqqaannangitsumik iliuusissatut pilersaarutip misilinnissaa periarfissaqassaaq iliuusissatut pilersaarummut toqqammavigineqartut iliuusissat pillugit maalaaruteqarnikkut.*

§ 12, imm. 4. Innuttaasut suliffeqanngitsut assigiissuteqarnermut atatillugu ataatsimoortunut inissititerinermut atatillugu Naalakkersuisut aalajangersagaliorsinnaapput. Kommuneqarfik Sermersuumiit tikkuarneqarpoq § 12, imm. 4 atorfissaqanngimmat siunerta- qaranilu, tassami § 1-mi aalajangersarneqareerpoq inatsisissatut siunnersuummi pineqarmata innuttaasut assigiissuteqarlutik immikkoortitikkami 1-miittut. Assigiissuteqartunut atatillugu ataatsimoortunut inissititerinermut atatillugu aalajangersaasinnaanermut piginnaatitsissut suliffissanut, ilitersuisarnermut- pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28 ulloq 9. december 2015-imeersumut inissinneqartariaqarpoq.

*Akissut: Ilangunneqarpoq. Aalajangersagaq nuunneqarpoq, taamaasilluni aallarniutigalugu oqaatigineqassaaq § 1, imm. 2-mi kikkut sulilernissamut piareersimanersut. Aalajangersagaq § 1-mut imm. 4-tut nuutinneqarpoq.*

*Suliffeqarnermi innersuussisarneq il.il. pillugit Inatsisartut inatsisaanni nr. 5, 8. juni 2014- imeersumi § 2, imm. 2-mi aamma suliffissanut, ilitersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaanni nr. 28, 9. december 2015-imeersumi § 8, imm. 2-mi Naalakkersuisut nalunaaruteqartarnermut il.il. pillugit aalajangersaanissamut piginnaatinneqarput.*

§ 23. Siumoortumik qinnuteqarnikkut ilassutitut suliffissarsiornermi ikiorsiissutinik tunnius- sisoqarsinnaavoq, piffissap ilaannaani suliffeqarnermi annerpaamik sapaatip akunnerinik

sisamanik sivilissuseqartuni, piffissap qaammatinik tulleriinnik arfinilinnik sivilissuseqartup iluani.

Kommunip erseqqissarpaa § 23-i naapertuutinningitsoq, innuttaasut amerlanerit ulluinnarni inuuniarnermi ineqarnermut akiliutinut aammalu aalajangersimasumik akiliutinut akissaqarusullutik ilassutitut suliffissarsiornermi ikiorsiissutinik pisariaqartitsisarnerat, ilutigisaanillu naammaginantumik ataavartumik pilersuinissamut peqartunik. § 23-mi maleruagassat taamaasillutik innuttaasut piffissap ilaannaani atorfeqartut/suliffeqarneraniit ajattorsinnaavai, piffissaq tamaat atorfiusinnaasumik innersuussutitaqartinnagu.

*Akissut: Ilanngunneqanngilaq. § 1 innersuussutigineqarpoq, inatsisartut inatsisaanni siunertaavoq innuttaasut tamarmik minnerpaaffianik isertitaqarnissamik qulakkeerneqassanngitsut, kisiannili inuit sulinerminni isertitaasa annaaneqarneranni, pisortanit ikiorsiissutituut ikiorneqartariaqalernerq pinnagu, ikiorsiissutinik pisartagaqalernissaat qulakkeerniarneqartoq. § 23 atorneqassaaq sulileriaannaat suliffeqarnermut uternissaannut ikiorniarlugit, ilaatigut piffissap ilaani atorfeqartitsinermi, tamanna suliffissarsiornermi ikiorsiissutinik tamakkiisumik pisartagaqarnissamut annaasaqaataanngitsumik.*

*Taamaattumik suliffissarsiornermi ikiorsiissutinik pisartaqarnermi tamanna siunertaanngilaq aamma § 23-ip qulakkeertussaavaa piffissap ilaani atorfeqartut arlaatigut minnerpaamik isertitaqarsinnaanerat.*

Kommuneqarfik Sermersuup tupigusuutigaa § 25-mi qaammammi ullormik aalajangersimasumik taasaqarluni aalajangersaasoqarnera, tassanimi ullormi aningaaserviit matoqqatitsisinnaammata, aamma taarsiullugu siunnersuutigineqarpoq oqaasertaliunneqassasoq kommunip akunnermusialinnut akissarsititsinerani ullut akiliuteqarfiusartut malinneqassasut.

*Akissut: Ilanngunneqassaaq. Kommunip akissarsititsisarnerani ullut 14-ikkaarlugit akiliuteqartarnissaq pisartussanngorlugu allanngortinneqassaaq.*

§ 28, imm. 1 aalajangersaasinnaanermik imaqarpoq kommunip, qinnuteqaatinik suliaqarnissaminut aammalu nakkutilliinissaminut atatillugu, inunnut paasissutissanik aallersinnaaneranik pisariaqartunillu ingerlatitseqqissinnaaneranik. Taamaattumik imminut assortuuppoq oqaasertani allanneqarmat suliffissarsiornermi ikiorsiissutinik pisartagaqartup atsiorlugu piginnaatitsissummik tunniussissasoq kommunalbestyrelsimut, pisariaqartutut nalilerneqaraangat, inunnut ataasiakkaanut tunngasunik aammalu inummut tunngasunik paasissutissanik pissarsiniarnissaanut ingerlatitseqqissinnaaneranullu.

Kommuneqarfik Sermersuup siunnersuutigaa § 28, imm. 2 ima allatut oqaasertalernerneqassasoq ersarissarlugu qinnuteqarnermut atatillugu oqaasiinnakkut imaluunniit allakkatigut piginnaatitsissummik tunniussisoqareersimaneranik. Ilanngullugu

aamma aalajangersakkami ersarissarneqartariaqarpoq oqaasertaqanngitsumik piginnaatitsineq sumik imaqarnersoq.

*Akissut: Ilanngunneqarpoq. Taamaasilluni aalajangersakkap pisortat ikiorsiissuteqartarnerat pillugu Inatsisartut inatsisaat assigilerpaa.*

**§ 33**, imm. 2. Kommunit agguataarnerisa avataanni inuit aalajangersimasumik najugallit imaluunniit inissisimasut kommunalbestyrelsip Naalakkersuisullu aalajangersaaffigisimasai, Isumaginninnikkut Maalaaruteqartarfimmut suliassanngortinneqarsinnaapput. Kommuneqarfik Sermersuup siunnersuutigerepaa § 33, imm. 2 erseqqarinninngorlugu oqaasertalerneqassasoq.

*Akissut: Ilanngunneqassaaq. "ni" allanngortissaaq "nni"-mut § 30, imm. 2, pkt.2.-mut innersuussisoqarpoq.*

## **5. Kommune Kujalleq**

§ 1, imm. 1 pillugu: Inatsimmi.... inuit sulilernissamat piareersimasut, pineqartut allaaserineqarpoq. Kapitali 4-mi qulequttami oqaaseq taanna sulilernissamat piareersimaneq atorineqarpoq, taamaattoq oqaaseq taanna kapitalit ilaanni aalajangersakkani atorineqanngilaq. Taamaattumik siunnersuutigineqarpoq oqaatsip taassuma (minnerpaamik) § 9-mi atorineqarnissaa/ilanngunneqarnissaa. Inuit assigiissuteqarlutik immikkoortiterneqartarnerat pillugu aalajangersagaliorneq immaqa ataatsimoortinneqalersinnaavoq, takuuk § 12, imm. 4-mut oqaaseqaatit.

*Akissut: Ilanngunneqassaaq. § 1-mi ilanngunneqassaaq Naalakkersuisut sulilernissamat piareersimasut pillugit malittarisassiorsinnaanerit, § 12, imm. 4-miit nuutinneqassaaq.*

Suliffeerunnermi ikiorsiissutit pillugit Inatsisartut inatsisaanni nr. 2, 15. maj 2014-imeersumi § 4-mi allassimavoq "Angerlartitsisarneq pillugu malittarisassat taamaallaat nunami tunisassiorfinnik atuinermit atorineqarput". Aalajangersagaq taanna inatsisissatut siunnersuummi saqqummiunneqartumi atoqqinneqanngilaq, aamma oqaaseqaatini erserpoq tamanna allannguuteqartitsiniarnermi siunertaasoq. Taamaattumik siunnersuutigineqarpoq inatsisissatut oqaasertami tamanna nalorninartuerunneqassasoq.

*Akissut: Ilanngunneqarpoq. § 4-mut oqaaseqaatit allannguutaanniippoq. Oqaaseq "nunami tunisassiorfinnik" pissusissamisuunngitsutut isigineqarpoq tamanna inatsimmi atorineqarnera nalornisigineqarmat qularutigineqarlunilu, taamaattumik peerneqarpoq. Nunami tunisassiorfiunersoq ilumut naqissusissallugu taamaattumik soqutiginaataaruppoq.*

§ 1, imm. 3 pillugu: Allanneqarpoq suliffissarsiorturnut ikiorsiissutit aningaasarsiatigut nammineq pisuussutiginnisamik isertitaqannginnermut taartisiatut akilerneqassapput ..... ajunaarnersuaqarnerani. Taamaattoq inatsisip aalajangersagaasa sinnerini ajunaarnersuit pillugit allassimasoqanngilaq. Taamaattumik siunnersuutigineqarpoq inatsimmi ersarissumik

ersersinneqassasoq aalajangersakkat suut qaqugukkut atorneqarsinnaanersut aammalu tassunga ilanngullugu qanoq sivisutigisumik atorneqarsinnaanersut. Oqaaseqaatini nalunaarsorneqarpoq "aalajangersagaq § 5-mi atuuttumut assinguvoq", suna inatsit tassani pineqarpa?

*Akissut: Ilangunneqarpoq. Suliffissarsiortunut ikiorsiissutinik pisartagaqarnissamut angerlartitaanermut peqqutigalugu tunisassiornerup unitsinneqarneranut peqqutaasut allanngortinneqarnissaat siunertaasimangilaq.*

§ 3 pillugu: Inatsimmi oqaasertami ersersinneqartariaqarpoq ikiorsiissutit allat piffissami tassani siunertamilu tassani pineqartut. Malittarisassami tassani soorlu assersuutigalugu siusinaartumik pensioninut atatillugu inissisimava – akunnattumik aammalu appasinnerpaamik siusinaartumik pensionisiaqarnermi?

*Akissut: Ilangunneqanngilaq. Inuk siusinaartumik pensionisiaqalertussaq inatsisip § 1-ani ingiallortaanik allassimasutut sulilernissamut piareersimasutut isigineqarsinnaanngilaq.*

§ 4, imm. 1 pillugu: Normulersuineq peerneqartariaqarpoq. "Silamik peqquteqarneq" nassuiaasissallugu pisariaqartitsisoqarunangimmat?

*Akissut: Ilaatigut ilangunneqarpoq nr. 2-tut inissillugu, taamaattoq "silamik peqquteqarneq" nassuiaatigissallugu pisariaqanngilaq.*

§ 5 pillugu: Sumi najugaqartutut nalunaarsorsimaneq pillugu inatsimmi (Qitiusumik Inuit Allattorsimaffiat pillugu Inatsisitigut nalunaarut nr. 1297, 3. september 2020-imeersumiugunarpoq) naapertuunnersoq qulakkeerneqartariaqarpoq.

*Akissut: Tusarniaanermi akissummi suna isumagineqarnersoq ersernerluppoq.*

§ 6, imm. 1 pillugu: Inatsisip oqaasertaani piffissamik killiliisoqanngilaq qaqugukkut suliffissamik innersuunneqartumik tigusisoqassanersoq, suliffeqalernissamut sungiusaasarnernut neqeroortugineqartartunut peqataasartussaansoq, allamik ilinniagaqartinneqarsinnaanersoq imaluunniit innersuunneqartumik pikkorissaqqinnermik tigusisussaansoq. § 8, imm. 2-mi allassimavoq suliffissami innersuunneqartumi sulilernissamut ullormik ataatsimik siumut nalunaarfigineqarnikkut pisussaasoq. Suliffeqalernissamut sungiusaasarnermut, allamik ilinniagaqartinneqarsinnaaneq imaluunniit innersuunneqartumi sulilernissamut ulloq ataaseq piffissarititaanersoq, tamanna inatsisip oqaasertaani ersarissumik allassimasariaqarpoq. Innersuunneqartumi sulilernissamut ulloq ataaseq kisimi piffissarititaappat, taava taanna pillugu oqaaseqaatini pineqartut § 8-mut nuutinneqartariaqarput.

*Akissut: Ilangunneqanngilaq. Suliffissarsiortutut ikiorsiissutinik pisartagaqalerniartunut ersarippoq ullormik ataatsimik siumut nalunaarfigineqarnikkut pisussaaffeqartussaaneq.*



§ 6, imm. 2 aamma § 7, imm. 1 pillugu. "Suliffissarsiortunut ikiorsiissutininik pisartagaqartut Majoriami suliffissarsiortutut nalunaarsorsimassapput" aamma "pisussaapput eqeersimaartutut suliffissarsiortutut nalunaarsorsimanissamut [www.suli.gl-imi](http://www.suli.gl-imi)"; nalunaarsuinerit taakku assigiinngitsut marluuppat/ nalunaarsuinerit marluusussaappat? IT-systemit akornanni nalunaarsuinerit namminerisamik (automatiskimik) ilaatigut nuutinneqarsinnaappat?

*Akissut: Suliffissarsiortoq Majoriamut nalunaartussaavoq suliffissarsiortuluni, aamma suliffimik ujaasisussaavoq. Taakku assigiinngitsut marluupput.*

§ 7 pillugu: Pissutsit immikkut illuinnartut peqqutigalugit [www.suli.gl](http://www.suli.gl) aqqutigalugu nalunaarsortinnginnissamut periarfissaqartoqartariaqarpoq. Oqaaseqaatini erserpoq "Suliffissarsiortunermi ikiorsiissutininik pisartagaqartup suliffissarsiortunermik nalunaarsuineq nutartinngippagu pineqartup piareersimasussaananermik pisussaaffeqarneq eqqortissanngilaa killilersuiffigineqassallunilu." Tamanna inatsimmi aalajangersakkami ilanngullugu ersersinneqartariaqarpoq.

*Akissut: Ilanngunneqanngilaq. Killilersuiffigineqalernermut malittarisassani § 17-mi tamanna erserpoq.*

§ 8, imm. 1 pillugu: "...suliffissanut inuttaqanngitsunut suliffigissallugu periarfissaqarfigisaminnut qinnuteqartarnissamik pisussaaffeqarput" ersarissarneqartariaqarpoq, soorlu assersuu-tigalugu qaqugumut killeqarneranik aammalu sumi suliffiit inuttaqanngitsut inuttassarsiuunneqartut, suliffissarsiortutut ikiorsiissutininik pisartagaqartup qinnuteqarfigisinaanera? Najukkami suliffiit inuttassarsiortunermut kisimik pineqarpat? Oqaaseqaatini tusagassiiviit assigiinngitsut, atorfinnik inuttassarsiortunermut atorineqarsinnaasut, oqaatigineqarput. "Najukkami nivinngaaviit allat" aamma ilanngunneqartariaqarput, tassanilu najukkami aviisit kisimik pineqanngillat. Oqaaseqaatini erserpoq "Suliffissarsiortunermi ikiorsiissutininik pisartagaqartoq atorfinnik inuttaqanngitsunik sulisinnaassutsiminut naleqquttunik qinnuteqanngikkuni pineqartup suliffeqarfinnut piareersimasussaananermik pisussaaffik eqqortissanngilaa." Tamanna aamma inatsimmi aalajangersakkami ersertariaqarpoq.

*Akissut: Ilanngunneqanngilaq. Kommunalbestyrelsip inuk pineqartoq illoqarfimmut allamut nuutissinnaanngippagu, taava pineqartoq aamma illoqarfimmi allami sulilernissaanut pisussaaffilerneqarsinnaanngilaq.*

§ 8, imm. 2 pillugu: Oqaaseqaatini erserpoq "Suliffissarsiortunermi ikiorsiissutininik pisartagaqartup atorfik pineqartoq sulisinnaassusianut naleqquttoq innersuunneqartoq neqeroortigineqartorluunniit suliffigilinngippagu (taava, red.) pineqartup piareersimasussaananermik pisussaaffini eqqortissanngilaa." Tamanna aamma inatsimmi aalajangersakkami ersertariaqarpoq.

*Akissut: Ilanngunneqanngilaq. § 17 innersuussutigineqarpoq.*

§ 9 pillugu: Erserpoq "Sapaatip akunneranut annikinnerpaamik akunnerni 20-ni qinnuteqartoq nalinginnaasumik sulisinnaassanersoq kommunalbestyrelsip qinnuteqartoq suleqatigalugu tamakkiisumik nalilersussavaa....." Ersernerluppoq suut kingusinerisinnaanera kommunalbestyrelsip qinnuteqartullu, qinnuteqartup qanoq piginnaasaqarnera pillugu assigiinngitsumik isumaqartoqassappat.

*Akissut: Ilanngunneqanngilaq. Sapinngisamik isumaqatigiissut aallaavigineqartussaavoq aamma kommunalbestyrelsip sapinngisamik annertunerpaamik pisartagaqartoq akulerutsit-tussaavaa iliuusissatut pilersaarutip suliarineqarnerani. Taamaattoq naggataatigut kommunalbestyrelse taannaavoq iliuusissatut pilersaarummik aalajangiisussaq.*

§ 10, imm. 2 pillugu: "Iliuusissatut pilersaarummi piviusorsiorunik anguniakkanik iliuusis-sanillu pilersitsisoqassaaq". Oqaaseq "iliuuseqarneq" aalajangersakkanut atatillugu oqaaseqaatini atorineqarpoq. Inatsisissatut siunnersuummi arlalinni oqaaseq "ingerlatat" atorineqarpoq, aammalu oqaaseqaatini "iliuuseqarneq" atorineqarluni. Oqaatsit atorineqartut assigiittariaqarput. Siunnersuutip § 10 imm. 2-ni ingerlatat assigiinngitsut taagorneqarput, " qinnuteqartup sulisoqarnermut attuumassuteqarnera pitsaangorsarniarlugu nukittorsarniarlugulu, tassa taakkuusut sulisoqarnermut ilinniarnermullu suliat attuumassuteqartut. Soorlu oqaaseqaatini oqaatigineqareersutut illoqarfimmiit illoqarfimmut kiisalu nunaqarfimmiit nunaqarfimmut neqeroorutit periarfissallu assigiinngitsorujussuusinnaapput. Taamatuttaaq ingerlatat soorlu assersuutigalugu qinnuteqarnissamut piffissarititaasoq, piginnaangorsaanermut pikkorissarnerit, ilinniarti-taanikkut piginnaangornikkullu sammisaqarnerit piffissap aalajangersimasup iluani naam-massillugit ingerlanneqartussaasarput. Taamaattumik unamminartorujussuusaaq iliuusissatut pilersaarummi ingerlatat aalajangersimasut nalunaarsorneqarsimasut piviusunngortinniarnissaat, aammalu ilumut kommunip qinnuteqartullu sunniuteqarfigisinnaangisai imaluunniit annikitsuaqqamik sunniuteqarfigisinnaasai, soorlu assersuutigalugu piffissarititaasoq aammalu piginnaangorsarnermi pikkorissarneq, "suliamut ilinniagaqarsimanngitsunut" pingaarnertut sammineqartoq.

*Akissut: Ilanngunneqanngilaq.*

§ 11 pillugu: Aalajangersakkami erserpoq "Kommunalbestyrelsip iliuusissatut pilersaarutip ilaatut qinnuteqartoq pisussaaffilissavaa..." Aalajangersakkamut oqaaseqaatini erserpoq taa-matut pisussaaffiliineq aalajangiinerusoq. Tamanna aalajangersakkami ersarissumik nalunaarsorneqartariaqarpoq.

*Akissut: Ilanngunneqarpoq.*

§ 12 aamma § 15 pillugu. Inuit, suliffissarsiortutut ikiorsiissutinik pisartagaqartut napparsimaneranni, iliuusissatut pilersaarusiortoqartartussaangilaq ilaa? Imatut pisoqarsinnaavoq iliuuseqarnissamut pilersaarusiornissaq pisariaaruttarluni, soorlu assersuutigalugu nissumik imaluunniit talermik napisisoqarsimappat. Taamatut aamma pisoqarsinnaavoq ataatsimut isiginnilluni iliuuseqarnissamut pilersaarusiortoqartariaqalerluni, soorlu assersuutigalugu piffissami sivisuumi napparsimanermi ilaatigut killilimmik sulisinnaassuseqarallalernermik kinguneqartumik. Pissutsit tamakkua inatsimmi oqaaseqaatinilu ilanngullugu ilanngunneqartariaqarput.

*Akissut: Ilanngunneqanngilaq. Iliuuseqarnissamut pilersaarusiortarnermut siunertaavoq pisartagaqartup killiffia allannguuteqarpat aammalu taassuma saniatigut minnerpaamik qaammatit pingasukkaarlugit. Qulakkeerneqassaaq inuit sulilernissamut piareersimasut napparsimaneranni "puigugaannginnissaat", taamaattumik kommunalbestyrelsip ingerlaavartumik aammalu minnerpaamik qaammatit pingasukkaarlugit sulilernissamut piareersimasup killiffia nalilersortassallugu, aammalu sunik iliuuseqarluni suliffimmik ataavartumik taanna pissarsissunneqarsinnaanersoq.*

§ 12, imm. 4 pillugu: "Innuttaasut suliffeqanngitsut assigiissuteqarnermut atatillugu attaatsimoortiternerannut atatillugu Naalakkersuisut aalajangersagaliorsinnaapput". Taamatut aalajangersaaneq pipallataarpasippoq. Aalajangersagaq nassuiaaserneqartariaqarpoq imalerlugulu. Taamatuttaaq taaguut "inuit suliffeqanngitsut" ersernerluppallaarpoq; eqimattat suut taamatut oqaatsimi pineqarpat: suliffissarsiortutut ikiorsiissutinik qinnuteqartunut pisartagaqartunullu kisimi tamanna atuutissava? Imaluunniit suliffissaaleqisut, pisortaniit ikiorsiissutinik pisartagaqartunut aamma tamanna atuutissava? *Akissut: § 12, imm. 4 nuutinneqarpoq § 1, imm. 4-nngortillugu.*

§ 13, imm. 1, aamma imm. 2 pillugu: Taamatut pisussaaffiliinermi allatut iliuuseqarsinnaaneq periarfissaasariaqarpoq, imm. 4-mi taaneqartutut immikkut illuinnartumik pisoqartillugu, soorlu assersuutigalugu aapparisaq nuunnerup kingorna suliffimmik innersuunneqarsinnaanngippat imaluunniit ilaquataasoq innarluuteqarsimappat imaluunniit immikkut pisariaqartitsisuusimappat, najukkami, suliffimmi innersuussiviusumi, taamatut neqeroorfigineqarsinnaanngippat.

*Akissut: § 13, kommunalbestyrelsip innersuussinissaanut periarfissaavoq, taamaattumik kommunalbestyrelsip allatut iliuuseqarsinnaaneranik aalajangersaanissaq pisariaqanngilaq.*

§ 14, imm. 3 pillugu: § 7-mut oqaaseqaatit takukkit. Taamatuttaaq atuutitsinnginneq tassani pineqarpoq.

*Akissut: Ilanngunneqanngilaq.*

§ 15, imm. 3 pillugu: "... piffissap qaammatinik 3-nik sivisussuseqartup iluani" allangortin-neqartariaqarpoq imaalerlugu "... qaammatit pingasut ilassutaasut iluanni."

§ 15, imm. 3-mut oqaaseqaatini erserpoq: "Suliffissarsiornermi ikiorsiissutinik pisartagaqar-sinnaatitaaneq annaaneqassanersoq pigiinnartinneqassanersorluunniit siusinnerpaamik piffissap qaammatit arfinillit naaneranni aalajangerneqarsinnaavoq." Qinnuteqartup sunngitsuuvilernissaa pinngitsoortinniarlugu aalajangiineq qaammatit arfinillit naanissaat sioqqullugu pisariaqaraluarpoq. Tamanna aamma inatsisip oqaasertaani ilaasariaqaraluarpoq.

*Akissut: Ilanngunneqanngilaq.*

§ 17, imm. 1 pillugu: Aalajangersakkamut oqaaseqaatini erserpoq "Suliffissarsiornermi iki-orsiissutinik pisartagaqartup suliffimminit soraarniuteqarneranut, sulinngitsoorneranut ator-fimminilluunniit qimatsineranut pissutaasut pingaartinneqanngillat. Nammineerluni soraarniuteqarneq tassunga ilanngullugit sulinngitsoornermut peersitaanermullu tunngaviusut apeqqutaatinnagit killilersuisoqalissaaq." Tassani qinnuteqartoq ilungersunartumik naapertuilluannngitsumik killiffeqalissaaq, qinnuteqartoq/sulisartoq amerlanertigut sulisitsisumut sanilliullugu sanngiinnerujussuummat. Kommunimut periarfissaasariaqarpoq nalilersussallugu suna tunuliaqutaanersoq aammalu killilersuisoqalernera pinngitsoortissinnaatillugu. Taamaassappat qinnuteqartup, suliffik peqqiilliuteqalernini peqqutigalugu soraarniuteqarfigisimappagu, tamanna periarfissaasariaqarpoq.

Aamma imatut pisoqarsinnaavoq inuk suliffimminiit soraartariaqalersimappat, killilersuiso-qarnissaanik kinguneqartariaqanngitsumik. Soorlu assersuutigalugu pilersuisup kisermaap mikisunik meerallip piffissani nikerartuni unnukkut sapaatillu akunnerisa naanerini unnukkorsiortariaqarluni sulisimappat. Imaluunniit suliffimmi assersuutigalugu oqimaatsumik kivitsisarneq, inuup sapilersimappagu. Imaluunniit suliffimmi akuutissat/atortut, inuup sapigaanik akoqarpata. Tamakku aalajangersakkami ersittariaqarpoq, qaqugukkut killilersuisoqarsinnaanera, taakku ingerlatsinermi inatsisit malillugit aalajangiiffigineqartussaammata.

Inatsisissatut siunnersuutip maannakkutut oqaasertai aallaavigalugit akerlianik aalajangiiso-qassagalarpat, tamanna kommunip/Majoriap aalajangiiniarneranut ajornanngippallaassaaq, taava taamatut aalajangiinerup amerlanertigut kingunerisartussaavaa pisortanit ikiorsiissutinik imaluunniit immaqá ikiorsiissutinik allanik qinnuteqarneq, taamaasilluni kommunimut annertunerujussuarmik suliassanik malitseqalerluni.

*Akissut: Ilanngunneqarpoq. Imatut pisoqarsinnaavoq sulisitsisup atorfeqartitsineranut pissutsinik annertuumik unioqqutitsineratigut soraarsitsineq killilersuisoqarnissaanik*

*kinguneqartinneqarnani. Tamanna assersuutigalugu pisinnaavoq sulisitsisoq piunaffigineqaraluarluni aningaasarsititsisimangippat, Kalaallit Nunaanni sullivinni avatangiisit pillugit inatsimmi § 12 a naapertorlugu sulisoq annertuumik tassangaannartumillu ulorianartorsiulernini pissutigalugu suliffimminik qimaguttariaqarsimappat, aammalu sulisitsisup killiffiup pitsaanerulernissaa anguniarlugu iliuuseqarsimangippat. Immikkut ingasalluinnartumik pisoqartillugu nam-mineq soraartoqarsimappat tamanna killilersuisoqarneranik kinguneqartinneqarnaviangilaq. Tusarniaanermi peqqutit taamatut pisoqarnerani atorineqarsinnaanaviangillat.*

*Killilersuisoqarnera aalajangiineruvoq, tamannalu aalajangersakkami ilaasariaqanngilaq.*

§ 20, imm. 1 pillugu: Inatsisit malitsigitinneqartut suunerat, qanoq kinguneqartitsisoqassanersoq, suliffissarsiortup ikiorsiissutinik pisartagaasa aningaasartaannut qanoq sunniuteqassanersoq, apequtaassaaq piffissami katersuiffiusumi SIK-p minnerpaaffiatut akissarsarititai nalimmassarneqarsimappata. Inatsisissatut siunnersuutip § 21-ia ilaatigut nalimmassarneqarpa?

*Akissut: Ilanngunneqanngilaq.*

§ 20 imm. 3 pillugu: Tamanna inatsimmi malitseqartitsinermi ersersinneqartariaqarpoq, qanoq kinguneqartitsisoqassanersoq, suliffissarsiortup ikiorsiissutinik pisartagaasa aningaasartaannut tamanna qanoq sunniuteqassanersoq, qinnuteqartoq piffissami katersuiffiusumi 30-ileereersimappat. Tamanna inatsisissatut siunnersuutip § 21-iani nalimmassarneqarpa?

*Akissut: Ilanngunneqanngilaq, inuk 30-ileereersimappat imm. 4-mi tamanna ilanngullugu aalajangersarneqartussaammat.*

§ 22 pillugu: Tamanna inatsimmi malitseqartitsinermi ersersinneqartariaqarpoq, qanoq kinguneqartitsisoqassanersoq, suliffissarsiortup ikiorsiissutinik pisartagaasa aningaasartaanni, qinnuteqartup akunnermusiaani, sapaatip akunnerini 13-ini ullut nalliuttut amerlanerusimappata, imaluunniit pissutsit immikkut ittut atuussimappata.

*Akissut: Ilanngunneqassaaq, naatsorsuinermi toqqammaviit qanoq suliarinissai sukumiinerujumarput .*

§ 24 pillugu: Oqaasertat ”..akunnerni taakkunani akissarsiaqalernissami.”

Allanngortinneqassaaq uunga:” akunnerni taakkunani akissarsiassanik katersarisimasani.

*Akissut: Ilanngunneqassaaq.*

§ 25 pillugu: Inatsisissatut siunnersuummi akiliuteqartarnissaq taaneqarpoq

“kingumoortumik qaammatip ulluisa 15-iani aammalu qaammatip ulluisa kingullersaanni pisassasoq”. Taamatut akiliuteqartarneq **kommunimut pitsaanngilluinnarpoq.**

Suliffissarsiortutut ikiorsiissutinik akiliuteqartarneq kommunip nalinginnaasumik ullunut 14-ikkaarlugit akissarsititsineranut naapertuuttunngorlugit pisariaqarpoq. Aalajangersagaq inatsisissap oqaasertanut taakkunungalu oqaaseqaatinut naapertuutinngilaq.

Inatsisissatut siunnersuummi allassimavoq ”...ikiorsiissutit ullunut 14-ikkaarlugit akissarsialinnut akissarsianit isertitatut nalinginnaasutut akilerneqartariaqarput”.

*Akissut: Ilanngunneqarpoq. Takuuk tusarniaanermut akissut siulianiittoq, ullunut 14-ikkaar-tunngortillugu allanngortinneqassaaq.*

§ 26, imm. 3 pillugu: Taamatut aalajangersagaq aqqutigalugu allatut qinnuteqartoqarsinnaa-nera periarfissaasariaqaralarpoq.

*Akissut: Ilanngunneqanngilaq.*

§ 27 pillugu: Taamatut aalajangersakkap itisilerneqarnissaa pisariaqarpoq, ilaatigut malitsigi-saanik inatsisiliornermi.

*Akissut: Ilanngunneqanngilaq, inuup atugaasa allannguuteqarneranni kommunimut nalunaartoqarnissaa ersarissumik piumasaqaataavoq.*

§ 28, imm. 2 pillugu:

Suliffissarsiortutut ikiorsiissutinik qinnuteqarnermut atatillugu akuersinerup nalunaarutigenera tamatigut allakkatigut pisariaqarpoq aammalu paasissutissat pisariaqartinneqartut kisiisa tunniunneqartussanngorlugit. Oqaaseq ”oqaasertaqanngitsumik” akuersissuteqartarneq taamaattumik peerlugu, ”allakkatigut” akuersineq pisartussanngorlugu allanngortinneqartariaqarpoq.

*Akissut: Ilanngunneqarpoq.*

§ 29 pillugu: Oqaatsit ”...eqqunngitsumik tunngaveqartunik ikiorsiissutinik tunniussisoqarsi-manerani...” imaalillugu allanngortinneqartariaqarpoq ”...eqqunngitsumik tunngaveqartunik ikiorsiissutinik tunniussisoqarsimanerani...” (imaluunniit ilaatigut ”...eqqunngitsumik tunnga-veqartunik ikiorsiissutinik tigusaqarsimanermi...”)

*Akissut: Ilanngunneqarpoq.*

§ 30 pillugu: Naalakkersuisut kommunimut suliamik ingerlatsisinnaanerannik piginnaatitsi-sinnaaneq periarfissiissutigineqartariaqarpoq.

*Akissut: Ilanngunneqarpoq. Oqartussanut, soorlu assersuutigalugu innuttaasunut siunnersui-soqatigiinnut.*

§ 31, imm. 2 pillugu: Kommunimit nuuffigineqartumeersut iliuseqarnissamut pilersaarutit aatsaat pissarsiariniarneqarsinnaasariaqarput suliffissarsiortutut ikiorsiissutinik pisartagaqa-lerniarluni qinnuteqartup ilisimatinneqareerluni akuersinerata aatsaat kingorna. Tamanna

aamma inatsisini kalluarneqartuni aamma ersittariaqarpoq, taamatullu ilaatigut akuersinnginneq qanoq kinguneqartinneqarsinnaanersoq nalunaarutigineqarluni.

*Akissut: Ilanngunneqanngilaq, kommunimut nuuffigineqartumut paasisutissaq pingaaruteqarpoq pisartagaqartup kommunimut nuunnginnermini suna aqusaarsimaneraa ilisimassallugu, tamannalu taamaattumik § 28-mi ilanngunneqassaaq.*

§ 32 pillugu: Tusarniaanermi akissuteqaammi matumani aallarniuteqarnermi nalinginnaasumik oqaaseqaatit takukkit.

*Akissut: Ilanngunneqanngilaq. Qarasaasiakkut aqutsissutinut ataatsimoortitsilernikkut innuttaasunut pitsaasumik aammalu kommunit sullissinerannut oqilisaataanissaa suli siunertaamat. Qarasaasiatigut aqutsissutit suli piareerlugit inerisarneqanngillat.*

§ 34 pillugu: § 34-mut oqaaseqaatit aalajangersakkami tassani takuneqarsinnaanngillat (2022/2023).

*Akissut: Ilanngunneqarpoq. Oqaaseqaatit iluarsineqarput.*

## **6. Atuisartoqarnermut Unammilleqatigiinnermullu Aqutsisoqarfik**

**§ 1 pillugu:** Suliffissarsiortunut ikiorsiissutit pillugit inatsisissatut siunnersuummi nalinginnaasumik sulinermut atatillugu minnerpaamik nalunaaquttap akunnerini 20-ni sulisimanissaq atorneqarpoq. Pisortat ikiorsiissutaat pillugit inatsisissatut siunnersuummi nalinginnaasumik sulinermi nalunaaquttap akunneri minnerpaamik 22-nut inissinneqarpoq, kiisalu sulitilluni ajoqusernermut sillimmaseq pillugu inatsimmi ullormusiat minnerpaamik nalunaaquttap akunnerini 20-inut naatsorsorneqartarlutik. Inatsisit imminnut atanerat eqqarsaatigalugu isumaliutigineqartariaqarpoq nalunaaquttap akunnerisa amerlassusaat assigiit inatsisit akimorlugit atorneqarnissaat isumaliutigineqartariaqarpoq.

*Akissut: Ilanngunneqassaaq. Pisortanit ikiorsiissutit pillugit Inatsisartut inatsisissaattut siunnersuummi allannguisoqassaaq, taamalu siunnersuutit arlariillutik isiginnissallutik qinnuteqartup nalinginnaasumik suliffiusussaq akunnernut 20-inut naammassisinnaaneraa imaluunniit naammassisinnaannginneraa.*

**§ 3 pillugu:** § 24-mi erserpoq suliffissarsiortunut ikiorsiissutit annikillisinneqarsinnaasut, taamaattoq § 3 malillugu ikiorsiissutisinissamut pisinnaatitaaneq aatsaat atorunnaarsinnaalluni. Taamaattumik siunnersuutigineqarpoq § 3-p oqaasertai imatut allanngortinneqassasut:

”ikior-siissutit annikillisinneqarsinnaasut imaluunniit atorunnaarsinneqarsinnaasut, aningaasarsianut taarsiullugu isertitat allatut matussuserneqartarpata...

*Akissut: Ilanngunneqanngilaq. Pisut assigiinngitsut marluupput, suliffimmik annaasaqarneq aammalu suliffissarsiortunut ikiorsiissutinik pisartagaqarluni sulineq.*

**§ 9 pillugu:** § 1-mut oqaasertat takukkit.

*Akissut: Ilanngunneqassaaq. Takuuk § 1-imut akissut. Pisortanit ikiorsiissutit pillugit Inatsisartut inatsisissaattut siunnersuummi allannguisoqassaaq, taamalu siunnersuutit arlariillutik isiginnissallutik qinnuteqartup nalinginnaasumik suliffiususaaq akunnernut 20-inut naammassisinnaaneraa imaluunniit naammassisinnaannginneraa.*

**§ 10 pillugu:** Aalajangersakkami tassani erserpoq inuusuttut 18-iniit 29-inut ukiullit pineqartut. Pisortat ikiorsiissuteqartarnerat pillugu inatsisissatut siunnersuummi inuusuttut 18-niit 30-nut ukiullit pineqartut. Inatsisit imminnut atanerat pequtigalugu ukiut agguataarsimanerisa assigiit aallaavigalugit inatsisini akimorlugit atorneqarnissaat siunnersuutigineqarpoq.

*Akissut: Inatsimmut matumunnga ilanngunneqanngilaq.*

**§ 12 pillugu:** Aalajangersakkami matumani erserpoq iliuusissatut pilersaarutit qaammatit pingasukkaarlugit nalilersoqqinneqartassasut, taamaattoq pisortat ikiorsiisarnerat pillugu inatsisissatut siunnersuummi erserpoq nalilersueqqinneq pisassasooq qaammatit arfinilikkaarlugit. Inatsisit imminnut atanerat pequtigalugu isumaliutigineqarsinnaavoq piffissaliunneqartut inatsisit akimorlugit assigiimmik atuisoqarnissaa.

*Akissut: Ilanngunneqanngilaq. Sulilernissamut piareersimaneq annertunerusumik sammineqassaaq, aammalu ataavartumik sulilernissaaq anguniarlugu sulisoqarluni.*

**§ 13 pillugu:** § 10-mut tunngatillugu oqaaseqaatit takukkit.

*Akissut: Ilanngunneqanngilaq, § 10-mut atatillugu akissuteqaat takuuk.*

**§ 22 pillugu:** § 1-imut tunngatillugu oqaaseqaatit takukkit.

*Akissut: Ilanngunneqanngilaq. Assigiinngitsuupput sulisinnaanerup nalilersuivigineqarnera aamma akunnermusiassamik naatsorsuineq.*

**§ 25 pillugu:** Malugineqarpoq aalajangersagaq una malillugu ilaatigut qaammammi 15-iani kingumoortumik ikiorsiissutit akiliutigineqartassasut. Allaaserineqanngilaq akiliuteqarneq qaqugukkut pisassanersoq, 15-iat arfininngorneruppat, sapaataappat imaluunniit nalliuttuuppat.

Pisortat Kalaallit Nunaanni aningaasarsianik allanillu ikiorsiissutinik aallaaviattut ullut 14-ikkaarlugit akiliuteqartarput. Pissutsit imminnut atanerat aammalu naatsorsuisarnermi kiisalu qarasaasiatigut teknikkikkut qaangerniagassat eqqarsaatigalugu pitsaanerpaajussannginnersoq aningaasatigullu peqquteqarsinnaannginnersoq, ullut 14-ikkaarlugit kommunit aammalu Namminersorlutik Oqartussat atuutilersimasaat assigalugit akiliuteqartarneq atorneqarsinnaannginnersoq.

*Akissut: Ilanngunneqarpoq. Ullut 14-ikkaarlugit pisolissaaq.*



**§ 28, imm. 2 pillugu:** Aalajangersakkami tassani erserpoq ikiorsiissutinik qinnuteqaatip suliarinissaanut piumasqaataasoq oqaasertaqanngitsumik akuersineq. Aalajangersagaq peerneqartariaqarpoq, tassami § 28, imm. 1 paasissutissanik pissarsiniarnissamut piginnaatitsissummik imaqaareerpoq. Ilanngullugu oqaatigineqassaaq oqaaseqaatini aalajangersakkamilu oqaasertat imminnut tamakkiisumik naapertuutinngimmata. *Akissut: Ilanngunneqarpoq, § 28-mut atatillugu akissuteqaat takuuk.*

**§ 33 pillugu:** Inatsisissatut siunnersuummi uani maalaaruteqarsinnaanermut aalajangersakkap aammalu pisortat ikiorsiissuteqartarnerat pillugu inatsisissatut siunnersuummi oqaasertat imminnut naapertuutinngillat. Siunnersuutigineqarpoq maalaaruteqarsinnaaneq pillugu aalajangersagaq imatut oqaasertalerneqassasoq: "Inatsisartut inatsisaat una naapertorlugu kommunalbestyrelsip aammalu Naalakkersuisut aalajangiineri suliaassanngortinneqarsinnaapput Isumaginninnikkut Maalaaruteqartarfimmut, Isumaginnittoqarfiup aqunneqarnera aaqqissuussaanelu pillugit Inatsisartut peqqussutaanni aalajangersakkat naapertorlugit. *Akissut: Ilanngunneqanngilaq.*

## **7. Sulinermik Inuussutissarsiuteqartut Kattuffiat (SIK)**

§ 1:

§ 1, imm. 2-mi erserpoq sulilernissamut piareersimasutut isigineqartartut, nalinginnaasumik sulineq sapaatip akunneranut minnerpaamik nalunaaquttap akunnerini 20-ni sivilissuseqartarsimappat. Sooq nalunaaquttap akunneri 20-iuppat aammalu nalunaaquttap akunneri 22-iunatik, tassami nalunaaquttap akunneri 22-it pisortat ikiorsiissuteqartarnerat pillugu Inatsisartut inatsisissaatut siunnersuummi nutaami, maannakkut tusarniaassutigineqartumi, kisitsisit atorineqarmata.

*Akissut: Ilanngunneqassaaq. Siusinnerusukkut akissuteqaat takuuk. Pisortanit ikiorsiissutit pillugit Inatsisartut inatsisissaattut siunnersuummi allannguisoqassaaq, taamalu siunnersuutit arlariillutik isiginnissallutik qinnuteqartup nalinginnaasumik suliffiususaaq akunnernut 20-inut naammassisinnaaneraa imaluunniit naammassisinnaannginneraa.*

§ 1, imm. 3-mi erserpoq suliffissarsiortunut ikiorsiissutinik pisartagaqarneq nammineq pisuussutiginnngisamik suliffeerunneq, tassungalu ilaalluni sulisitsisumiit soraarsitaaneq ilanngullugu, peqqutigalugu aningaasarsiatigut isertitaqannginnermut taarsiullugu pisartagaasoq. Tamanna imatut taava paasineqartariaqarpoq inuk nalinginnaasumik ilimasaarneqarluni soraarsitaasimaguni suliffissarsiortunut ikiorsiissutisisinnaasoq. Siunnersuutip § 17, imm. 1-ani aammalu inatsisissatut siunnersuutip oqaasertaani muminganik imatut paasineqarsinnaavoq nammineq pisuussutiginnngisamik suliffeerunneq, suliffigisamiit peersitaasimagaanni (ullormiit ullormut peersitaalluni aammalu suliunnaarsinneqarnissamut ilimasaarneqarnani).

Suna tamarmi ajunngilluinnartumi taamatut, sapaatip akunnerini sisamani killilersuiffigisaalernermit, malittarisassaqaarneq ajunngitsutut isikkoqarsinnaavoq, nammineq pisuussutigisamik suliffimmiit peersitaasimagaanni. Kisianni suliffeqaarnermi ajoraluartumik suut tamarmik ajunngilluinnartutut isigineqarsinnaangillat pissutsit, tassami SIK-miit akulikitsumik takusarparput suliffimmiit, ilimasaaruteqaqqaarluni soraarsitsinissaagaluumut taarsiullugu, peersitsisoqartarnera, imaluunniit tunngavissaqaanngitsumik ilimasaaruteqarnani soraarsitsiinnartarnek. SIK-p tassunga atatillugu eqqummaariffigaa inatsisissatut siunnersuummut oqaaseqaatini ersermat, soraarsitsineq sulisitsisumik oqaloqateqareernerup kingorna imaluunniit eqqartuussivimmiit allannguisoqarnerata kingorna peersitsineq allanngortinneqarpat, taava killilersuiffigisaalernermi ikiorsiissutit ikilisinneqarsimasut utertillugit akiliutigineqartussaasut. Tamanna tusaannarlugu ajunngilluinnarpoq, kisianni amerlasuutigut oqaannarluni ajornartarpoq, tassami ilaatigut piffissaq sivisoorujussuaq assersuutigalugu eqqartuussivimmi suliaq ingerlanneqartarpoq, aammalu taanna suliamillu taamaattumik suliassanngortitsinermit aningaasartuutit, tamanut killiliisussaammata peersitsinerup misilinneqarnissaanut periarfissatuap atornissaanut.

*Akissut: Ilanngunneqaanngilaq. Pineqartooq tunngavissaqaanngitsumik suliffimmiit peersitaasimappat, taava inuup taamatut peersitaaneq mumisinniassavaa/allanngortinniassavaa, inuk tassani taarsiiffigineqarnissaminut taamaasilluni pisinnaatitaaffeqarpoq (piffissap soraarsitsinissamut ilimasaaruteqarfiusup minnerpaamik sivisoqataanik) taarsiiffigitinnissaminut, imaassanngilarmi suliffissarsiortunut ikiorsiissutinik pisartagaqaarnermi inuit tunngavissaqaanngitsumik suliffimmiit peersitaasimasut suliamik ingerlatsisinnaanerannut mattussisoqassasoq.*

§ 4:

Aalajangersakkami tassani erserpoq ”Angerlartitsinertut isigineqassaaq sulisitsisup atorfeqartitsinermit atorunnaarsitsigallarnerat ullut 14-it angullugit sivisussusilimmik, nioqutissiornerup uninnerani, nioqutissiassaarunnermit imaluunniit silamik peqquteqartunik”.

SIK-p inatsisissatut siunnersuut imatut paasivaa, suliffissarsiortunut ikiorsiissummik tunniussisoqarsinnaanngitsoq sulisoq, ullut 14-it sinnerlugit sivisussuseqartumik angerlartitaasimappat. Taamatut paasinnineq eqqortuusimappat, taava siunnersuut naammaginangilaq, aam-malu suliffeerukkallarnermi ikiorsiissutit pillugit maannakkumut malittarisassanut sanilliullugit ajorseriarnerulluni.

Tassunga atatillugu SIK-miit piumasarineqassaaq apeqqutit makku akineqassasut: Angerlartitsineq ullut 14-it sinnerlugit sivisussuseqarpat, taava angerlartitaasoq qanoq ikiorneqarsinnaassava?

SIK-miit akulikitsumik misigineqartarpoq taamatut angerlartitsinerit ullut 14-it sinningaatsiarlugit sivilissuseqartartut, soorlu assersuutigalugu aalisakkerivinni, aammalu sulisoq nammineq pisuussutigingisaminik piffissami sivilissunerusumi aningaasarsiaqarnani inuulertarluni, naak suli sulilernissamut piareersimagaluarluni atorfimmi angerlartitaaffigisimasaminiit, tassami atorfeqarneq suli atuummat. SIK-p taamaattumik siunnersuuteqartumut kaammattuutigissavaa siunnersuutip taannartaa isumaliutigeqqeqqullugu, taamaasilluni sulisut ullut 14-iniit sivilissunerusumik angerlartitaasut pisariaqanngitsumik pineqaatissinneqannginniassammata.

*Akissut: Ilanngunneqanngilaq. § 4-mi siunertaanngilaq § 1, imm. 3 malillugu inuup suliffissarsiorturnut ikiorsiissutinik qanoq sivilissutigisumik pisartagaqarnissaata killilerneqarnissaa. § 4 qaqugukkut iliuusissanik pilersaarutip naammassineqarnissaanut § 12, imm. 2 malillugu pisussaaffeqarneq siunniunneqarmat.*

§§6-8:

SIK-p suliffissarsiorturnut ikiorsiissutinik pisartagaqartunut piumasaaqatitut saqqummiunneqartut tapersersorsinnaavai, tassunga ilanngullugu suliffimmik innersuussutigineqartumik ima-luunniit sulilernissamut sungiusarluni neqerooruteqarnermut peqataasussaaitaanermik pisussaaffiliineq.

*Akissut: Tusaatissatut tiguneqarpoq.*

§ 10

SIK-p pitsaasutut isigaa kommunit inuit ataasiakkaat, suliffissarsiorturnut nalunaarsorneqarnerminniit, iliuusissaannik pilersaarutinik sapaatip akunnerisa sisamat iluanni suliaqartussaannerat. SIK-miit neriuutigineqarpoq iliuusissatut pilersaarutit tamakku pitsaasumik sunniuteqassasut, taamaasillutik amerlanerusut sulilissapput suliffissarsiorturnut ikiorsiissutinik pisartagaqaannarnatik.

*Akissut: Tusaatissatut tiguneqarpoq.*

§13:

Aalajangersagaq taanna qularnanngitsumik tupaallannarluinnartuuvoq, kisianni SIK isumaqaataavoq siunnersuummi siunertarineqartumut, tassalu suliffissarsiorturnut ikiorsiissutinik piffissami sivilissuuni pisartagaqarsimagaanni, taava inuiaqatigiinniit piumasarineqarsinnaasoq angerlarsimaffik qimallugu suliffimmik neqerooruteqartumik tigungissaq pisussaaffigitinneqarsinnaammat. Akerlianik immaqa naatsorsuutigissallugu iluemoorsarpallaarneruvoq isumaqaraanni aqqissuussineq imaattoq pinngitsaaliissutigineqarsinnaasoq, inuit taakku namminerisaminnik angerlarsimaffigisartik qimallugu sulilernissartik pisussaaffigigaat, tassami amerlasuunik peqquteqartumik illoqarfigisaq imaluunniit nunaqarfigisaq qimakkusunneqarneq ajormat.

SIK-p maluginiarpaa § 13, imm. 3-4-mi erseremat, illoqarfimmi allami aalajangersimasumi inissamik naammaginantumik pissarsisoqarsinnaangippat, taava angerlarsimaffik qimallugu suliffimmik innersuusaqartoqarnera malissallugu imaluunniit tigussallugu pisussaaffeqanngilaq.

*Akissut: Tusaatissatut tiguneqarpoq.*

§17:

Aalajangersakkami tassani erserpoq suliffissarsiortunut ikiorsiissutinik pisartagaqartoq sulilernissamut piareersimangitsoq, imaluunniit inuit atorfirminniit soraarsimasut, imaluunniit atorfirminniit peersitaasimasut, ulluni 14-ini killilersuiffigisaalertartut, taamaasilluni imm. 2 malillugu piffissami killilersuiffigisaanerup nalaani ikiorsiissutit, naliginnaasumik pisinnaasaasa, 50 %-ianik pisartagaqartinneqalerlutik. Soorlu siusinnerusukkut oqaatigineqartutuut pitsaasorujussuartut isigineqarsinnaavoq suliffimmiit peersitaaneq kinguneqartinneqassappat, kisianni piviusumi assersuutissarpassuarnik peqarpoq taamatut suliffimmiit pequtissaqanngitsumik peersitsinerit pisartut, imatullu paasineqartariaqarluni sulisitsisup ilimasaaruteqaqqaarnani soraarsitsineratut, naak ilimasaarisussaagaluarluni.

*Akissut: Ilanngunneqanngilaq. § 1, imm. 3-mut akissuteqaat innersuussutigineqarpoq.*

§ 19:

SIK-p tapersorsorpaa inuit aningaasarsiaqarlutik sulereersimangikkaluarlutik suliffissarsiortunut ikiorsiissutinik pisartagaqarsinnaaneramat, kommunimut suliffissarsiortut nalunaarnerup kingorna sapaatip akunneri marluk qaangiunneranni. Tamanna aamma isigineqartariaqarpoq kommunip pineqartoq sulilernissamut piareersimasut nalilersimappagu, taanna ikiorsiissutinik pisartagaqarsinnaalissammat.

*Akissut: Tusaatissatut tiguneqarpoq.*

§20:

Siunnersuummi suliffissarsiortut ikiorsiissutit procentinngorlugit aningaasartalerneqarneri SIK-miit tusaatissatut tiguneqarpoq.

*Akissut: Tusaatissatut tiguneqarpoq.*

§23:

SIK-p pitsaasutut isigaa piffissap ilaani sulinermut atatillugu qinnuteqaqqaanngikkaluarluni suliffissarsiortunut ikiorsiissutinut tapiliussisoqarsinnaanera. Taamaattoq SIK-p siunnersuutigaa qaammatit arfinillit iluanni sivisunerpaamik sapaatip akunnerini sisamani aalajangersagaq, qaammatit arfinillit iluanni sapaatip akunnerinut arfineq-pingasunut sivitsorneqassasoq.

*Akissut: Ilanngunneqanngilaq, sapaatip akunneri sisamat naammaginantutut naliligaapput.*

## **8. Sulisitsisut**

### **§ 4, imm. 1 pillugu**

Sulisitsisut inassutigissavaa tunisassiassaaleqineq peqqutigalugu nioqqutissiornerup unitsinneqarnerani inuussutissarsiutit allat aalisakkerinerup saniatigut ilanngunneqarnissaat, taamaasilluni assersuutigalugu sanaartorneq/sanaartornermi sulisut, piffissaq eqqorlugu atortussat tikissimangippata sanaartornermi eqqugaasoqarsinnaanera.

*Akissut: Ilanngunneqarpoq, siuliani akissuteqaat takuuk. Taamaattoq matumani maluginiarneqassaaq sanaartornermi atortunik amigaateqarneq Inatsisartut inatsisaanni uani nammineq pisuussutigineqartutut isigineqarmat.*

### **§ 5, imm. 1, nr. 1 pillugu**

Sulisitsisuniit nalornissutigineqarpoq danskisut innuttaassuseqarnissamik piumasaqaat innuttaasunut, ukiorpassuarni nunami najugaqarsimasunut, kisiannili danskisut innuttaassuseqanngitsunut, tamanna ajornartorsiutinik nassataqarsinnaanersoq.

Sulisitsisut naatsorsuutigaa nunani avannarlermiutut innuttaassuseqartut nunani avannarlerni isumaqatigiissutit iluanni pineqartussaammata, taamaattumik suliffissarsiortunut ikiorsiissutinik pisartagaqarnissamut pisinnaatitaallutik, kisianni nunani allani innuttaassuseqartut allat ajornartorsiulersinnaapput aammalu suliffissarsiortunut ikiorsiissutinik pisartagaqarsinnaanatik.

Sulisitsisuniit nalilerneqarsinnaanngilaq qanoq aningaasatigut sunniuteqassanersoq, innuttaasut assersuutigalugu ukiuni tallimani arfinilinni nunami maani sulisimappata aalajangersagaq taakkununga aamma atuutilissagaluarpat.

Sulisitsisut kaammattuutigaa tamanna misissorneqassasoq.

*Akissut: Ilanngunneqarpoq. Assigiinngisitsinissaq siunertaanngilaq.*

### **§ 15 pillugu**

Aalajangersakkami erserpoq inuk suliffissarsiortunut ikiorsiissutinut ilassusikkanik ikiorsiissutisiaqarsinnaasoq napparsimanerup nalaani sulinermut piginnaasat appariaateqarpata.

Imm. 2-mi erserpoq sulilernissamut piareersisussaataaneq aalajangiusimaneqassasoq suliffissarsiortunut ikiorsiissutit ilassuserneqarpata.

Oqaaseqaatini erserpoq kommunalbestyrelsip suliffissarsiortunut ikiorsiissutit ilassuserneqarnissaannut atatillugu sulilernissamut pisussaaffik isummerfigisussaagaa. Inatsisip oqaasertaa oqaaseqaatillu imminnut naapertuutinngillat.

*Akissut: Ilanngunneqarpoq. Taassuma saniatigut "kapitali 3" "kapitali 4"-nngorpoq, ilaatigut napparsimasoq sulilernissamut pisussaaffiarneqarallarsinnaavoq.*

### **§ 25 pillugu**

Inatsisip oqaasertaani erserpoq suliffissarsiortutut ikiorsiissutit qaammatip ulluisa 15-iani aamma qaammatip ulluinnaani kingullermi akiliutigineqartassasut.

Aalajangersakkamut oqaaseqaatini erserpoq suliffissarsiortutut ikiorsiissutit akiliutigineqartassasut ullut 14-ikkaarlugit imaluunniit akiliutigineqartariaqaraluartut ullut 14-ikkaarlugit.

Inatsisip oqaasertai oqaaseqaatillu imminnut naapertuutinngillat.

Qaammat ataaseq agguaqatigiisillugu sapaatip akunneri 4,3-upput.

15-iani kisimi akiliuteqartoqartassappat aammalu akiliuteqarfissaq kingulleq ulluinnaalluni, taava ullut 14-it sinnerneqassapput.

Oqaasertat inatsisillu akornanni naapertuuttoqartariaqarpoq.

*Akissut: Ilanngunneqarpoq. Ullunut 14-ikkaartunngortillugu allanngortinneqarpoq.*

## **9. Tilioq – Innarluutillit Illersuisuat**

### **Kapitali 7: Killilersuiffigineqarsinnaaneq pillugu**

Tiliumiit immikkut aarlerinartutut isigineqarpoq inatsisissatut missingiummi pisartakkat anni-killisinniarneqarmata killilersuinerup nalaani aningaasatigut pillaneq periarfissinniarneqarmat, innuttaasoq sulilernissamut piareersimangippat, takukkit §§ 6-13. Inuit innarluuteqartut immikkut tatineqarluinnarsinnaapput, iliuusissatut pilersarusiornerni aammalu sammisaqartitsinerni immikkut illuinnartumik pisariaqartitsisoqarnera eqqummaariffigineqarsimannginnerata kingunerisaanik, inatsimmi pineqaatissiinissaq periarfissiisutigineqarpat.

Assersuutigineqarsinnaavoq inuk innarluuteqartoq suliffimmi sungiusarnissamut neqeroorutaasumukarpat imaluunniit atorfimmuut immikkut illuinnartumik pisariaqartitsisoqarnera eqqummaariffigineqarsimanani, suliarortinneqarsimappat. Inuup peqataanginneranut neqeroorut tulluurtuusimangippat, killilersuiffigineqarsinnaaneq aningaasatigut pineqaatissiinikkut pissaaq. Assersuut alla unaasinnaavoq inuk innarluuteqartoq pineqaatissiinerniit pitsaanngilluinnartumik sunnerneqarsinnaavoq, naak inuk innarluuteqartoq sulilernissaminut piareersimagaluarluni, piffissap ilaani ima ajortitsigisinnaavoq, allaat sulilernissamut piumasaqaatinut eqquutsitsisinnaanani. Pisut taakku tamarmik takutippaat innarluuteqarneq pissutigalugu pineqaatissiisoqarsinnaasoq, kommuni sulianut eqqortumik piginnaasaqartunik sulisoqarsimangippat.

Taamaasilluni Tiliumiit kaammattuutigineqarpoq aningaasatigut, suliffissarsiortutut ikiorsiissutinik pisartakkaminik killilersuiffigineqarnerup nalaani ikilisaaffigalugu, pineqaatissiisarneq atorunnaarsinneqassasoq.

*Akissut: Tusaatissatut tiguneqarpoq, ilanngunneqanngilaq.*